

# جریدہ عدلیہ

۲۲ شعبان ۱۳۲۹ جمعہ ۵ اگستوس ۱۳۲۷

نومبر ۹

ایکینی سنہ

قِسْمِ سِیِّمِ

نوعیات عدلیہ

کریک سنجانگی بدایت محکمہ سنک حقوق و تجارت و جزا دعوالری ری رؤیت ایتک اوزره مجدداً تشکیل ولان ریاستنه نابلس سنجانگی بدایت محکمہ سی مدعی عمومی معاونی مکتب حقوق عثمانی مأذونلرندن عثمان شریف انک یرینه ادلب قضاسی بدایت محکمہ سی رئیس مکتب حقوق عثمانی مأذونلرندن رشدی منحل اولان پرزرین سنجانگی بدایت محکمہ سی مدعی عمومی معاونلکنه منلک قضاسی بدایت محکمہ سی جزا رئیس علی رضا وده اغاج سنجانگی بدایت محکمہ سی مدعی عمومی معاونی شعبان شکری افندینک استعفا سنه مبنی یرینه بارطین لوا بدایت محکمہ سی مدعی عمومی معاونی اولوب تحویل طلبنده بولنان رشدی انک یرینه ارضروم استیناف مدعی عمومی معاونلکنندن مستغنی حسن قاسم وکذلک منحل بولنان باندرمه قضاسی بدایت محکمہ سی جزا ریاستنه عینتاب قضاسی بدایت محکمہ سی ریاستندن محکمہ مذکورہ نک لوا بدایت محکمہ سی حالنه قلبی تقرر ایتیمی حسیبله آچقده قالدق اولان نجیب نادر وقتغال قضاسی مرکزنده مرجع استینافی سیواس مرکز بدایت محکمہ سی اولوق و حقوق تجارت و جزا دعوالری ری رؤیت ایتک اوزره بر بدایت محکمہ سی بالتشکیل



ریاسته عنریزه قضایی بدایت محکمه سی رئیس حسنی انک یرینه یاقوه بدایت محکمه سی جزا ریاستندن مستغنی عارف حکمت ودرامه سنجانی مرکزنده موجود اولان لوا بدایت محکمه سنده یالکیز جنحه و قباخت موادی رؤیت ایتک اوزره لوا هیئت حاضر سنده اصولاً تشکلی ایدجک محکمه نك ریاستنه اونیه قضایی بدایت محکمه سی جزا رئیس محمداقبال انک یرینه رسنه قضایی بدایت محکمه سی ریاستندن مستغنی عبدالرحمن عطااه ظلمین قضایی مرکزنده مرجع استینافی خمس سنجانی بدایت محکمه سی اولق و حقوق و تجارت و جزا دعوالرینی رؤیت ایتک اوزره مجدداً بر بدایت محکمه سی بالتشکیل ریاستنه حیفا بدایت محکمه سی مدعی عمومی معاونین مستغنی و مکتب حقوقدن مأذون بولان علی عثمان و کذا منحل بولان نجف اشرف قضایی بدایت محکمه سی ریاستنه حله قضایی بدایت محکمه سی مدعی عمومی معاونی محمدعلی آنک یرینه بغداد بدایت محکمه سی باش کاتبی نعمان عکار قضایی بدایت محکمه سنک حقوق و تجارت و جزا دعوالرینی رؤیت ایتک اوزره مجدداً تشکلی ایریلان ریاستنه ویزه قضایی بدایت محکمه سی مدعی عمومی معاونی اسماعیل زکی انک یرینه مکتب حقوق عثمانی اعلی درجه مأذونلرندن کوملجنه ده دعوی وکیلی محمدزا کر اسکچه قضایی بدایت محکمه سی مدعی عمومی معاونی علی طالب افندینک استانبول ولایتی دعوی وکالتنه تحویل مأموریت ایتیمی حسبله یرینه قارقان دلق قضایی بدایت محکمه سی مدعی عمومی معاونی عثمان نجاتی مجدداً تشکلی ایدیلان پاسینلر قضایی بدایت محکمه سی مدعی عمومی معاونینک ارضروم ملقا تجارت محکمه سی باش کاتبی اولوب مستطقلک ولوا باش کتابتنده خدمتی مسبق مصطفی صبری کذا مجدداً تشکلی ایدیلان کیفی قضایی بدایت محکمه سی مدعی عمومی معاونینک خداند کار ولایتی مرکز بدایت مستطقی ثانیسی رشید کذا مجدداً تشکلی ایدیلان قیرشهری سنجانی بدایت محکمه سی اعضاقلربنه جبل برکت سنجانی بدایت محکمه سی اعضای سابقه سندن صادق و مکتب حقوق عثمانی اعلی درجه مأذونلرندن علی رضا و کذا مجدداً تشکلی اولنان ایپک لوا بدایت محکمه سی اعضاقلربنه پره پول قضایی بدایت محکمه سی اعضا سندن یاقو سامی و اقوه قضایی بدایت محکمه سی اعضا سندن بلاغوافدیلر نقل و تعیین اولمشلر و کوملجنه سنجانی بدایت محکمه سی جزا رئیس سلیم سری و سیروز سنجانی بدایت محکمه سی جزا رئیس زیور افندیلرک بجایشلری اجرا قلنمش و قره سی مرکزنده جنحه قباخت دعوالرینی رؤیت ایتک اوزره بر قضا بدایت محکمه سی بالتشکیل ریاستنه باند رمه بدایت محکمه سی رئیس اولوب تحویلی ایجاب ایدن یوسف ضیا افندی ، و مدعی عمومی معاونینک مکتب حقوق عثمانی اعلی درجه مأذونلرندن اولوب در سعادت بدایت محکمه سی ایکنجی حقوق دأر ه سی ضبط کتابتنده مستخدم علی کمال الدین افندی ، فیروز و یکده بر بدایت محکمه سی بالتشکیل ریاستنه قیالر مدعی عمومی معاونی رفعت افندی ، مدعی عمومی معاونینک ایپک قضایی مدعی عمومی معاونی کمال افندی ، انحلال ایدن طوران بدایت محکمه سی جزا دأر ه سی ریاستنه رفقه لر قضایی بدایت محکمه سی جزا دأر ه سی رئیس اولوب تحویل طلبنده بولان امین افندی ، رسنه بدایت محکمه سی رئیس عبدالرحمن عطااه افندینک استعفا سنه مبنی یرینه خداند کار استیناف باش کاتبی نوری افندی ، انحلال ایدن ارکلی بدایت محکمه سی ریاستنه رازلق بدایت محکمه سی

جزا دأر ه سی رئیس اولوب تحویلی ایجاب ایتش اولان عبدالرحمن درویش افندی ، انحلال ایدن اقسرای بدایت محکمه سی جزا دأر ه سی ریاستنه قضای مذکور مدعی عمومی معاونی لطفی افندی ، انک یرینه لوله برغوس مدعی عمومی معاونی اولوب تحویلی اقتضا ایدن محمدضیا بک ، انک یرینه ده اتنه قضایی مدعی عمومی معاونینکندن مستغنی بکر صدق افندی ، انحلال ایدن پروزه بدایت محکمه سی اعضاقلنه قوچحصار مدعی عمومی معاون سابق عرفان افندی ، سکود قضاسنده موجود بدایت محکمه سی نزدیکه مجدداً تعیینی اقتضاییدن مدعی عمومی معاونینک مکتب حقوق عثمانی علی الاعلی درجه مأذونلرندن رشید بک کذا سیاق قضاسنده موجود بدایت محکمه سی نزدیکه مجدداً تعیینی ایجاب ایدن مدعی عمومی معاونینک تیران مدعی عمومی معاونینکندن مستغنی مصطفی عزت افندی ، کذا فانسه قضاسنده موجود بدایت محکمه سی نزدیکه مجدداً تعیینی مقتضی مدعی عمومی معاونینک مديات قضایی مدعی عمومی معاونی اولوب تحویل طلبنده بولان الیاس وصفی افندی ، حلب بدایت اعضا سندن عطا افندینک استعفا سنه مبنی یرینه مکتب حقوق عثمانی اعلی درجه مأذونلرندن طاهر مظهر افندی ، انحلال ایدن دلوبنه قضایی مدعی عمومی معاونینک مکتب حقوق عثمانی اعلی درجه مأذونلرندن ابراهیم حق افندی ، حیفا مدعی عمومی معاونی علی عثمان افندینک مستغنی عدینه بناء یرینه بیروت استیناف محکمه سی اعضا ملازمی محمد صبری افندی ، اتنه قضایی بدایت محکمه سی مدعی عمومی معاونی بکر صدق افندینک استعفا سنه مبنی یرینه صاری شعبان مدعی عمومی معاون سابق محمد خسار افندی ، جانیک استیناف اعضا ملازمی ایلیا افندینک لازستان بدایت اعضاقلنه نقلاً وقوع انتخابی حسبله انحلال ایدجک اولان اعضا ملازمینک مرعش مدعی عمومی معاون سابق عباس بک ، انحلال ایدن قدس استیناف اعضا ملازمینک قدس بدایت محکمه سی اعضا ملازمی موسی بک ، استعفا ایدن قولونیا مدعی عمومی معاونی سلیمان فهمی افندینک یرینه سرفیجه بدایت محکمه سی مستطقی راسم افندی نقل و تعیین ، و بابای عتیق و صوفیلر قضالری بدایت جزا رئیس لری رمزی و محمد امین افندیلرله اشقودره مرکز بدایت محکمه سی اعضا سندن شفیق و طرنوه مدعی عمومی معاونی سامی افندیلرک بالموافقه بجایش مأموریتلری اجرا اولمشدر .

حقوق و تجارت و جزا دعوالرینی رؤیت ایتک اوزره مجدداً تشکلی اولنان جوران سنجانی بدایت محکمه سی ریاستنه قدس استیناف محکمه سی اعضا سندن عثمان رمزی قدس استیناف محکمه سی اعضاقلنه کرک سنجانی بدایت محکمه سی مدعی عمومی معاونی محمد زعطوط کرک سنجانی بدایت محکمه سی مدعی عمومی معاونینک غزه قضایی بدایت محکمه سی جزا رئیس طاهر و غزه قضایی بدایت محکمه سی جزا ریاستنه نجف اشرف قضایی بدایت محکمه سی ریاستندن مدت مأذونیتی تجاوز ایتدیر مسندن ناشی مستغنی عد اولنان علی عثمان و مجدداً تشکلی اولنان حوران سنجانی بدایت محکمه سی اعضاقلربنه طرابلس شام سنجانی بدایت



محکمه سی مستنطقی علی رضا و محکمہ مذکورہ اجرا ماموری محمد زکی و عکاس سنجائی بدایت محکمہ سی اجرا ماموری محمد بنہانی و سوریه ولایتی بدایت اعضا ملازمی موسی سیور افندی ، برات سنجائی بدایت محکمہ سی جزا دائرہ سی رئیس امین بک استعفا سنہ مبنی یرینہ لازستان سنجائی بدایت محکمہ سی مدعی عمومی معاونی حسن فہمی افندی ، لازستان سنجائی بدایت محکمہ سی مدعی عمومی معاونہ کنہ دیار بکر استیناف مدعی عمومی معاون اسبقی عثمان خیری ، مجدداً تشکیل اولان لازستان سنجائی بدایت محکمہ سی اعضا القلرینہ جزائر بحر سفید ولایتی مرکز بدایت محکمہ سی مستنطقی مکتب حقوق مآذونلرندن جعفر ، و توقد سنجائی بدایت محکمہ سی باش کاتبی محمد رشدی و جانبیک استیناف محکمہ سی اعضا ملازمی ایلیا افندی ، ایک سنجائی مرکز ندہ موجود اولان قضا محکمہ سنک لغوی و مخصصاتک قلیلہ لواء مذکورہ بر لوا بدایت محکمہ سی تشکیلی لواء مذکورہ ملحق قضا بدایت محکمہ لرینہ اشبو لوا محکمہ سنک و محکمہ مذکورہ ولایت استیناف محکمہ سنک مرجع استیناف اتخادی لدی التسیب ریاستہ پرزرین سنجائی بدایت محکمہ سی مدعی عمومی معاونی اولوب مکتب حقوق عثمانیدن اعلی درجہ مآذون درویش نقی و کذلک مجدداً تشکیلی اولان ایپک لوا بدایت محکمہ سی مدعی عمومی معاونہ کنہ کیلان قضاسی بدایت محکمہ سی جزا دائرہ سی رئیس شریف افندیلر و کیلان قضاسی بدایت محکمہ سی جزا دائرہ سی ریاستہ ایپک قضا بدایت محکمہ سی ریاستندن بروجہ بالا ماموریتک لغوی جہتیلہ آچقده قالا جق اولان سلیان فائق و ایپک لوا بدایت محکمہ سی اعضا القلرینہ دراج سنجائی بدایت محکمہ سی اعضای سابقہ سندن مصطفی شوکت واقوہ قضاسی بدایت محکمہ سی اعضا سندن عبدہ افندی ، بک اوغلی بدایت محکمہ سی ایکنجی حقوق دائرہ سی اعضا ملازمی تحسین افندیکن تحویل مأموریتہ مبنی یرینہ مکتب حقوق عثمانی اون سکزنجی سنہ اعلی درجہ مآذونلرندن تجارت بحریہ محکمہ سی ایکنجی صنف ضبط کتبہ سندن سامی بک ، منحل اولان سوریه مرکز بدایت محکمہ سی جزا دائرہ سی ریاستہ اطنہ ولایتی مرکز بدایت محکمہ سی مدعی عمومی اسحق توفیق انک یرینہ تحویل طلبندہ بولان یانہ ولایتی مرکز بدایت محکمہ سی مدعی عمومی حسین عونی عینتاب قضاسی مرکز ندہ موجود اولان قضا محکمہ سنک لوا بدایت محکمہ سی حالہ قلیلہ قضا مذکورہ بر لوا بدایت محکمہ سی تشکیلی و کلیس قضاسی بدایت محکمہ سنہ اشبو لوا محکمہ سنک و محکمہ مذکورہ یدہ امثالی مثللو ولایت استیناف محکمہ سنک مرجع استیناف اتخادی لدی التسیب حقوق و تجارت و جزا دعوالرینی رؤیت ایتمک اوزرہ ریاستہ وان استیناف محکمہ سی اعضا لغندن مستغنی عثمان نیازی و کذلک مجدداً تشکیل اولان عینتاب لوا بدایت محکمہ سی مدعی عمومی معاونہ کنہ مارغلیج قضاسی بدایت محکمہ سی جزا رئیس محمد امین کذا مجدداً تشکیل ایدیلان عینتاب لوا بدایت محکمہ سی اعضا القلرینہ بوکرہ لغوی مقرر اولان عینتاب قضاسی بدایت محکمہ سی اعضا سندن محمد مظلوم و ناہق و اسکندر و اغوب افندیلر نقل و تعین اولمشلر و کنج سنجائی بدایت محکمہ سی مدعی عمومی معاونی اولوب سہوہ احوالی محندن اشعار اولان ابراہیم افندی عزل اولمشدر .

شارکوی و مرفقہ قضالری بدایت محاکمی حقوق و تجارت قسمی و اجرا دائرہ سی ریاستی وظائفی بدایت محکمہ سی رئیس عنوانیلہ محاکم مذکورہ جزا دائرہ لری رؤسا سنہ تفویض اولمشدر .  
اسکیشہر لوا بدایت محکمہ سنک انقرہ استیناف محکمہ سندن فک ارتباطیلہ محکمہ مذکورہ یہ کوناہیہ استیناف محکمہ سی مرجع استیناف اتخوذ اولمشدر .  
اشبو ارادہ سنہ نک اجرا سنہ عدلیہ نظارتی مأموردر . ۵ شعبان سنہ ۱۳۲۹ ۱۹ تموز سنہ ۳۲۷

محمد رشاد

عدلیہ ناظری صدر اعظم

نجم الدین ابراہیم صفی

## قوانین و نظامات

قانون جزانک ۶ جمادی الاخرہ سنہ ۱۳۲۹ تاریخی ایکی یوزاوتوزنجی

مادہ سی ذیلنہ مذیل قانون موقت صورتیدر

مادہ ۱ قانون جزانک ۶ جمادی الاخرہ سنہ ۱۳۲۹ تاریخی ایکی یوزاوتوزنجی مادہ سی ذیلنہ مادہ آتیہ تذیل اولمشدر :

« مجازات تأدیبیہ مستلزم سرقت فعانک متشبثلری حقندہ او فعل ایچون قانوناً معین اولان جزائلندن ثلثانہ قدر تنزیل اولنہرق حکم اولنور »

مادہ ۲ اشبو قانونک حکمی تقویم وقایع ایلہ تاریخ نشرندن اعتباراً اوتوز کون صکرہ مرعی الاجرا اولہ جقدر .  
اشبو لایحہ قانونیہ نک مجلس عمومینک اجتماعندہ قانونیتی تکلیف اولنمق اوزرہ موقتاً موقع اجرایہ وضعی وقوانین دولتہ علاوہ سنی ارادہ ایدرم .

۱۲ رجب سنہ ۱۳۲۹ و ۲۶ حزیران سنہ ۱۳۲۷

محمد رشاد

عدلیہ ناظری صدر اعظم

نجم الدین ابراہیم صفی



قانون جزانك ۶ جمادى الاخره سنه ۱۳۲۹ تاريخى ايكي يوز اوتوزنجى مادهسى ذيلنه تذييلاً تنظيم اولنوب مجلس عمومىك اجتماعنده قانونىي تكليف اولنق اوزره موقع اجرايه وضعى خصوصه بالاستيدان اراده سنيه حضرت پادشاهى شرفتملق بيورلمش اولان ماده موقتة قانونيه صورتى بالايه درج ايدلمش و اجاب ايدن دوائر و محاكمه لاجل التبليغ نسخ مطبوعه كافيهسى لفا كوندولمشدر سرعت توزيعيله هر طرفجه حكم قانونه توفيق معامله اولنسى اسبابنك استكمالى تبليغ اولنور . ۶ شعبان سنه ۳۲۹ ۲۰ تموز سنه ۱۳۲۷

درسمادت بلديه قانوننك التمش دردنجى و ولايت بلديه قانوننك قرقچى مادهسى  
مقامنه قائم اولنق اوزره اخيراً تصديق عاليه اقتران ايدن ماده معدله قانونيه :

تنظيفيه وتنويريه مثللو ايلق ويا سنهك اولهرق طرح واستيفاسى نظامات مخصوصهسى ايجابندن اولان تكليف بلديه جمعيت عموميه بلديه طرفندن تقاسيط معينهيه ربط ايله سنه جديدهك حلولندن ايكي آي اول دوائر بلديهيه تبليغ ايديلهرك مأمورين مخصوصهسى معرفيله تحصيل ايتديريلور .

مستأجرلره عائد رسوم اصحاب املا كدن ومتصرفلره عائد رسوم مستأجرلردن طلب اولنمن .  
واردات غير مقننه عند التحقيق لازم التأديه اولنور . و بونوع وارداتك تحصيلنده مأمورين متعلقهسى ويا ملتزملى ايله مكلفين آرسنده مقدارجه اختلاف حدوننده كيفيت مجالس بلديهجه بالتحقيق قراره ربط اولنور .  
تقاسيط معينهيه وقت وزماننده اعطا ايتيانلره اون كون و واردات غير مقننهيه ايضا ايتيانلره يكرمى درت ساعت ظرفنده اداي دين ايتملرى ايجون براخبارنامه تبليغ ايديلهرك مذكور مدتلىر منقضى اولدنده مديون موظف مأموريندن ايسه معاشى ربغك توقييله واصحاب عقاردن ايسه بدل ايجارينك حجزيله واصحاب تجارت وصنعتدن ايسه تيمورباش اشيا سندن وكندى صنعتك اجراسنه مقتضى آلات وادواتندن ماعدا اموال منقوله سندن دينه كافى مقدارينك حجز وفروختيله تحصيل اولنور . اشبو حجز وفروخت معاملهسى مجالس بلديه قراريله اجرا اولنور . بلديهلره ملتزم آرسندهكى عقوددن متولد اختلاف محاكم عاذه سنك حكميله فصل اولنور .

۱۳۲۶ سنه ماليهسى نهايته قدر سنين سابقه دن بلديهيه اولان ديون اشبو قانونك تاريخ نشردن اعتباراً برسنه ظرفنده بروجه آتى تصفيه ايديله جكدرد . شويله كه ديونك مقدارينى وسنه ونوعى ميين مجالس بلديهجه قيوده نظراً مفرداتلى براخبارنامه تنظيميله مقبوض مقابلنده مديونه تبليغ قلنه جق وتاريخ تبليغندن اون بش كون ظرفنده اعتراض وقوعنده مجالس بلديهجه معترضك ويا آدمك اعتراضات وافاداتى نظر دفته الهرق تدقيقات مكمله اجراسيله مقدار صحيحى تحقيق ايتديريلوب قرارى اعطا ور قطعه صورتى مجاناً مديونه تبليغ اولننه جكدرد . بوقراره راضى اولميانلر اون بش كون ظرفنده درسمادنده مجلس امانته طشره لرده مجالس ادارهيه

مراجعت ايدنه جكدرد . بومجلسلرك قرارلرى قضايدرد . بومدتلك مروندن صكره وقوعبوله جق اعتراضلر مسموع دكلدر . بوسورتله تحقيق ايدنه جك ديون آيروجه دفتر مخصوصه قيد ايديلوب بونك تقاسيط معينه ايله يوزده اونى اموال غير منقولهك بيع و فراغى وقوعنده تمامى تحصيل اولنه جق و آرتق دفاتر عتيقهيه اعتبار ايديله جكدرد . مدت محرره ظرفنده تصفيه معاملهسى اكمل ايديله ميان بقايانك قيدى ترقين قلنه جكدرد .  
قيمت موضوعهسى اون بش بيك غروشدن دون اولان عجزه خانه لرينك اوچ يوزيكرمى اوچ سنه ماليهسى نهايته قدر اولان بقاياسى معفودر .

رسوم بلديهيه و بقاياسى تأديه دن امتناع ايدن مديون متمردلرك ديونى مجالس بلديه مضبطه لرى اوزرينه درسمادنده شهر اميننك وطشره لرده الك بيوك ملكيه مأمورينك اشارت تحريره سسيلاه اجرا رئيسى معرفيله قانوناً تحصيل اولنور .

بلديه لرحه حكم اولنان جزاى نقدي ي و يرمكدن امتناع ايدنلردن جزانك تحصيلي حقنده مجالس بلديهجه تنظيم اولنه جق مضبطه درسمادنده شهر اميننك وطشره لرده الك بيوك ملكيه مأمورينك اشارت تحريره سسيلاه لاجل التنفيذ مدعى عمومىيه توديع اولنور .

مجلس اعيان ومبعوثانده قبول اولنان اشبو لايحهك قانونيتى وقوانين دولته علاوه سنى اراده ايدرم .

۱۲ جمادى الاخره سنه ۱۳۲۹ و ۳۰ ميس سنه ۱۳۲۷

محمد رشاد

داخليه ناظرى صدر اعظم

فيليل ابراهيم مفي

## تبليغات عجميه

عدليه نظارت جليله سندن تسطير بيوريلان ۹ تموز سنه ۳۲۷ تاريخى تحريرات عموميه صورتيدرد :

« پوسته و تمغا و محاكم خرج پوللرى و سائر كه قيمتلى اورانك طبع و سوقى خزينه جه درعهده ايديلهرك بالجملة مال صندوقلرنده موجود اولديغندن بعدما درسمادندهكى دوائر عاذه سنه مراجعت ايدلمايوب بونلرك مال صندوقلردن طلب ايدلسى لزومه دائر »

پوسته و تمغا پوللرى ايله كركاردره مستعمل بعض قيمتلى اوراقدن ماعدا حجاز تيمور يولى منفعتنه اولهرق



احداث ايدلمش اولان هر نوع قيمتلى اوراق ايله محاکم و دوائر معلوميه عائد خرج و رسملرک تحصيلنده استعمال ايدلمکده بولنان پوللرک و تذکره عثمانیه و پساپورت و مناکحات و تولدات علم و خبری کبی بر بدل مقابلنده ویریلان نفوس اوراقک طبع و سوقی سنه حالیه ابتداسندن اعتباراً خزینه جه درعهده ایدیلهرک بولنرک هر نوعندن لزومی مقدارینک ولایات والویه غیر ملحقه مالصندوقلرند موجود بولندیرلمسی مقرر بولنش و کیفیت ۲۲ کانون اول سنه ۳۲۶ تاریخلی و ۳۲۴ نومرولی تحریرات عمومیه ايله مأمورین مالیهیه تبلیغ ایدلمش اولدیغندن بعد ازیں اوراجه لزومی اوله جق بوقیل خرج پوللریله دیگر قيمتلى اوراق اچون آرتق بوراده کی دوائر عاده سنه مراجعت ایدلیوب بولنرک اورا مالصندوقلرندن طلب اولنسی لزومی مالیه نظارت جلیله سنک تذکره سنه عطفاً محاسبه افاده سیله بیان اولنور .

عدليه نظارت جلیله سندن تسطیر بیوریلان ۱۳ تموز سنه ۳۲۷ تاریخلی تحریرات عمومیه صورتیدر :

« طشره لرده اجنبیلره ارسال اولنه جق اوراق عدلیه نکده درسه ایدنه اولدینی وجهله تبلیغی یعنی والی متصرف و قائم مقاملرک وساطتنه مراجعت اولنقسزین دوغروندن دوغرییه قونسوستانلره کوندیرلمسی لزومنه دائر »

ولایات عثمانیه ده بولنان امریکا انکلتره روسیه ایتالیا اوستریا مجارستان دولترلی تبعه سنه متعلق دعوالرده مأمورین عدلیه جانبندن قونسوستانلره ارسال اولنه جق اوراق عدلیه نک قبول ایدیلهرک معاملات لازمه نک ایفاسیله برابر حین حاجتده محاکم عثمانیه رؤسایله دخی بلا واسطه مخابراتده بولنلمسی خصوصنده دولین مشارالیههم سفارتلرینک موافقتلرینک استحصال قلندیرینی و دیگرلرندن آله جق جوابلرکده بیلدیریهلر جکی خارجییه نظارت جلیله سنک اشعارینه عطفاً ۷ تشرین اول سنه ۳۲۶ تاریخنده تعمیماً تبلیغ قلندمش ایدی . نظارت مشارالیهان بو کره بالخابره النان تذکرهده طشره لرده اجنبیلره ارسال اولنه جق اوراق عدلیه نکده درسه ایدنه جاری اولدینی وجهله تبلیغی یعنی والی متصرف و قائم مقاملرک وساطتنه مراجعت اولنقسزین دوغرییدن دوغرییه قونسوستانلره کوندیرلمسی لزومی بیلدیرلمش واشبو تحریراتک نسخ مطبوعه کافیه سی لفاً ارسال قلنمش اولغله اوراجه ده اولوجهله ایفای معامله اولنسی سیاقنده ترقیم شقهیه ابتدار اولندی .

عدليه نظارت جلیله سندن تسطیر بیوریلان ۱۳ تموز سنه ۳۲۷ تاریخلی تحریرات عمومیه صورتیدر :

« حیوان سرقتی وقوعنده فاعلی مجهول اولور ایسه فاعلی مجهول بر جرم حقنده وقوع بوله جق اخبارات و شکایات اوزرینه مدعی عمومیلرک ضابطه عدلیه مأمورلری واسطه سیله تحقیقات اجرا ایتدیرهرک فاعلی ظاهره اخراج ایتدیرملری وظائف قانونیه لرندن بولنقله حیوان سرقتی مسئله سنده ده بوجهله حرکت اولنسی لزومنه دائر »

حیوان سرقتی وقوعنده صاحبلی طرفندن فاعل جرم تعیین ایدلمکجه بو بابده کی استدعاره جهت عدلیه جه

اهمیت ویرللمکده اولدینی مراجعات واقعه دن اکلشلمشدر حیوان سرقتی فعلی جرم مشهود شکلنده وقوع اولدینی حالده مأمورین تحقیقیه نک محل جرمه عزیمتله اجرای تحقیقات ایتلری جمله وظائف قانونیه لرندن ایسه ده اشخاص مجهوله طرفندن ایقاع ایدیلن حیوان سرقتلرینه متعلق اخبارات و مستدعیات رسمیه اوزرینه ید حکومته کی وسائط تحقیقیه دن بالطبع محروم بولنان افرادک اول باول تعیین فاعل ايله مکلف طولسی و بو وسیله ايله تحقیقات قانونیه نک مغلق ویا تماماً معطل بر اقللمسی غیر جائز اولسنه و فاعلی مجهول بر جرم حقنده وقوع بوله جق اخبارات و شکایات رسمیه اوزرینه قانوناً وظیفه دار اولان مدعی عمومیلرک ضابطه عدلیه مأمورلری واسطه سیله تحقیقات مکمله اجرا ایتدیرهرک فاعلی ظاهره اخراج ایتدیرملری اقدم وظائف قانونیه لرندن بولنسنه بناءً بعدما بولازمه قانونیه یه کاهی حقها رعایت و فاعلک ظاهره اخراجی و حقنده حکم قانونک اجرا سیله برابر مال مسروفتک عیناً ویا مستهلک ایسه بدلاً تضمینی ايله حقوق عمومیه و شخصیه نک محافظه سنه مزید اعتنا و دقت ایدلمسی لزومی بالعموم استیناف مدعی عمومیلرکینه تبلیغ ایدلمش واشبو تحریراتک نسخ مطبوعه کافیه سی لفاً ارسال قلنمش اولغله حالات مماثلده اوراجه ده اولوجهله ایفای وظیفه قانونیه ده ابراز غیرت اولنسی سیاقنده شقه ترقیم قلندی .

عدليه نظارت جلیله سندن تسطیر بیوریلان ۱۳ تموز سنه ۳۲۷ تاریخلی تحریرات عمومیه صورتیدر :

« توتون جزای نقدیلری حقنده رسم جزائیهدن صادر اولان اعلاماتک رسم تمغاندن استثناسنه دائر »

توتون جزای نقدیلری حقنده کی رژی دعوالرینه متعلق اعلامک محاکم جزائیهدن صادر اولدینی جهتله بولنره تمغا پولی الصاقی لازم کلیه جکی رسم تمغا نظامنامه سنک معایات فصلنک سکزنجی ماده سی ایجابندن ایکن بوبابده بعض محاکمه تردد ایدلمکده اولدینی رژی اداره سی وکیل عمومیه سی طرفندن باعریضال استدعا اولنمشدر رژی جزای نقدیسی متضمن اولان اعلامات محاکم جزائیهدن صادر اولمش و جنبه یه متعلق برفعله متدائر بولنش اولسنه نظراً بوقیل اعلاماتک رسم تمغاندن استثناسی محکمه تمیز هیئت عمومیه سنک ۱۶ حزیران سنه ۳۲۰ تاریخلی قراریه ده مؤید اولدیغندن بعدما اولوجهله ایفای معامله اولنسی لازم کله جکی بیانیله واشبو تحریراتک نسخ مطبوعه کافیه سی لفاً ارسال قلندی .



## محكمة تمييز مقراني

محكمة تمييز هيئت عمومية مقراني

محكمة تمييز هيئت عمومية سندن صادر اولان ۲۴ مایس سنه ۳۲۷ تاریخلی و ۱۰۵۲ نومرولی اعلام صورتیدر:

۱ — فعل قتلک نه کبی بر آلت جارحه ایله ایقاع ایدلدیکنک معاینه بی اجرا ایتیش اولان طبیبک حضور محکمه یه جلبیله کندرسندن قناعت بخش وجدان اوله جق صورتده ایضاحات آلهرق بومسئله نک فنک قبول ایده جکی بر صورتده حل و تدقیقاتک اکا کوره نوسی لازم کلیرکن بونقطه مهمه نک نظر دفته آلمیه ق محکمه محلیه جه خلاف صلاحیت تدقیق جهته کیدلسی نقض حکمی مستلزمدر .

صاروخان سنجاغی بدایت محکمه سی جزا دائره سندن تنظیم واعطا قلنان ۶ ربیع الاول سنه ۳۲۹ و ۲۲ شباط سنه ۳۲۶ تاریخلی و سکر یوزالی بر نومرولی اعلام ایله متفرقاتی باش مدعی عمومیلک مأموریت علیه سندن ۱۵ ربیع الآخر سنه ۳۲۹ و ۲ نیشان سنه ۳۲۷ تاریخلی و بشیوز اون آلتی نومرولی تبلیغنامه ایله محکمه تمييز جزا دائره سنه کوندیش و عائدتی جهتیله هیئت عمومیه جه بالتدقیق اصراری محتوی اولدینی متفقاً تحت قراره آلمش اولغله اوراق دعوی مطالعه اولندی .

اعلام مذکورک مالی اوچیوز یکرمی بش سنه سی تشرین نایسنک یکرمی بشنجی کیجه سی کوردس قضاسنه تابع شیخ یایلا قریه سندن دومان اوغلی حسین زوجہ سی خدیجه بی جرح و قتل ایدلکری ادا اولمیسندن طولای جنایتله اتهام اولنان اشخاصدن قوجه سلیمان اوغلی سلیمانک قانون جزانک یوزتمش دردنجی ماده سنک فقره اولیسنه تطبیقاً اون بش سنه مدته کورکه قونلمسنه و دیگر متهم عثمان ایله جنجه مظنونلرینک دخی مختلف مدتلرله حبسلرینه دایر مقدما ویریلان اعلامک حکم جنائی جهتی عند التمييز فعل قتلک متهم مرقوم طرفندن ایقاع ایدلدیکنک اسباب ثبوتیه سی مجرمیت قرارنده بیان و ایضاح قلنامش اولمیسندن طولای نقض واعاده قلنمی اوزرپنه بوکره جریان ایدن محاکمه نتیجه سندن متهملردن عثمانک النده یحیاق و سلیمانک النده دخی اوراق اولدینی شهادتله ثابت اولسنه و طبیب راپورنده مقتوله نک باشنده موجود اوج سائیمترو عمقنده نافذ بر جریحه نک تأثیریه وفاتی کوسترلمسنه نظراً اشبو جرحه نک انجق متهم سلیمانک حامل اولدینی بالشهاده اکلاشیلان اوراق ضربه سیله حاصل اولسی لابد بولنش و بناءً علیه مجرمیت قراری اسباب مذکورہ بی جامع کورلمش اولدینندن حکم سابقده اصراره ۲۲ شباط سنه ۳۲۶ تاریخنده قرار ویرلایکندن عبارتدر .

تبلیغنامه ده دخی نقض واقع دائره سندن ایفای معامله مقتضی بولنش ایکن حکم سابقده اصراره قرار ویرلسی یولسز و مخالف قانون بولندینندن اعلام مذکورک هیئت عمومیه جه بالتدقیق نقضی طلب اولمشدر . تدقیقات تمیزیه اجرا اولندقدہ اولیابده کی محاکمه ضبطنامه سیله اعلام ماللرندن مستبان اولدینی اوزره اثنای منازعه ده متهملردن عثمانک النده یحیاق و سلیمانک النده دخی اوجی تیمورلی اوکندیره تعیر اولنان آلت بولدینی جمله شهادتدن اولدینی و طبیب راپورنده مزبورہ خدیجه نک باشنده بر جرحه رضیه اولقله برابر آلت جارحه ایله تکرار ضرب نتیجه سی اولهرق و کیکی دلنش و بینک سحایاسنه قدر نفوذ ایتیش بر جرحه نافذہ تأثیریه وفات ایدلکی کوسترلمش اولسنه نظراً بونک نه کبی بر آلت جارحه ایله ایقاع ایدلدیکنک معاینه بی اجرا ایتیش اولان طبیبک حضور محکمه یه جلبیله کندوسندن قناعت بخش وجدان اوله جق صورتده ایضاحات آلهرق بومسئله نک فنک قبول ایده جکی بر صورتده حل و تحقیقاتک اکا کوره نوسی لازم کلیرکن بونقطه مهمه نک نظر دفته آلمیه ق محکمه محلیه جه خلاف صلاحیت تدقیق جهته کیدلسی اولسی موافق قانون کوریه مامش و بوجهتی تضمن ایدن نقض واقع بجا بولنش اولدینی حالدہ قرار اولده اصرار ایدلسی مستلزم نقض اسباب قانونیه دن اولدینندن اصول محاکمات جزائیہ قانوننک اوچیوز اون دردنجی ماده سنه توفیقاً اعلام اخیر مذکورک دخی بوسیله بناءً نقضیله اوراقنک محلیه اعاده سنه و ایکی یوزغروش اعلام خرجنک ایلروده حقسنر حقیقه جق طرفندن تحصیلنه ۲۸ نیشان سنه ۳۲۷ تاریخنده متفقاً قرار ویرلیدی .

محكمة تمييز استعدا دائره مقراني

محكمة تمييز استعدا دائره سندن صادر اولان ۹ ایلول سنه ۳۲۶ تاریخلی و ۱۷۴۸ نومرولی اعلام صورتیدر:

۱ — مظنونلر طرفندن درمیان اولنان صلاحیت اعتراضه قارشو هیئت اتهامیه افحصار محکمه سی استنطاق دائره سیله مدعی عمومیلکندن مظنونلر حقنده اقامه ایدلش بر دعوی موحود اولدیفته بناءً اجرای تدقیقاتی صندرغی مستنطقلکنه عائدینده قرار ویرمش ایسه ده نسخه ثانیه سی ابراز ایدیلان جلب مذکور سنک آفحصار محکمه سندن صادر اولدینی اکلاشلمسنه و کیفیت محکمه دن استفسار ایدلشمش بولمسنه مبنی مخابرات جاریه نک نواقصی اکال ایدیلهرک اعتراض واقعه رد و یا قبولی حقنده برقرار اتخاذی لازمکاورکن هیئت اتهامیه جه نقصات تحقیقاته بناءً صلاحیت حقنده برمنوال محرر قرار ویرلسی نقض حکمی مستلزمدر .

در سعادت هیئت اتهامیه سندن تنظیم واعطا قلنان ۱ مایس سنه ۳۲۶ تاریخ و آلتی نومرولی مضبوطه نک تمیزاً تدقیق طلبنی حاوی حاجی محمد اوغلی علی عثمان و کورک اوغلی خلیل ابراهیم و ولی اوغلی سلیمان ایله نصاب محمد اوغلی حسن طرفلرندن مشترکاً معطی استعدانامه و اوراق متفرعه سی باش مدعی عمومیلک



مأموریت بهیه سندن بتبلیغ نامه ۷ اغستوس سنه ۳۲۶ تاریخنده محکمه تمیز استدعا دائره سنه تودیع قلمش ولدی التدقیق مستدعیلردن خلیل ابراهیم و سلیمان ایله حسنه مضبطه مذکورہ تک تبلیغ اولندی و دیگر مستدعی عثمانک برکونه صفت و صلاحیتی حائز بولمق سزین مذکور استدعا نامه به مرقومک امضالربنی وضع ایلدیکی بالخباره اکلایم شلمش ایدوکنندن مدت و شرائطی یولنده کوریلان مرقوم عثمانه عائد استدعا نامه تک بالقبول یالکنز آنک حقنده تدقیقات تمیز به اجرا سنه ابتدار اولندی .

مذکور مضبطه تک خلاصه مالی سرقت ماده سندن طولای مظنون اولوب حقلرند تحقیقات استنطاق به اجرا ایدلمکده بولان مستدعی علی عثمان و رفقا سنه اسناد ایدیلن جرمک صندرغی قضای داخنده ایقاع ایدلمش اولسنه و مدعی و شهودک دخی قضاء مذکور اها یسندن بولمق سزین و دلائل و امارات سارمسی ده محل مذکورده الله ایدیلجه ککنه مبنی بوبابده تحقیقات استنطاق به اجرایی دائره صلاحیتی داخنده اولدیغه دائر قضاء مذکور بدایت محکمه سی مستنطقا کسندن ویریلن قرانامه تک مظنون مرقومون جانبدن وقوع بولان اعتراض اوزرینه هیئت اتهامیه جه بالتدقیق فعل مذکوردن طولای اجرای تحقیقاته صندرغی مستنطقک صلاحیتدار اولدیغه قرار ویرلیدیکی متضمندر .

لايحه تمیز به ده مسروق قیونلرک کندیلرینه عائدتی دائره استنطاقیه جه تبیین ایش و بوکا متدائر تحقیقاته اولجه اقتصار محکمه - نجه مباشرت ایدلیدیکی رسماً ثابت اولمش ایکن بواحوالک نظراعتباره آلمیه رق اجرای تحقیقاته صندرغی مستنطقک صلاحیتدار عد ایدلمسی مخالف قانون ایدوکنندن بختله مذکور مضبطه تک نقض استدعا ایدلیدیکی کی تبلیغ نامه ده دخی مظنون علیه مرقوم عثمان طرفندن معطی استدعا نامه دن مستبان اولدیغی اوزره ینه ضرب و اشکنجه و اغنام سرقتدن طولای مرقومون علی عثمان و رفقا سی طرفلرندن اقتصار بدایت محکمه سی جزا دائره سنه مراجعت وقوع بولدیغی و علیا رینه اقامه ایدیلن اشبو سرقت دعوا سی ثم التدارک بردعوی قیلندن اولوب جرم ذاتاً اقتصار داخنده بولندیغی جهته صندرغی مستنطقک صلاحیتی حقنده اعتراض درمیان ایدلمش و مذکور اقتصار جزا محکمه سنک ۳۱ کانون ثانی سنه ۳۲۵ تاریخلی جلب مذکور سی نسخه ثانی سیده ابراز واعطا قلمش اولدیغی حالده هیئت اتهامیه مستنطق مخصوصا کسندن استدعا مندرجاتی دائره سنه تفصیلات اعطاسیله اقتصار محکمه سنجه بوبابده کی دعوانک نوعی ایله طرفینک اسامیسی و شمیدی به قدر جریان ایدن معاملاتک درجه سی استیضاح و علی الخصوص جرمک وقوع بولدیغی محل تحقیق و استعمال اولندقدن صکره نتائج حاصلیه کوره کیفیتک قراره ربطی و اعتراضات مسروده تک اسباب موجب ایلرردی لازمه دن ایکن اقتصار مدعی عمومی معاونی وکیلک ۲۹ مارت سنه ۳۲۶ تاریخلی مهم درکناریله اکتفا ایدیلهرک و اسباب موجب سرد اولمیه رق بر منوال محرر اعتراض استدعا نامه سنک هیئت اتهامیه جه ردی یولسز و مغایر قانون و تمیز استدعا نامه سی مندرجاتی بو طریقه وارد و بجا بولندیغی بیانیله مضبطه مذکورہ تک نقضی لزومی کوسترلشددر .

ایجابی لدی المذاکره اوراق متعلقه مندرجاتندن استنباط اولندیغی وجهله سرقت فعلیله مظنون علی عثمان ایله معلوم الاسامی رفقا سی طرفلرندن درمیان اولان صلاحیت اعتراضی اشبو سرقت ادعاسیله ضرب و اشکنجه ماده لرندن طولای اولجه اقتصار قضای بدایت محکمه سی جزا دائره سنه مراجعت اولنهرق کندولرینه جلب مذکور سی ده تبلیغ اولندیغی جهته صندرغی بدایت محکمه سی مستنطقک بوبابده بشقه جه اجرای تعقیقاته صلاحیتی اولمادیغی خصوصه متدائر اولوب هیئت اتهامیه جه ده نقصان تدقیقاته استنادی اکلایمیلان مذکور قرارنامه تک نسخ اولنهرق اکیال تدقیقات ضمننده محلیله جریان ایدن بخباره اوزرینه ذکر اولان سرقت دعوا سنک اجرای تدقیقاتی صندرغی مستنطقا ککنه عائد اولدیغی تحت قراره آلمش و بو قرار دخی اقتصار محکمه سنجه مظنونلر حقنده اقامه ایدلمش بر دعوانک موجود اولدیغی یولنده کی جواب محلی به مستند بولمش اولوب انجق سالف الیابن بخباره اوراق مندرجاتنه نظراً اقتصار قضای استنطاق و مدعی عمومی معاونلکی دائره سنه مظنونلره متعلق بر مسئله موجود اولمادیغی بیان اولنوب کیفیت محکمه دن استفسار و استیضاح اولنامش و نسخه ثانی سی ابراز ایدیلن جلب مذکور سی ایسه محکمه مذکورده دن صادر اولمش اولدیغی جهته مخبرات جاریه تک شونواقصی اکیال ایتدیرلمک و اکا کوره اعتراض واقعک رد و قبولی حقنده برقرار ویرلمک لازم کلورکن هیئت اتهامیه جه ده نقصان تدقیقاته بناءً صلاحیت جهتنک بر منوال محرر قراره ربطی یولسز و مغایر اصول و قانون اولوب تمیز استدعا نامه سی محتویاتی بو صورتله وارد و بجا کورلمش ایدوکنندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منطوقنجه مذکور هیئت اتهامیه مضبطه سنک مستدعی مرقوم علی عثمانه عائد فقره سنک اسباب محررده دن ناشی قضیله احکام قانونیه دائره سنه ایفای معامله اولنق اوزره اوراق متعلقه سنک هیئت مذکورده یه اعاده سنه وایکی یوزغروش اعلام خرچنک تعرفه و تعلیمات مخصوصه سنه توفیقاً بالآخره حق سز حقیقه جق طرفندن استیفا سنه ۲۰ اغستوس سنه ۳۲۶ تاریخنده متفقاً قرار ویرلیدی .

محکمه تمیز استدعا دائره سندن صادر اولان ۱۹ ایلول سنه ۳۲۶ تاریخلی و ۱۷۱۰ نومرولی اعلام صورتیدر :

- ا - دهودک اصول محاکمات جزائییه قانوننک ۱۷۴ و ۱۴۵ و ۱۴۶ نجی ماده لری موجبجه قبل الاستماع اسم و شهرت و سن و صنعت و محل اقامت لرینک و طرفیه قرابت و صهریت لری اولوب اولمادیغنک استفساری لازمه دن ایکن استماع اولان کسانک معاملات استجوابیه سی ذکر اولان مواد قانونیه احکامی دائره سنه اجرا اولنامسی نقض حکمی مستلزمدر .
- ب - ضبط ورقه سنه مهری بولان برکیمه سنک جلب و استماعندن ذهول ایدلمسی موجب نقضدر .
- ج - تنبیها تواقه خلافنده انشاء آتده بولنلدیغنک شوقی حالده دفعه ثانییه ده وقوع بولان تنبیها ت اوزرینه انشاء تک تعطیلی کیفیتی افعال جرمیه دن اولان شوحرکتک ماهیتی تبدیل و بوبابده کی مسئولیت جزائییه دن معافیستی مستلزم اسباب قانونیه تشکیل ایدمه میجکی درکار ایکن ایکنجی دفعه وقوع بولان تنبیها ت اوزرینه انشاء آتی ترک ایش اولدقلرندن بختله عدم مسئولیت لرینه قرار ویرلمسی مستلزم نقضدر .

ارکلی قضای بدایت محکمه سی جزا دائره سندن تنظیم واعطا قلنان ۱۳ تموز سنه ۳۲۶ تاریخلی اعلامک



تميزاً تدقيق طلبی حاوی محکمه مذکور مدعی عمومی معاون کی جانبندن معطی استدعا نامه و اوراق متفرعه سی باش مدعی عموم ملک مأموریت بهیه سندن باتبلیغ نامه ۱۶ اغستوس سنه ۳۲۶ تاریخده محکمه تمیز استدعا دأثره سنه تودیع اولمش ولدی التدقیق مذکور استدعا نامه نك مدت معینه قانونیه سی ظرفنده اعطا قلندینی آکلاشلمش اولغله بالقبول تدقیقات تمیزیه اجراسنه ابتدار ایدلدى .

اعلام مذکورك خلاصه مالى مصطفى قپودان زوجة سیله حقى بك میانه لرنده منازع فیه اولان عرصه ابتدار اولنان انشا آتک امر حکومتله تعطیل ایدلدىکی حالده تنیها ت حکومته مخالفته بولند قلى ادعا اولنان مصطفى قپودان اوغلى حسین و بوسنه لی احمد اوسته نك اجرا قلنان محاکمه لری نتیجه سنده مرقومانك ایکنجی تنیه اوزرینه انشا آتی ترك ایدلکرنندن ومستلزم مجازات برحالی کوریه لمدیکنندن بختله عدم مسئولیتلرینه قرار ویرلدىکنی متضمندر لایحه تمیزیه ده منع انشا آتہ دأثر اولان بلدیہ قرارى مظنونلره تبلیغ ایدلدىکی حالده اصفا ایتیمرك انشا آتہ مصرانه دوام ایتدکری ضبط ورقه سی و اخبارات ایله درجه ثبوتده ایکن عدم مسئولیتلرینه قرار ویرلمی مغایر قانون ایدوکنندن بختله اعلام مذکورك نقضی استدعا اولمش تبلیغ نامه ده دخی مرقومانك خلاف بینہ حرکتده بولند قلى ثابت اوله مادینی حالده برأیت قرارى اتخاذی لازمه قانونیه دن ایکن فقدان جزا حالده استعمالی ایجابات قانونیه دن اولان عدم مسئولیت تعینرینك استعمالی مخالف قانون اولوب مدعی عموم ملک تمیز استدعا نامه سنده انشا آتک منعه دأثر بلدیہ جه ویریلان قرار مرقومانه تفهیم ایدلدىکی حالده اصفا ایتیمرك انشا آتده دوام ایتدکری ضبط ورقه سی و شاهدلرک شهادتیه ثابت اولدیغندن بختله سردایدیلان اعتراضات بجا کورلمش ایدوکی بیانیله اعلام مذکورك نقضی لزومی مرقم بولنمشدر .

ایجابی لى المذاکره محاکمه جلب ایله افاده لرینه مراجعت اولنان شهودك اصول محاکمات جزائیه قانونك یوزیمش دردنجی ماده سنك معطوف علیهی اولان یوز قرق بشنجی ماده سنده تعریف و بیان اولندینی اوزره قبل الاستماع اسم و شهرت و سن و صفت و محل اقامت لرینك استفساری و اصول مذکورك یوز قرق آلتنجی ماده سی حکمنجه طرفینه قرابت و مناسبتلری اولوب اولمادیغنى تحقیقی ایله ضبط نامه به درجی مقتضى بولندینی حالده مندرجات اعلامدن استنباط اولندینی وجهله درجه اولی محکمه سنجه مظنون حسین و احمدك فعل مدعا به جرائلرینی مثبت اولق اوزره تنظیم قلنان ضبط ورقه سنده امضاسی بولنان و جلب ایله استماع قلنان کسانك معاملات استجوابیه سی ذکر اولنان مواد قانونیه احکامنه توفیق اولمادینی کبی ورقه مذکورده مهری بولنانلردن پولیس مأموری و کیى محمد فضلی افندینك ده جلب واستماعندن ذهول ایدلمی و علی الخصوص مظنونلرک بروجه ادعا تنیها ت واقع خلافده انشا آتده بولند قلى رینك ثبوتی حالده دفعه ثانیه ده سبق ایدن تنیها ت اوزرینه انشا آتی تعطیل ایتلری کیفیتی افعال جرمیه جمله سندن اولان شو حرکاتک ماهیتی تغیر و تبدیل و بوبایده کی مسئولیت جزائیه دن معافیتی مستلزم اسباب قانونیه تشکیل ایدمه جه کی درکار بولمش ایکن مرقومانك ایکنجی دفعه وقوع بولان تنیها ت اوزرینه انشا آتی

ترك ایتیش اولدقلرندن بختله عدم مسئولیتلرینه قرار ویرلمی یولسز و مغایر اصول و قانون اولوب لایحه تمیزیه محتویاتی تبلیغ نامه ده دخی مرقم اولدینی وجهله بوصورتله وارد و بجا کورندیکندن اصول محاکمات جزائیه قانونك اوچیوزاون دردنجی و اوچیوز اون طقوزنجی ماده لری منظوقنجه اعلام مذکورك اسباب محرره دن ناشی قضیه احکام قانونیه دأثره سنده ایفای معامله اولنق اوزره اوراق متعلقه سنك محکمه مذکوریه عاده سنه وایکی یوزغروش اعلام خرجنك تعرفه و تعلیمات مخصوصه سنه توفیقاً ایلروده حقسنز حقیقه جق طرفدن استیفا سنه ۱۷ اغستوس سنه ۳۲۶ تاریخده متفقاً قرار ویرلدى .

محکمه تمیز استدعا دأثره سندن صادر اولان ۱۳ ایلول سنه ۳۲۶ تاریخلی ۱۷۷۸ نومرولی اعلام صورئیدر :

۱ - مظنونك تحدید جزائى متضمن اولان قرار استینافینك مبتنی اولدینی محاکماتک برنجی قسمنده مدعی عمومی معاون کی وکالتده بولندیرلش اولان اهضا ملازمك بالآخره هیئت حاکمه میانه آلتیمی مستلزم نقضدر .

سینوب سنجانی بدایت محکمه سی جزا دأثره سندن استینافاً تنظیم و اعطا قلنان ۲۹ مایس سنه ۳۲۶ تاریخ یوزاون حقوق نومرولی اعلامك تمیزاً تدقیق طلبی حاوی عیانجق قضاسی بدایت محکمه سی اجرا مباشری احمد حمدی افندی جانبندن معطی استدعا نامه و اوراق متفرعه سی باش مدعی عموم ملک مأموریت بهیه سندن باتبلیغ نامه ۲۵ اغستوس سنه ۳۲۶ تاریخده محکمه تمیز استدعا دأثره تودیع اولمش ولدی التدقیق مذکور استدعا نامه نك مدت معینه قانونیه سی ظرفنده اعطا و شرائط لازمه سائر سنك دخی ایفا قلندینی آکلاشلمش اولغله بالقبول تدقیقات تمیزیه اجراسنه ابتدار ایدلدى .

اعلام مذکورك خلاصه مالى آمرینك امرینی انفاذده تراخی و قصور ایتك صورتیه وظیفه مأموریتی سوء استعمال ایدلدىکی و بلا صلاحیت صفت رسمیه ده بولندینی ثابت اولان مستدعی احمد افندینك اوچ ماه حبسنه و مدعی خلیك اعطا ایدلدىکی یکریمی بش غروش اجرتدن ماعدا تحصیلندن مأخوذاتی اولان الی غروشك دخی بالتحصیل مدعی مرقومه اعطاسنه دأثر بدایه ویریلان اعلام محکمه مذکورده مدعی عمومی معاون کی ایله محکوم مرقوم طرفلرندن استیناف ایدلمکله نقصان تحقیقاتدن طولای اعلام مذکورك فسخیه اولبایده اجرا قلنان و تدقیقات استینافیه نتیجه سنده مظنون مومی الیهك خزینة جلیله نك اعشار ملتزم لری ذمتده الاجبی اولان مبالغك تأمین استیفا سی ایچون تحت حجزه النان اموال منقولیه ی اجرا دأثره سنه کتیرمک اوزره جانب ریاستدن مکرراً امر ایدلدىکی حالده معاملات مذکورنك اجرا و ایفا سندن امتناع ایله وظیفه مأموریتده تراخی و قصور ایدلدىکی و خلیك اهالی قرا ذمتده اولان الاجفك تحصیلی ضمنتده محکمه ریاسته خطاباً محرر اولان عرضحال ظهرینه کویا رئیس محکمه طرفندن کندوسنه حواله ایدلدىکنی ناطق درکنار یازدینی



ثابت اولديغندن بختله مومي اليهك مافوقى طرفندن ويريلن امرى بلاعذر اجرادن امتناع ايله وظيفة مأموريتده آثار تراخى وقصور ايلك فعللرينك اسباب مشدده عدليه قانون جزانك يوز اوتوز دردنجى مادهسى حکمه توفيقاً درت ماه حبسه مومي اليهك بلاصلاحيت خليلك اعطا ايلديكى يكرى بش غروش اجرندن ماعدا تحصيلدن مأخوذاتى اولوب اقرار ايلديكى الى غروشك دخى كندوسندن بشقهجه بالتحصيل مدعى مرقومه اعطاسنه قرار ويرلدېكنى متضمندر .

تميز استدا نامه سنده خليلك استداسى رئيس محكمه طرفندن كندوسنه حواله اولنه رق الى غروشك دخى اجرت تحصيله اولق اوزره آلدېنى كې رئيس لاحقك كندوسنه اولان خصوصته بناء دعواى مذكوره يى تصنيع وكندوسنه اسناد ايلديكى قيودات محكمه واوراق معتبره واخبارات ايله اثبات ايدجكنى درميان ايلديكى حالده نظر اعتباره التامسى ميدانده مدعى شخصى دخى اولمايوب جرم ايله جزا بيننده نسبت عادلّه كوزده دله مى تقضى موجب اسباب قاننيه دن ايدوكندن بختله اعلام استينافينك تقضى استدا اولنش تبليغنامه ده دخى ايكنجى قسم محاكمه مدعى عمومى يه وكالت ايتش اولان اعضا ملازمى احمد افندى اوچنجى قسم محاكمه هيئت حاكمه مياننده بولنديرلش اولدينى كې محكمه جه تعيين وانتخاب وتديق خط وخاتمه مأمور ايدلش اولان معلوم الاسامى ذواتك دخى تدقيقات واقعه لرى مومي اليه احمد افنديك مدعى عمومى وكالتنده بولندينى نظره التمايه رق كندوسنك نيابيله ايفا ايتديرلمسى يولسز كورلش ومذكور تميز لايحه سنده نقصان تدقيقاته مستنداً اعطاي قرار اولنديغنى متضمن اعتراضاتدن عيانجق قضاسى نائب سابق اولوب اليوم قلعه جك قضاسى نيابنده بولنان سعدالدين افنديك مدعا به استدا نامه ظهرنده كې حواله حقدده اخذ معلومات اولنق لازمده دن ايدوكنه متدائر بولنان اعتراض مندرجات اعلامه نظراً وارد ومصيب بولنش ايدوكى بيانيله اعلام مذكورك تقضى لزومى كوسترلمشدر .

ايجابى لى المذكوره مندرجات اعلامه نظراً مظنون احمد افنديك تحديد جزاسنى متضمن اولان قرار استينافينك مبتنى اولدينى محاكماتك برنجى قسمنده مدعى عمومى معاونلكى وكالتنده بولنديرلش اولان اعضا ملازمى احمد افنديك بالآخره اصول محاكمات جزائيه قانونك يكرى دردنجى ماده سنده مخالف اوله رق هيئت حاكمه مياننه آلمش اولدينى مفهوم اولوب بوايسه تبليغنامه ده دخى درميان اولندينى وجهله يولسز ومستلزم نقض اسبابدن اوله رق لايحه تميز به محتوياتى شو صورتله وارد وبجا كورلش ايدوكندن اصول محاكمات جزائيه قانونك اوچيوز اون دردنجى واوچيوز اون طقوزنجى ماده لرى منظوقبجه اعلام مذكورك بوسبدن طولايى تقضيله احكام قانونيه دائره سنده ايفاي معامله اولنق اوزره اوراق متعلقه سنعك محكمه مذكوره به اعاده سنده وايكى يوز غروش اعلام خرجنك تعرفه وتعلمات مخصوصه سنده توفيقاً ايلروده حقسنر جيقه جق طرفندن استيفاسنه ۶ ايلول سنه ۳۲۶ تاريخنده متفقاً قرار ويرلدى .

محكمه تميز استدا دائره سندن صادر اولان ۱۱ ايلول سنه ۳۲۶ تاريخلى ۱۷۶۶ نومرولى اعلام صورتيدر :

۱ - اورمان اداره سى وكلى جانبندن كرك تصوير اولنان اساس دعواده وكرك استيضاحات واقعه جوابنده مبدأ قطعياتك تعيين ايديله مامسندن ناشى يولسز اوله رق ويرلديكى جهله مدعا يادن اولان نقله بوصله سى تاريخنك مبدأ عدى ايله بوتاريخندن اعتباراً اولجه محكمه يه ويريلن دعوى عرضالى تاريخنه قدر مرور ايدن مدتك بالحساب مرور زمان حدينه بالغ اولسندن ناشى دعواى واقعه نك سقوطى لازم كلدېكنه دائر .

اسپارطه سنجاغى بدایت محكمه سى جزا دائره سندن استينافاً تنظيم واعطا ۲۲ نيسان سنه ۳۲۶ تاريخنده امر تفهيمى اجرا قلنان ۲ تموز سنه ۳۲۶ تاريخ وسكسان طقوز نومرولى اعلامك تميزاً تدقيقى طلبنى حاوى لواء مذكور اورمان اداره سى جانبندن معطى استدا نامه واوراق متفرعه سى باش مدعى عمومى لك مأموريت ۴۳ سندن بتبليغنامه ۲۶ اغستوس سنه ۳۲۶ تاريخنده محكمه تميز استدا دائره سنده توديع اولنش ولدى التدقيق مذكور استدا نامه نك مدت معينه قانونيه سى ظرفنده اعطا قلندينى اكلاشلش اولمغله بالقبول تدقيقات تميزيه اجراسنه ابتدار ايدلدى .

اعلام مذكورك خلاصه مالى احمد ثولو وكلى دورمش افنديرك ميرى اورمانسندن خلاف قونطوراتو تمغاسز اوله رق قطع ايلديكاري درتيوز يدى عدد اشجارك معلوم المقدار جزاى نقدى وتضمينات بدلنك تحصيلى ونقله علم وخبرينه استناداً اورماندن بالاخراج آق صو اسكله يله قارغى قيبيغنده موجود بولنان كراسته نكده امرار ايتديرلمه سى حقدده اورمان اداره سى جانبندن اقامه اولنان دعواك اجرا قلنان محاكمه سى نتيجه سنده مبدأ قطعياتك تعيين واثبات ايديله مدعى جهته نقله علم وخبرى تاريخنك مبدأ جرم عديله حميد آباد بدایت جزا محكمه سنده ويريلوب محل جرم نقطه سندن عدم صلاحيت قراريله اكردير بدایت محكمه سنده كوندولش اولان اساس دعوى استداسى تاريخى بيننده كذران اولان مدتك مرور زمان حدينه بالغ اولمش ووظيفه وصلاحيتى اولمايان بر محكمه حضورنده سبق ايدن تحقيقاتك مرور زمانى قطع ايدمه يه جق قواعد قانونيه دن اولسيله دعواده بشقهجه بر مرور زمان دها حصوله گلش اولمغله اورمان نظامنامه سنك اوتوز برنجى ماده سى موجبجه دعواى مذكوره نك مرور زمانله سقوطنه وتقايه علم وخبريله اخراج ايدلش اولان اشجارك توقيفى موافق قانون اوله ميايه جغندن تمغاسز كسلديكى ادعا اولنان اشجار ايچون تأمينات قويه كوسترلديكى صورتنده نقله تذكره سنده ويرلش اولان اشجارك ده امرارينه مساعده اعطاسنده بر محذور اولماديقه دائر بدايه ويريلن اعلام اداره مذكوره جانبندن استيناف ايدلمسكه اولبايده اجرا قلنان محاكمه وتدقيقات استينافيه نتيجه سنده موافق اصول و قانون اولان اعلام مذكورك تصديقه قرار ويرلديكى متضمندر .

تميز استدا نامه سنده اعلام استينافينك مغايرت قانونيه سندن بختله تقضى استدا اولنش تبليغنامه ده



دخی لایحه تمیزیه ویرله مش و اعلامده موجب نقض اسباب دخی کوریه مش اولدینی بیانیله تمیز استدعا نامه سنک ردی لزومی مرقم بولمشدر .

ایجابی لدی المذاکره مندرجات اعلامدن استنباط اولدینی اوزره میری اورمانندن خلاف نظام قطعیاتده بولاندینی ادعا اولنان بولو ایله کفیلی دورمش افندیلر حقنده اجرا قلنان تدقیقات و محاکمات اثناسنده اورمان اداره سی وکیلی جانبندن کرک تصویر اولنان اساس دعواده و کرک استیضاحات واته جوابنده مبدأ قطعیاتک تعیین ایدیلده مسندن ناشی یولسز اوله رق ویرلدیکی جمله مدعیاتدن اولان نقلیه یوصله سی تاریخنک مبدأ عدی ایله بو تاریخندن اعتباراً اولجه محکمه یه ویریلن دعوی عریضالی تاریخنه قدر مرور ایدن مدتک بالحساب اورمان نظامنامه سنک اوتوز برنجی ماده سنده معین اولان مرور زمان حدینه بالغ اولمسندن ناشی دعوای واقعه نك سقوطنه دائر لاحق اولان قرار ابتدائیک ماده مذ کوره حکمنه موافقی جهتیله عندالاستیناف تصدیق ایدلسی یولده و اصول وقانونه موافق صورتده بولنش و تمیز استدعا نامه سنده حکم استینافینک مغایرت قانونیه سندن بختله در میان اولنان اعتراض دخی اسباب محرره بقاء غیر وارد کررمنش ایدوکندن بر موجب تبایغنامه اعتراض مذ کورک ردیله اعلام استینافینک تصدیقنه و یوز غروش اعلام خرجنک تعرفه و تعلیمات مخصوصنه توفیقاً مستدعی تمیز اورمان اداره سندن استیفا سنه ۳۰ اگستوس سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۱۲ ایلول سنه ۳۲۶ تاریخلی ۱۷۷۶ نومرولی اعلام صورتیدر :

۱ - اصول محاکمات جزائیه قانوننک ( ۱۸۷ ) نجی ماده سنه نظراً استیناف استدعا نامه سنک محکوم علیه و مسئول بالمال اولانلره تبلیغ ایدلامسی حق استینافک سقوطنی ایجاب ایتیهوب حق استیناف انجق مدتک مهوردن ناشی ساقط اوله جفته مبنی معامله تبلیغیه نك ایفاسیله نقصانک اکالی مقتضی ایکن محکمه استینافیه جدرینه قرار ویرلسی نقض حکمی مستلزمدر .

کنفری سنجاغی بدایت محکمه سی جزا دائره سندن استینافاً تنظیم و اعطا قلنان ۲۸ مایس سنه ۳۲۶ تاریخ و ایکی یوز قرق طقوز نومرولی اعلامک تمیزاً تدقیق طلبنی حاوی محکمه مذ کوره مدعی عمومی معاونلکی جانبندن معطی استدعا نامه و اوراق متفرعه سی باش مدعی عمومیک مأموریت بهیه سندن بتبلیغنامه ۱۸ اگستوس سنه ۳۲۶ تاریخنده محکمه تمیز استدعا دائره سنه تودیع اولنش ولدی التدقیق مذ کور استدعا نامه نك مدت معینه قانونیه سی ظرفنده اعطا قلندینی اکلاشلمش اولغله بالقبول تدقیقات تمیزیه اجراسنه ابتدار ایدلدی .

اعلام مذ کورک خلاصه مالی اجتماع قانونه مخالف صورتده اهالی بی اجتماع ایتیدر دکاری وبلا موجب کورلی و شناه ایتدکاری ادعا اولنان سلیمان افندی زاده احمد ونابی زاده حمدی افندیلره محرم و معلولاسامی

رفقاسنک افعال مذ کوره یه جرأتلری ثابت اوله مدیغندن بختله براتلرینه دائر بدایت ویریلن اعلام علیه نده مدعی عمومی معاونلکی جانبندن اعطا قلنان استیناف استدعا نامه سنک مدت قانونیه سی ظرفنده ویرلدیکی اکلاشلدینی اجلادن بالقبول انجق اصول محاکمات جزائیه قانوننک یوزسکسان یدنجی ماده سنه توفیقاً استیناف استدعا نامه سنک صورتی مستأنف علیه تبلیغ ایدلدیکی کی قباحندن برأت ایدن اشخاص حقنده کی حکمک دخی قابل تمیز اولوب قابل استیناف اولماسنه و اعلام ابتدائیک فسحی موجب اسباب کوسترللمه سنه بقاء مذ کور استدعا نامه نك ردینه قرار ویرلدیکی متضمندر .

تمیز استدعا نامه سنده استیناف استدعا نامه سنک مدت قانونیه سی ظرفنده ویرلدیکی اکلاشله رق قبولی قرار کیر اولدندن صوکره محکوملره تبلیغ ایدلمه مش اولدیغندن بختله ردینه قرار ویرلسی مغایر قانون ایدوکنندن بختله اعلام استینافینک نقضی طلب اولنش تبلیغنامه دخی قضا جزا محکمه سی مقرراتنک لوا مدعی عمومی معاونلری طرفندن استیناف اولدینی حالده اصول محاکمات جزائیه قانوننک یوزسکسان یدنجی ماده سنه توفیقاً بر صورتنک مستأنف علیه تبلیغیه خبردار ایدلسی لازمه دن ایسه ده بونک عدم ایفاسی حالده محکمه جه یایله جق معامله اوراقنک مدعی عمومی لکه اعاده سیله بو شریطه قانونیه نك ایفاسندن صکره اوراقنک تکرار محکمه یه تودیعی حقنده قرار اتخذازندن عبارت اولدینی حالده محکمه مذ کوره جه بو دائره ده ایفای معامله ایدلمکمزین و بو جهتک حل و تدقیقندن صکره قابلیت استینافیه سنک نظر دفته آلتقسزین بر منوال محرم قرار ویرلسی یولسز وقانونه مغایرولایحه مندرجاتی بو طریقله بجای ایدوکی بیانیله اعلام مذ کورک نقضی لزومی کوسترلمشدر .

ایجابی لدی المذاکره مندرجات اعلامدن منظم اولدینی وجهله محکمه استینافیه جه جرائم متنوعه دن طولانی مظنون علیه اولان احمد ایله محررالاسامی رفقاسنک براتلرینی متضمن اولان اعلام ابتدائی علیه نده مدعی عمومی معاونلکی مقامندن معطی استیناف استدعا نامه سنک اصول محاکمات جزائیه قانوننک یوزسکسان یدنجی ماده سی احکامنه توفیقاً صورت مصدقه سنک ایجاب ایدنلره تبلیغ اولنماسندن ناشی ردینه قرار ویرلمش و ماده مذ کوره ده دخی استیناف دعواسندن کرک محکوم علیه و کرک مسئول بالمالک خبردار ایدلسی لزومی کوسترلش ایسه ده شومعامله نك عدم ایفاسیله حق استینافک ساقط اوله جفته دائر بر قید و صراحتی محتوی اولمایان ماده مذ کوره حق استینافک سقوطنی مدت معینه نك ضروری اساسنه حصر ایتیکده اولسنه نظراً مدت قانونیه سی ظرفنده ویرلدیکی نمایان اولان سالف الذکر استدعا نامه نك معامله تبلیغیه سی اجرا ایتدیرلک اوزره محاکمک یوم آخره تعلیقی و شوصورتله نقصان مذ کورک اکالی لازم کلورکن عندالاستیناف مدت قانونیه سنه موافقتدن ناشی قبولی تحت قراره آلتنش اولان مذ کور استدعا نامه نك بالاخره تابع اولدینی شرائط قانونیه نك تدقیقنه ابتدار و امر تبلیغک ایفا ایدلمه سندن طولانی بروجه محرم ردی یولده اتخاذ قرار اولنسی تبلیغنامه دخی مرقم اولدینی وجهله یولسز و ماده مذ کوره احکام صریحه سنه مغایر



اولوب بوجهتی تضمن ایدن لایحه تمیزیه محتویات وارد و بجا کوردنیکندن اصول محاکات جزائییه قانوننک اوچیوز اون دردنجی و اوچیوز اون طقوزنجی مادهلری منطوقجه اعلام استینافینک بو سیددن طولای نقضیه احکام قانونیه دائره سنده ایضای معامله اولتق اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنز حقیقه جق طرفدن استیفاسنه ۶ ایلول سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۷ ایلول سنه ۳۲۶ تاریخلی ۱۷۵۲ نومرولی اعلام صورتیدر :

۱ — ضابطه طرفدن تنظیم ایدلش ضبط ورقه سنده مظنون اون ایکی یاشنده اولدینی کوسترلش وشو حالده قانوناً اهلیت جزائییه حائز بولنماش ایکن محکمه جه بوجهتک نظر تدقیقه آلتفسرین اعطای حکم ایدلشی نقض حکمی مستلزمدر .

قواله قضاسی بدایت محکمه سی جزا دائره سندن تنظیم واعطا قلنان ۲۴ خزیران سنه ۳۲۵ تاریخ و یوز آلتش برنومرولی اعلامک نقضی حقنده عدلیه نظارت جلیله سندن ویریلان امر تحریری اوزرینه اولباده کی اوراق باش مدعی عمومیلک مأموریت بهی سندن باتبلیغنامه محکمه تمیز استدعا دائره سنه تودیع اولتمقه قرائت و مطالعه اولندی .

مذکور تبلیغنامه ده قواله لی قوچه ولد آیوستولک هنوز اون ایکی یاشنی ا کال ایتدیکی حالده ایقاع ایلدیکی فعل سرقندن طولای قضاء مذکور بدایت محکمه سی جزا دائره سندن اجرا قلنان محاکمه غیاییه سی نتیجه سنده فعل سرقته اجتناسار ایلدیکی اولباده کی ضبط ورقه سنده محرر اقراری و اشای مسروقنک اراشه ایتدیکی محالدرده ظهور ایتسیله تین ایتدیکنندن بختله قانون جزانک ایکیز او توننجی ماده سی حکمنه توفیقاً اوچ ماه مدتله حبسنه قرار ویرلدیکی و اعلام مذکورک کسب قطعیت ایتسنه مبنی انفاذینه تشبث ایدلدیکی انساده محکوم مرقومک اون ایکی یاشنی ا کال ایتدیکی آ کلاشلش و محکوم علیه قوچونک اون ایکی یاشنده بولندینی اساس جرم حقنده تنظیم اولنان ضبط ورقه سنده محرر اولدینی و اهلیت جزائییه نقطه سندن سن مسئله سنک تحقیقی هر حالده لازمهدن بولندینی حالده محکمه مذکورجه بوجهت حقنده برکونه تحقیقات اجرا ایدلکسزین مرقومک بوجهت محرر محکومینه قرار ویرلشی مخالف قانون بولنش اولدینی بیانله اکتساب قطعیت ایلدیکی نمایان اولان حکم مزبورک اصول محاکات جزائییه قانوننک اوچیوز قرق یدنجی ماده سی حکمنه توفیقاً نقضی لزومی مرقم بولنمشدر .

ایجابی لیدی المذاکره اوراق موجوده مندرجاتنه نظراً مدعی عمومینک ادعایه سنه مربوط و حقوق عمومیه یی تعقیبه اساس اولان ضابطه طرفندن تنظیم ایدلش ضبط ورقه سنده مظنون قوچونک اون ایکی یاشنده اولدینی کوسترلش وشو حالده قانوناً اهلیت جزائییه حائز بولنماش ایکن محکمه جه بوجهت نظر

تدقیقه آلتفسرین مرقومک سالف البیان ایکیز او توننجی ماده قانونیه یه توفیقاً اوچ ماه حبسی بولنده اتخاذ قرار اولنشی مغایر قانون ایدوکنندن اعلام مذکورک بر موجب طلب نقضه ۲ ایلول سنه ۳۲۶ تاریخنده متفقاً قرار ویرلدی .

### محکمه تمیز حقوق دائره سندن

محکمه تمیز حقوق دائره سنده صادر اولان ۲۸ نیسان سنه ۳۲۷ تاریخلی و ۶۸۸ نومرولی اعلام صورتیدر :

۱ — قییتی بیان اولنمان دعاوینک استینافنده مسأفلر مرکز ولایت استیناف محکمه سنه مراجعت حقنه مالک اولدقلرینه دائر .

ب — خلط و شریک دعواسی اساساً تقدیر قیمته غیر قابل حقوق مجرده دن اولدیغندن قابل استیناف بولنش اولدیغنه مبنی محکمه استینافیه نک بو دعوائی استینافاً حل و فصل ایتسی لازم کلیر ایکن ردینه قرار ویرلشی نقض حکمی مستلزمدر .

طرسوس قضاسنک قزل مراد محله سنده مقیم صالح جباره ایله جامع جدید محله سنده شویری زاده کمال افندی بیننده دعوائیه دائر اطنه استیناف محکمه سندن ۲۶ کانون ثانی سنه ۳۲۶ تاریخلی و قرق سکیز عددی ایله ویریلان اعلام مرقوم صالح جباره طرفندن مدت قانونیه سی ظرفنده تمیز اولتمقه طرفینک اعتراض و جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مین بهک خلاصه مآله کوره مومی الیه کمال افندی ایله مزبور صالح جباره بیننده مشترکاً متصرف اولدقلری اراضیده خلط و شریک اولملرندن طولای حق رجحان دعواسنه دائر طرسوس بدایت محکمه سندن ویریلان اعلامک عندالاستیناف بعض اسباب قانونیه دن ناشی فسختدن صکره اجرا قلنان محاکمه مستأنف مومی الیه صالح افدینک خلط و شریک اولدیغندن بختله تفرغ ایتک ایتدیکی اراضی قیمتک اساساً اون بیک غروشدن دون اولدینی طرفین متخاصمینک افاده لری و اعلام مستأنف بهک مال و مندرجاتندن ا کلاشلش و رأس المالی اون بیک غروشدن دون اولان برشی اوزرینه قضایا بدایت محکمه لرندن صادر اولان حکملرک مرجع استینافی حکمی ویرن قضانک مربوط اولدینی لوا بدایت محکمه سی بولندینی تشکیلات محاکم قانوننک بکرمی بشنجی ماده سی اقتضاسندن اولوب شو حالده اشبو دعوانک طوغریدن طوغرییه ولایت استیناف محکمه سنجه تدقیقی ماده مذکور احکامنه مغایر بولنش اولسنه بناءً اولباده کی استیناف استدعاسنک ردینه و مستأنفک طرسوسک مربوط بولندینی مرسین بدایت محکمه سنه مراجعتده مختار اولسنه قرار ویرلدیکی آ کلاشلمشدر .

مرقوم صالح جباره طرفندن ویریلان لایحه تمیزیه ده دعوائی واقعه قیمت اوزرینه جریان ایتیموب اراضیه



وبدل مثلثك تعيينه متدائر اولمقله برابر ارباب و قوفك تقديرى حالده بدل مثل حقيقينك دخى اون بيك غروشدن فضله طوته جنى واساساً منازع فيك سنوى ابكى محصول قالد يرمق شرطيله ون بيك غروشدن زياده ايرادويرمكه اولدينى جهته دعواى مذكوره قابل استيناف اولدينى حالده خلاف قانون اوله ق رد استدعايه قرار ويرلسى يولسز بولندينى بالبيان اسباب مذكوره دن طولاني اعلامك نقضى ولايحه جوابيه ده دخى اعتراضات مسروده نك غير وارد اولديغندن ردى وموافق اصول وقانون اولان اعلام مذكورك تصديق طلب واستدعا اولمشدر .

ايجابى مذاكره اولندوقده خصوص مدعا برمنوال محرر بالرؤيه اعلامه ربط اولمش ايسده تشكيل محاكم قانونيك يكرمى بشنجى ماده سنده بيان اولندينى اوزره قيمتى بيان اولمىان بوكى دعاوينك استينافنده مستأفلى مركز ولايت استيناف محكمه سنه مراجعت حقنه مالك و خلط وشريك دعواى اساساً تقدير قيمته غير قابل حقوق مجرده دن وبوحالده اصول محاكمه نك ۱۷۶ نجى ماده سى موجبجه قابل استيناف بولمش اولديغنه مبنى محكمه استينافيه نك بوعواى استينافاً حل وفصل ايتكمه وظيفدار ايكن بروجيه مشروح ردينه قرار ويرلسى يولسز ومغاير قانون اولديغنه بناءً اصول محاكمه حقوقيه قانونيك ابكى يوز اوتوز ايكنجى ماده سى موجبجه اعلام مذكورك نقضيله قانون مزبورك ابكى يوز قرق درنجى ماده سى حكمنه توفيقاً كيفيتك بالرؤيه اعلامه ربطى ضمننده محكمه مذكوره عاده سنه وزيرده مفرداتى مرقم اولوب اولجه مستدعى تميز طرفندن ويريلان يوزسكسان بر غروشه بوكره . طرفندن ايضا ايديلان .... غروشكه جمعاً درتيوز قرق درت غروش مصارف تميزيه نك ايلروده حتمسز چيقه جق طرفه عايد اولمى سنه ۲۸ نيسان سنه ۳۲۷ تاريخنده متفقاً قرار ويرلدى .

محكمه تميز حقوق دائره سندن صادر اولان ۱۹ نيسان سنه ۳۲۷ تاريخلى ۵۶۸۸ نومرولى اعلام صورتيدرد:

۱ — اراضيك تفرغى اذن صاحب ارضه اولمى لابد وبلاذن صاحب الارض واقع اولان فراغله مفروغله ايجون حق تصرف غير ثابت اولديغنه مبنى دعوايك ردينه قرار ويرلك لازم كلور ايكن حكم اعطاسى نقص حكيمى مستلزمدر .

معموره العزيز ولايتى داخلنده ايفيكى قريه سنده ساكن ممش قواص زاده احمد قالوبك ايله صارى يعقوب قريه سنده مقيم رسول اوغلى حميد يئنده متحدث دعوايه دائر معموره العزيز استيناف محكمه سندن ۱۰ كانون ثانى سنه ۳۲۶ تاريخى و اون سكز عددى ايله ويريلوب مدت قانونيه سى طرفنده مزبور احمد قالوبك طرفندن تميزى استدعا قلنان اعلام طرفنك اعتراض و جواب لايحه ليله برابر بالمطالعه تدقيقات تميزيه اجراسنه ابتدار قلندى .

اعلام مذكورك خلاصه مندرجاتنه كوره مزبور احمد قالوبك ائمنك قريه سنده كردخرمانى نام موقعده كائن معلوم الحدود بر قطعه ترلا سنه مزبور حميد طرفندن وقوعبولان مداخله نك منحنى طلب و دعوى

وبرقطعه طابو سندن ابراز واعطا ايلمى سنه قارشو مدعى عليه مرقومده مدعا به ترلايه بركونا مداخله ده بولمىوب الحق يكرمى ليراي عثمانى مقابلنده اشترا ايلديكى معلوم الحدود ترلا ايله هم حدود اولان درت بش دونمك برقطعه ترلايى مدعى مزبورك كندو ترلا سنه ضم وعلاوه ايتكم فكرنده اولدينى مدافعه افاده وانبا ايلسى اوزرينه بدايه جريان ايدن محاكمه و تدقيقات نتيجه سنده مدعى وكلى طرفندن مبرز سندن خاقانده محرر حدود داخلنده كى ترلايه مدعى عليه مداخله ايتديكى اقرار و اعتراف ايدلمى سنه مبنى مجله نك بيك بشيوز سكسان يدنجى ماده سى موجبجه منازع فيه ترلايه مدعى عليه طرفندن وقوعبولان مداخله نك منعه ومدعى عليه كى على طريق الشرا تصرفى بيان ايلديكى ترلايه ده مدعينك وقوعبولان مداخله نك منعه دائر صادر اولان قراره عدم قناعتله مزبور احمد قالوبك طرفندن استيناف دعوى اولمى اوزرينه وجاهاً اجرا قلنان محاكمه و كشف و تدقيقات نتيجه سنده قالوبك طرفندن ابراز اولوب اعلام ابتداييده مندرج بولنان طابو سندنده محرر حدود داخلنده كى ترلا قالوبكك تحت تصرفنده اولوب مدعى عليه طرفندن مداخله واقع اولمى و مدعى عليه كى بالمداغه عايداً اشترا ايلديكى ادعا ايتديكى ترلا دعوا دن خارج بولندينى كشف راپورى مندرجاتندن مفهوم اولمى سنه بناءً مجله نك بيك سكز يوز اون سكزنجى ماده سى موجبجه مدعى احمد قالوبكك مدعى عليه قارشو وقوعبولان معارضه نك منعه قرار ويرلديكى اكلاشله مشدر .

مستدعى تميز لايحه سنده : تميز عليه كى شفاهاً وقوعبولان افاداتيله ابراز ايلديكى سند مندرجاتى يكدى كرينه مابين بولندينى وشرايه عايد مبرز سندن تاريخى جالب نظر دقت بولندينى حالده نظر تدقيقه آلمامى و كشف ورقه نده پادردن منتقل اراضى ارثه ايدلمى ايكن مغدوريتى يولنه كيدلمى ومدعى عليه كى اقرار واعترافنه قارشو منع معارضه به قرار ويرلسى و اهل خبره نك كيفيت انتخابى ايله كشفك وجه اجراسنك مغاير قانون بولمى و شخص ثالث صفيله دخول دعوى طلبنده بولنان شخصك طلبنك رد ايدلمى يولسز و اصول وقانونه مخالف اولديغندن اعلام مذكورك نقضى ولايحه جوابيه ده دخى اعتراضات مسروده نك غير وارد بولندينى بيانيله ردى طاب واستدعا قلنمشدر .

ايجابى كيفيت مذاكره اولندوقده هر نه قدر محكمه جه كيفيت بروجيه محرر بالرؤيه حكم واعلامه ربط اولمش ايسده اراضيك تفرغى اراضى قانوننامه نك اوتوز آلتنجى ماده سى موجبجه اذن صاحب ارضه اولمى لابد وبلاذن صاحب الارض واقع اولان فرغله مفروغله ايجون حق تصرف غير ثابت اولديغنه كوره استيناف محكمه سنجه مدعى مرقومك حق دعواى اولماسندن دولايى بوبابده كى دعواسنك ردينه قرار ويرلك لازم كلور ايكن برطاقم اسباب غير قانونيه ذكر وتعداديله بروجيه مشروح حكم اعطا اولمى يولسز و اصول وقانونه مغاير اولديغندن اصول محاكمه حقوقيه قانونيك ابكى يوز قرق درنجى ماده سى موجبجه اعلام مذكورك نقضيله قانون مذكورك ابكى يوز قرق درنجى ماده سى حكمنه توفيقاً كيفيتك بكيدين بالرؤيه



حكم واعلامه ربط اولئسنه وزيرده مفرداتی مرقم اولوب ... طرفندن ایضا اولنان ... غروش مصارف تمیزیه نك ایلروده حقسنر چیقہ جق طرفه عائد اولسنه ۱۹ نیسان سنه ۳۲۷ تاریخنده بالاتفاق قرار ویرلدی .

محکمه تمیز حقوق داره سندن صادر اولان ۲۱ مایس سنه ۳۲۷ تاریخلی و ۷۹۱۱ نومرولی اعلام صورتیدر:

- ۱ — مدعینک حین دعواده اصل علیهنده کی دعوادن فراغت ایتدیکنی عندالحاکمه بیان ایلدی ابرا اولدیغنه دائر .
- ب — اصلیک برائتی کفیلک برائتی تضمن ایده جکنه مبنی مدعینک کفیل حقنده کی دعواسی ساقط اولدیغنی بدیدار ایکن محکمه جه دعوانک استماعیه محکومیتنه قرار ویرلش موجب نقضدر .

استرومجه قضاسنه تابع قوسترون قریه سنده مقیمان اصل طانه ولد پتره کفیل واسیل ولد پانچو ایله استرومجه قصبه سنده ساکن ژاندارمه سلکندن مخرج محمدنوری بیننده متکون دعوایه دائر استرومجه بدایت محکمه سندن ۲۰ کانون ثانی سنه ۳۲۶ تاریخ و یوز التمش سکنر عدیلده ویرلوب مرقوماندن یالکنز کفیل واسیل طرفندن تمیز ایدیان اعلام باش مدعی عمومیک مأموریت علیهنده سنک مطالعه نامه سی الندقدن صکره طرفینک اعتراض وجواب لایحه لایله برابر بالمطالعه تدقیقات تمیزیه اجرا سنه ابتدار اولندی .

اعلام مذکورک خلاصه مندرجانه کوره مرقوم محمدنوری باعرضحال محکمه مذکوریه مراجعتله کندوسنک برقطعه سندن موجبجه مزبور واسیل کفالتیه مرقوم طانه ذمتده غیر از ایتفا یکریمی عدد عثمانلی التونی مطلوبی اولدیغندن و فقط مدیون اصل مرقوم حقنده اقامه دعوادن فراغت ایتدیکندن بختله مبالغ مذکورک حصراً کفیل مزبورن تحصیلنی وتأمین استیفاسی ضمننده اغنام ومواشیسنه وضع ایتدیردیکی حمزک تصدیقنی طلب ودعوی وبرقطعه سند ابراز واعطا ومدعی علیه دخی مبرز سنک ساخته اولدیغندن کیفیتک جهت جزائیه حواله سی لازم کله جکنی افاده واتیان ایللری اوزرینه محکمه جه مدعی عمومی حضوریه ساخته کارلق ادعاسنک ردی ومدعینک ثبوت مدعا ضمننده اقامه ایتدیکی شهودک استماعی قرار کیر اولدقدن صکره محاکمه نك صوک جلسه سنده مدعی علیک تغیب ایتسنه مبنی غایباً جریان ایدن محاکمه وتدقیقات نتیجه سنده مدعینک ادعای واقعی شهود مستمه معدله نك شهادتیه ثابت اولسنه مبنی مجله نك بیک سکنر یوز اون سکنرنجی ماده سی موجبجه مدعابه یکریمی عدد عثمانلی التونسک مع فائض مدعی علیه کفیل مرقومدن بالتحصیل مدعی به اعطاسی وحجز موضوعک دخی تصدیقنه حکم اولندیغنی اکلشلمشدر .

میز مرقوم طرفندن ویریلان لایحه اعتراضیه ده اتنا ای محاکمه ساخته کارلق حقنده سردایلیکی اعتراضک نظر دفته التامسی ومدعی کندوسنک کفالت مطلقه ایله کفیل اولمش اولدیغنی ادعا ایتسنه واستماع اولنان شهود

ایسه اتی ماه ایچون کفالت ایلش اولدیغنه شهادت ایتلریله کندوسنک کفالتی موقته اولدیغنه کوره مدت کفالتک مرورندن طولانی کندوسنک مؤاخذه سی لازم کیز ایکن بروجه محرر محکوم ایدلسی بولسزومغاير قانون اولدیغندن بختله اعلام مذکورک تقضی ولایحه جوابیه ده دخی اعتراضات مسروده نك غیر وارد بولندیغنی بیانیله ردی وموافق اصول وقانون اولان اعلام مذکورک تصدیقنی طلب واستدعا ایدلش ومطالعه نامه مفادیده اتنا ای محاکمه ابراز اولنان سند حقنده درمیان ایدیلان ساخته ک ادعاسی اوزرینه اجرا قلمان تدقیقات واتخاذ قلمان قرار موافق قانون اولمله لایحه تمیزیه ده بوجهته دائر درمیان اولنان اعتراضک وارد اولمادیغنی بیانندن عبارت بولمشدر .

ایجابی بالذاکره خصوص مدعا هر نه قدر بروجه مشروح حکم وقراره ربط اولمش ایسه ده مدعی حین دعواده اصل علیهنده کی دعوادن فراغت ایتدیکنی عندالحاکمه بیان ایلش اولدیغنه و مجله نك بیک بشیوز التمش برنجی ماده سی موجبجه فراغت مذکور ابر اولدیغنه و [۶۶۲] نجی ماده سی موجبجه دخی اصلیک برائتی کفیلک برائتی تضمن ایده جکنه مبنی مدعینک کفیل حقنده کی دعواسی ساقط اولدیغنی بدیدار ایکن محکمه جه بوجهات مهمه یه عطف نظردقت اولنقسزین کفیل علیهنده کی دعواسنک استماعیه محکومیتنه قرار ویرلسی مغاير قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک تقضیه قانون مزبورک ایکی یوز قرق درنجی ماده سنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم اولوب اولجه میز مرقوم طرفندن ویریان ... وبوکره ... طرفندن ایضا اولنان ... غروشکه جمعاً ۴۳۹ غروش مصارف تمیزیه نك ایلروده حقسنر چیقہ جق طرفه عائد اولسنه ۲۱ مایس سنه ۳۲۷ تاریخنده اکثریتله قرار ویرلدی .

محکمه تمیز حقوق داره سندن صادر اولان ۱۵ حزیران سنه ۳۲۷ تاریخلی و ۱۱۶۳ نومرولی اعلام صورتیدر:

- ۱ — محاکمه غایبیه ده سنک شرائط قانونیه بی جامع اراماق اعتباریه عقد سلم صحیح اولمادیغنی جهتله محکمه جه رأس المال اولان مبلغک اعطاسنه حکم اولمش وبوحکمک مدعیلرک وجاهنده اولدیغنه مبنی مافوق محکمه سندن فسخ ونقض ایدلدیکه لازم التنفید وعین محکمه ده تبدیلی غیر جائز بولمش ایکن محکمه جه بوجهت نظر دفته آلتیه رق دیگر طرفک اعتراض علیالحکم صورتیه مراجعتی اوزرینه عین سنک شرائط سلمی جامع اولدیغنه دائر قرار اتخاذ ایلمسی نقض حکمی مستلزمدر .

طرابلس غرب ولایتی داخلنده خمس سنجاغنه تابع جواوات قریه سنده مقیم عبدالسلام بن عمر ایله خمسده ساکنلر یعقوب ولدقانی ورحمین دیوره بیننده متکون دعوایه دائر خمس بدایت محکمه سندن ۲۵ شباط سنه ۳۲۶ تاریخلی ویکرمی بش عددی ایله ویریلان اعلام مزبور عبدالسلام طرفندن مدت قانونیه سی



ظرفنده تمیزایدلمش واوراق تمیزیه صورتلری علی الاصول دیگر طرفه تبلیغ ایدلدیکی حالده جواب لایحه سی ویرلماش اولمغه یالکز مستدعینک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجانه نظر آمرقومان رحمن و یعقوب خمس بدایت محکمه سنه بالمراجعه کندولر. ینک سلم طریقله وهر آتی غرافی اوتوزاوج غروش بش پاره دن اولقی اوزره یتش ایکی غراف زیتون یاغ بدلی اولان اوچیوز طقسانیدی بچق غروش مزبور عبدالسلامه اعطا ایدلکاری حالده مرقوم اعطاسنی تعهد ایدلکی زیتون یاغنی تسلیمدن امتناع ایدلکندن بختله یاعیناً ویاخود بدلی اولان سالف الذکر اوچیوز طقسانیدی بچق غروشک تحصیلنی طاب ودعوی وبرقطعه سند ابراز واعطا ایتلری وتعیین قلنان کونده مدعی علیهک وقوع ولان دعوتیه اجابت ایتلیمی اوزرینه تعین قلنان وکیل مسخر حضوریه جریان ایدن محاکمه وتدقیقات نتیجه سنده سلمک ایجاب و قبول ایله منعقد اوله جنی مجله نیک اوچیوز سکسانجی ماده سی اقتضاسندن اولوب مبرز سند ایسه شرائط سلمی حاوی اولمادیغندن عندالاعتراض ایجاب قانونیسی ایفا قلنمی اوزره مدعابه اوچیوز طقسانیدی بچق غروشک مدعی علیه عبدالسلامدن تحصیلنه دأثر غیباً ویریلان اعلام علیه مزبور عبدالسلام طرفندن اعطا اولنان اعتراض علی الحکم استدعاسی اوزرینه دوام اولنان محاکمه لرنده معترض مرقوم مدعابه مباغی معترض علیه مایه تأدیه وایفا ایدلرک برکونه دخی قلمدینگی شهود شخصیه ایله اثبات ایدلجکی ومعارض علیه مایه دخی سنده قارشو شهود شخصیه استماعی غیر جائز اولدینگی ومعارض مرقومده بشقه صورتله اثبات مدعا ایدلیمه جکنی بیان ولدی السؤال بوباید طالب تحلیف دخی اولیمه جکنی انبیا ایللری اوزرینه جریان ایدن محاکمه وتدقیقات وجاهیه نتیجه سنده مبرز سندک شرائط سلمی حاوی اولدینگی کورلسنه بناء مدعی علیهک دفع واقعتک ردیه مذکور سند موجبنه مدعی علیه عبدالسلامک مرقومان رحمن و یعقوبه یتش ایکی غراف زیتون یاغنی تسلیم ایتسنه قرار ویرلدیکی اکلاشلمشدر .

مرقوم یعقوب طرفندن ویریلان لایحه تمیزیه عندالاعتراض مبلغ مدعابهی مدعیله ادا وتسلیم ایدلکی یولنده درمیان ایدلکی دفعنک شهود شخصیه ایله اثباتنه جواز کوسترلامسی وحکم غیبی اوچیوز طقسانیدی بچق غروشک تحصیلنه متدأثر اولدینگی حالده عندالاعتراض یتش ایکی غراف زیتون یاغنک تسلیمنه قرار ویرلمسی مغایر قانون اولدینندن بختله اعلامک نقضی استدعا قلنمشدر .

ایجابی لدی المذاکره خصوص مدعا برمنوال محرر حکم واعلامه ربط اولنمش ایسه ده محاکمه غیبیه ده مذکور سندک شرائط قانونیه بی جامع اولماق اعتباریه عقد سلم صحیح اولمادیغنی جهنله محکمه جه رأس المال اولان مبلغک اعطاسنه حکم اولنمش وبوحکمک مدعیلرک وجاهنده اولدینغه مبنی مافوقی محکمه سنندن فسخ ونقض ایدلدیکجه اصول محاکمه نیک اوچنجی ماده سی موجبنه لازم التنفید وعین محکمه ده تبدیلی غیر جائز بولنمش ایکن محکمه جه بوجهت نظر دفته آلمیه رق دیگر طرفک اعتراض علی الحکم صورتیه مراجعتی

اوزرینه عین سندک شرائط سلمی جامع اولدینغه دأثر قرار اتخاذا ایدلرک بوجه محرر حکم اولنمش یولسز ومنسایر قانون اولدینغه بناء اصول محاکمه حقوقیه قانوننک ایکیوز قرق رنجی ماده سی موجبنه اعلام مذکورک تقضیه قانون مذکورک ایکیوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمنتده محکمه مذکوریه اعاده سنه وزیرده مفرداتی مرقم اولوب . . . طرفندن ایفا اولنان درتیوز اون اوج بچق غروش مصارف تمیزیه نیک ایلروده حقسراً حقیقه جق طرفه عائد اولسنه ۱۵ حزیران سنه ۳۲۷ تاریخنده متفقاً قرار ویرلدی .

محکمه تمیز حقوق دأثرندن صادر اولان ۲۰ نیشان سنه ۳۲۷ تاریخلی و ۴۱ نومرولی اعلام صورتیدر :

۱ - مختلف قطعه سنده واقع اولان اراضی مختلف الجنس اوقی ملاک سیله بونلرده متقاسمین راضی اولمقلری حالده قسمت جمع ایله تقسیم اولنقی غیر جائز وترلارک هربر قطعه سی قسمت فرد ایله تقسیم اولنقی مقتضی اولدینگی حالده متقاسمینک رضالری اولدینگی کوسترلکسزین قسمت جمع ایله تقسیم اولنقی نقض حکمی مستلزمدر .

برایه قصبه نیک آق مسجد محله سنده مقیمه متوفی ابراهیم آقا ورثه سنندن کریمه سی پنبه خانم ایله دیگر کریمه سی چارشو محله سنده ساکنه ام کاشوم خانم و اوغللری خلیل وحافظ عیسی ودیگر اوغلی متوفی راشد آتاک ورثه سنندن مخدوملری علی افندی و امین ومصطفی و کریمه لری شفیقه وعصمت خانملر بیننده متحدث دعوایه دأثر برایه قضاسی بدایت محکمه سنندن ۲۵ ایلول سنه ۳۲۶ تاریخلی ووز یکرمی اوج عددیه ویریلوب مزبوروندن پنبه خانم طرفندن تمیز ایدیلان اعلام یالکز تمیزه مرقومه نیک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مآله کوره مزبوره ام کاشوم خانم باعرضحال محکمه مذکوریه مراجعتله کندوسیه مزبوره پنبه خانم وورثه مرقومه نیک پدر وجدلری متوفای مرقوم ابراهیم اظدن انتقالاً متصرف اولدقلری اشتیریوز وسایچه قریب وطرسقو ویلویوله قریه لرنده ومواقع مختلفه ده کائن معلوم الحدود والقطعات اراضی واملاک قضاء اجرای تقسیم وافرزیله حصه مصیبه نیک کندوسیه تسلیمی حقدده اقامه ایدلکی دعوانک مدعی عمومی وطایو مأموری حضوریه اولاً غیباً واعتراض علی الحکم اوزرینه وجاهاً جریان ایدن محاکمه وتدقیقاتی نتیجه سننده محال منازع فیهایه اعزام قلنان اهل وقوف طرفندن معطی تقدیرده مدعی مزبوره ام کاشوم خانم حصه سننه بلویوله قریه سی سنورنده اون آتی قطعه ده اوتوز یدی دونم بر اولک وخلیل آقا حصه سننه اون آتی قطعه ده اوتوز یدی دونم وپنبه خانم حصه سننه اون آتی قطعه ده کذا اوتوز یدی دونم وحافظ عیسی حصه سننه اون یدی قطعه ده اوتوز یدی دونم وعلی ومصطفی و امین وشفیقه



وعصمت خانم حصه لرینه مشاعاً اونیدی قطعه ده اوتوز آتی دونم اوج اولك وكذا استریوز قریه سنده اوتوز بر قطعه ده یتش طتوز دونم ایکی اولك مزبوره ام کلثوم خانم حصه سینه اوتوز بر قطعه ده سکسان بر دونم خلیل آغا حصه سینه و اوتوز ایکی قطعه ده یتش یدی دونم ایکی اولك حافظ عیسی حصه سینه و اوتوز بر قطعه ده یتش الی دونم ایکی اولك پنبه خانم حصه سینه و اوتوز بر قطعه ده یتش طقوز دونم ایکی اولك مرقومون علی ومصطفی و امین و شفیقه و عصمت خانم حصه لرینه قسمت عادلله ایله افراز و تقسیم ایدلیدی کوسترلمش اولمسنه مبنی بجله نك بیک یوز آلتش ایکنجی ماده سی موجب بجه هر بری حصه مفرزه لرنده مستقلاً تصرف ایتک اوزره نام لرینه طابو سندی اعطاسنه ومدعیه نك حصه مصیبه سینه وقوع بولان مداخله نك منعه حکم ایدلیدی اکلایلمشدر .

میزه مرقومه پنبه خانم طرفندن اعطا قلنان لایحه تمیزیه ده منازع فیه عقار و اراضیدن اراضینک اولدینی محله کیدلمکسزین کیزی بر صورتده پایلان تقسیم دفترینک محکمه جه معتبر طوتلیسی یولسز ومغایر قانون اولدینی کبی عقارک دخی معاینه ایدیلوب ایدلیدی کوسترلمیه رک مسکوت غنه بر اقلمش وبوصورتله عقار و اراضی مذکور نك امر تقسیمی موافق قانون اولیه رق اجرا قلنمش اولدیغندن بجله اعلام مذکورک نقضی طلب واستدا اولنمشدر .

ایجابی مذاکره اولندقدده خصوص مدعا بوجه محرر بالرؤیه اعلامه ربط ایدلمش ایسه ده مختلف قطعانده واقع اولان اراضی مختلف الجنس اولق ملاسسه سیله بجله نك بیک ایکی یوز اوتوز بشنجی و بیک یوز اوتوز سکزنجی ماده لرنده بیان اولدینی اوزره بونلرده متقاسمین راضی اولمادقلری حالده قسمت جمع ایله تقسیم اولنق غبر جائز و ترلارک هر بر قطعه سی قسمت فردایله تقسیم اولنق مقتضی اولدینی حالده متقاسمینک رضالری اولدینی کوسترلمکسزین قسمت جمع ایله تقسیم اولنقسی یولسز ومغایر قانون بولندیغنه بناء اصول محاکمه حقوقیه قانوننک ایکی یوز اوتوز ایکنجی ماده سی حکمنه توفیقاً کیفیتک بالرؤیه اعلامه ربطی ضمیمه محکمه مذکوریه اعاده سینه وزیرده مفرداتی مرقم اولوب ... طرفندن ایضا اولنان ۳۳ غروش مصارف تمیزیه ایلروده حقسز چیه حق طرفه عائد اولمسنه ۲۰ نیشان سنه ۳۲۷ تاریخنده اکثریتله قرار ویرلدی .

محکمه تمیز حقوق داره سندن صادر اولان ۴ مایس سنه ۳۲۷ تاریخی و ۷۶۸ نومرولی اعلام صورتیدر :

ا — اراضی امیرییه دعوالرنده صاحب ارض صفتیه اراضی مأمورینک بولند .

برلماسی نقض حکمی مستلزمدر .

ب — اراضی مأمورینک اذن و معرفتی منظم اولدقجه علی العموم اراضی امیرییه نك

فراغی معتبر دکلمدر .

قیرشهری قصبه نك یکیکجه محله سنده مقیمان کورجه اوغلی حاجی حسین آغا ایله چاغرقانلی شکرچاوش بیننده متکون دعوایه دائر قیرشهری بدایت محکمه سندن ۱۱ کانون اول سنه ۳۲۶ تاریخی وایکی یوز یتش

اللی عددی ایله ویریلان اعلام مرقوم حاجی حسین آغا طرفندن مدت قانونیه سی ظرفنده تمیز اولنمله اعلام مذکور طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ابندار قلندی .

اعلام مذکورک خلاصه مندرجاتنه نظراً مرقوم شاکر چاوشک یکرمی سنه مقدم سکز مجیدیه سنی بشیناً ویردرک متباقی ایکی مجیدیه سنی حین فراغده اعطا ایتک شرطیه مزبور حاجی حسین آغادن اون مجیدیه بدل مقابلنده اشترا ایدلیدی معلوم الحدود اوج دونم اراضیه بایع مرقوم طرفندن وقوعبولان مداخله نك منعی حقنده اقامه ایدلیدی دعوانک غیباً جریان ایدن محاکمه و تدقیقاتی نتیجه سنده مدعی مرقومک بوجه ادعا مدعا به اراضی مدعی علیه مرقومدن بدل مذکور مقابلنده اشترا ایدرک تاریخ مذکور دنبری تصرف ایدلیدکه اولدینی استماع قلنان شهود معدله نك شهادتیه ثابت اولدیغندن مدعی علیه مرقوم حاجی حسین آغانک مدعا به اراضیه وقوعبولان مداخله نك منعه دائر ویریلان اعلامک عندالاعتراض تصدیقی منضمن صادر اولان اعلامک عندالتمیز اثنای محاکمه اراضی مأمورینک حاضر بولندیرلماسندن واسباب سائرمدن طولانی نقض اعاده ایدلمسی اوزرینه بتکرار اجرا قلنان محاکمه ده بومثللو اراضی دعوالرنده اراضی مأمورینک حضورینه لزوم قانونی اولمادینی اولماده تعمیماً تبلیغ ایدیلان امرعالی نظارتینهای احکامندن بولندینی بیسانیه نقایص سائر قانونیه بالا صلاح کماکان مدعی علیه مرقومک مدعا به اراضیه وقوعبولان مداخله نك منعه و قیدینک اولوجهله مدعی نامنه تصحیحجه قرار ویرلیدی اکلایلمشدر .

مستدعی مرقوم طرفندن اعطا قلنان لایحه تمیزیه ده بوکبی رسماً معامله فراغیه سی اجرا قلنمیان اراضی دعوالرینک استماعی غیر جائز ایکن استماع ایدلمسی صراحت قانونیه و محکمه تمیز قرارینه مغایر اوله رق مباحوث غنه امر عالییه امثالاً اراضی مأموری بولندیرلماسی و حکمک بر ماده قانونیه به استناد ایتدیرلماسی ومدعی وکیلک وکالتنامه سنک اعلام تمیز به درج ایدلماسی یولسز و اصول قانونه مغایر اولدیغندن بجله اعلامک نقضی ومدعی علیه طرفندن اعطا قلنان لایحه جوابیه ده دخی غیر وارد اولان اعتراضات مسروده نك ردیه موافق اصول وقانون اولان اعلام مذکورک تصدیقی طلب واستدا قلنمشدر .

ایجابی مذاکره اولندقدده کیفیت مدعا هر نه قدر بوجه محرر حکم و اعلامه ربط ایدلمش ایسه ده دردنچی جلد دستورک درتیوز اون آلتنجی صحیفه سنده محرر اولدینی اوزره اراضی امیرییه دعوالرنده صاحب ارض صفتیه اراضی مأمورینک بولنسی حقنده اراده سنییه موجود اولدیغنه وتشکیل محاکم قانوننک یدنجی مادییه موجب بجه محکمه جه اتخاذ اولنه حق مقررانک انحق اراده سنییه مستند اولان قوانین ونظاماته تطبیق ایدلمک مقتضی اولوب یوقسه بوکبی اراده سنییه اقتران ایتیمان امرلر بالخاصه ارادات سنییه ایله موضوع قوانین ونظاماته مخالف اولدینی صورتده محاکم جابندن مدار تطبیق اتخاذ اولنمیه جغه کوره محکمه جه دعوا ی واقع نك اثنای رؤیتنده اراضی مأمورینک حاضر بولندیرلماسی یولسز ومغایر قانون اولدیغندن اعلامک بوجهتندن



اکثریتله و مدعینک صورت دعواسنه نظراً تفرغ واقع اراضی قانوننک اوتوز آلتیجی ماده سنه غیره موافق صورتده جریان ایتش اولدینی جهتله تفرغ مذکور دخی غیر صحیح ایکن محکمه جه بوجهتک دخی نظر اعتباره آلتیهرق بوجه مشروح اعطای حکم اولنسی مغایر قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه بوسبیه بناء دخی بالاتفاق نقضیه قانون مذکورک ایکی یوز قرق دردنجی ماده سی حکمنه توفیقاً کیفیتک اعلامه ربطی ضمیمه محکمه مذکوره به اعاده سنه و مدعابه اراضینک قیمتی ایکی یوز الی غروشدن دون اولدیغندن خرج تعرفه سنک اولیاده کی ماده مذیله سی حکمنه توفیقاً اشبو اعلامک رسوم تمیزیه دن استثناسیله ماعدا زبرده مفرداتی مرقم اولوب... طرفندن ویریلان اونیدی بچق غروش پول بهاسی ویش غروش خدمه اجرتی که جمعاً یکرمی ایکی بچق غروشک ایلروده حقسنز چیه جق طرفه عائد اولسنه ۴ مایس سنه ۳۲۷ تاریخده قرار ویرلدی.

محکمه تمیز جزا دائره سنندن صادر اولان ۱۱ حیزران سنه ۳۲۷ تاریخلی و ۱۲۱۸ نومرولی اعلام صورتیدر:

۱ — متهمک درجه ثبوتده کوریلن فعل اخیری محکومیت سابقه سنی مستلزم اولان قتل فعلی انواعندن اولدینی حالده محکومیت سابقه نک تکرره اساس اتخاذ اولنمیه جنی حقهده محکمه جه اتخاذ اولنان قرار نقض حکمی مستلزمدر.

منتشا سنجاغی بدایت محکمه سی جزا دائره سنندن صادر اولان ۵ ذی الحجه سنه ۳۲۸ و ۲۵ تشرین ثانی سنه ۳۲۶ تاریخلی و درتیوز سکسان طقوز نومرولی اعلام ایله اوراق متفرعه سی باش مدعی عمومیک داموریت علیه سنندن ۲۵ جمادی الاول سنه ۳۲۹ و ۱۱ مایس سنه ۳۲۷ تاریخ و بیگ ایکپوز اون نومرولی تبلیغنامه ایله محکمه تمیز جزا دائره سنه اعطا قلمشدر.

اعلام مذکورک خلاصه مالی اوچیوز یکرمی الی سنه سی تموزینک بشنجی بازار ایرتسی کیجه سی میلاس قضاسنک آغاجلی یوک قریه سنندن عائشه بنت ابراهیمک ضرباً و فاته سبیت ویردیکی ادعا قلمسنندن طولایی جنایتله اتهام اولنان قریه مذکورده دن استانکوبلی اوغلی قره حسینک اجرا قننان محاکمه علیه سی نتیجه سننده متهم مرقومک بالنازعه سوکن تعمیر اولنان صوبه ایله مزبوره عائشه یی ضرب ایدرک و فاته سبیت ویردیکی شهودک محلفاً واقع اولان شهاداتی وضبط ورقه سی و معاینه راپوری مندرجاتی دلائلریله ثابت اولدیغندن اولوجهله مجرمیتنه و مرقوم قره حسینک مقدمات برقتل ماده سنندن طولایی اون بش سنه مدته کورکه محکوم اولدینی و مدت جزایشه سنک ثلثانی بالاکال تخلیه ایدلیدی آکلاشلمش ایسه ده اشبو فعل اخیری محکومیت سابقه سنه اساس اولان فعلک عینی اولدینی کی نوع و ماهیت اعتباریله ده غیر متحد بولنسنه و تکرر مطاقک برقاعده

قانونیه و نظریه اولهرق قبول ایدلیدیکنه دائر برقید و اشارت کوریله مامسنه مبنی مرقومک محکومیت سابقه سی اسباب مسروده به بناء تکرره اساس اتخاذ ایدیلیمیه چکنندن معاونکک جانبندن بوبابده واقع اولان طلبک ردیله مذکور ضرباً قتل فعلندن طولایی حرکتیه توافقی ایدن قانون جزانک یوز یتش یدنجی ماده سی ذیلنه توفیقاً بش سنه مدته کورکه قولنسنه ۱۳ تشرین ثانی سنه ۳۲۶ تاریخده حکم اولندیغندن عبارتدر.

محکوم مرقوم قره حسین طرفندن ویریلوب اوراق دعوی میاننده بولنان برقطعه لایحه تمیزیه ده نقصانی تحقیقات و محاکمندن بختله حقهده کی حکمک نقضی استدعا اولنمشدر.

سالف الذکر تبلیغنامه ده دخی متهم مرقومک درجه ثبوتده کوریلن فعل اخیری محکومیت سابقه سنی مستلزم اولان قتل فعلی انواعندن و فعل اخیره دخی قصد غیر معینک موجود و فعل سابقی اخیرندن شدید بولنسنه نظراً مقدمکی فعلک تهوره مبتی و فعل ثانیک بو وصفدن عاری بولنسی تکرره مانع اوله میسه جنی درکار اولوب بناء علیه مرقومک محکومیت سابقه سنک تکرره اساس اوله میسه جنی حقهده تحدید جزا قرارنده مندرج فقره مقتضیات قانونیه به موافق ارلاماقله برابر حقوق عمومیه مأمور لغتجه بوبابده تمیز دعوی وقوعبولامش و اعلامده موجب نقض اسباب کوریله مدیکی کی لایحه تمیزیه ده کی اعتراضات دخی غیر وارد بولنمش اولدیغندن اعلام مذکور حکمنک تصدیق طلب اولنمشدر.

اوراق دعوی بعدالمطالعه تدقیقات تمیزیه اجرا اولندقدده تبلیغنامه ده بوجه محرر تصدیق طلبنی شامل اولهرق سرد اولنان اعتراض غیر وارد اولوب متهم مرقومک درجه ثبوتده کوریلن فعل اخیری محکومیت سابقه سنی مستلزم اولان قتل فعلی انواعندن اولدینی حالده محکومیت سابقه نک تکرره اساس اتخاذ اولنمیه جنی حقهده محکمه جه اتخاذ اولنان قرار مغایر قانون و لایحه تمیزیه مندرجاتی بو طریقله وارد و نقضی مستلزم اسبابدن بولنمش اولدیغندن اصول محاکمات جزایشه قانوننک اوچیوز اون دردنجی ماده سنه توفیقاً اعلام مذکورک نقضنه و احکام قانونیه دائره سننده ایفای معامله اولنقی اوزره اوراقنک محله اعاده سنه و ایکی یوز غروش اعلام خرجنک ایلروده حقسنز چیه جق طرفندن تحصیلنه ۱۱ حیزران سنه ۳۲۷ تاریخده اکثریتله قرار ویرلدی.

محکمه تمیز جزا دائره سنندن صادر اولان ۱۶ حیزران سنه ۳۲۷ تاریخلی و ۱۳۴۳ نومرولی اعلام صورتیدر:

۱ — مقتولک اولدینی متهم طرفندن مارقه سیله ادعا اولنان دکنکک حجم و ثقلنه دائر نتیجه تحقیقاتدن حاصل اولسی لازمکلان احوالک مجرمیت قرارنده توضیحی لزومندن ذهول ایدلسی نقض حکمی مستلزمدر.

قره حصار صاحب سنجاغی بدایت محکمه سی جزا دائره سنندن تنظیم و اعطا قلمان ۱ ربیع الآخر سنه ۳۲۹



و ۱۹ مارت سنه ۳۲۷ تاريخي و سكرتار دوت نومرو لي اعلام ايله اوراق متفرعه سي باش مدعي عمومليك مأموريت عليه سندن ۱۵ ربيع الآخر سنه ۳۲۹ و ۲ نيسان سنه ۳۲۷ تاريخي و بش يوز آلتی نومرو لي تبليغنامه ايله محکمه تمیز جزا دائره سنه اعطا قلمشدر .

اعلام مذکورک خلاصه مالی اوچيوز يکرمی ارج سنه سی حزينانک دردنجی کونی عزيزيه قضاسنه تابع اقويران قوريجیسی مصطفی اوغلی عيسایي قتل ایلدیکی ادعا قلمسندن دولایي جنايته اتهام اولنان قوريجیه قریه سندن شعبان اوغلی حسنک محکومیتنه دائر مقدمات ویریلان اعلام عندالتمیز نقض ايله اعاده قلمسی اوزرینه اخیراً اجرا قلنان محاکمه علنیه سی نتیجه سنده متهم مرقومک بالنازعه متهوراً فعل قتل مذکورہ جرأتی مع القسم استماع اولنان شهودک شهادتی وضبط ورقه سی و طیب راپوری مندرجاتیله ثابت اولدیغندن مجرمیتنه وحرکتته تطابق ایدن قانون جزانک یوزیتیش دردنجی وجرمک زمان وقوعه نظراً اولابده کی قانون اخیرک بشنجی ماده لرینه توفیقاً مستحق اولدینی اون بش سنه کورک جزاسنک نصفی اولان یدی بچق سنه مدتله کورکه قونلشنه ۳۱ مایس سنه ۳۲۶ تاریخده حکم اولدیغندن عبارتدر .

سالف الذکر تبليغنامه ده دخی اصول و قانونه موافق بولنان اعلام مذکورک تصدیقی طلب اولمشدر . اوراق دعوی بعدالمطالعہ تدقیقات تمیزیه اجرا اولندقدہ کرچه تبليغنامه ده بروجہ محرراعلامک تصدیقی طاب اولنیورسده اولابده کی محاکمه ضبطنامه سیله اعلام مألرندن مستبان اولدینی اوزره نقض واقع اوزرینه تکرار جاب واستماع قلنان شاهدلر مقتوله عاڈیتی ادعا اولنان دکنکک حچم وجسامتی حقندہ وقوعبولان ایتضاحہ عدم معلومات بیان ایتدکاری کی ارأه ایدیلان بریچق آرشون طول وبراوجی بریچق و دیگر اوجی ایکی بچق سائیمترو قظرندہ اولان دکنکی تشخیص ایدہ مبوب آلمچق متهم طرفندن مقتولک اولدینی ادعا اونان وصورت ادعاسی مقتوله عاڈیتہ دائر اوزرندہ کی یافته ایلہ مؤید بولنان دکنکک آلت قاطعه قاتله دن اولان کیر قنایہ قارشى هیچ بروجہله مقابلہ ای استلزام ایدہ میہ جکی اعلام اخیرک مجرمیت قرارندہ کوسترلمکده ایسده مادامکہ شاهدلر مقتول عیسانک متهم حسنی دکنکک تعقیب وبراکی دفعہ ضرب ایتدیکنی اخبار ایدیورلر شوخالده مقتولک اولدینی متهم طرفندن مارقہ سیله ادعا اولنان بودکنکک دخی حچم وثقلتہ دائر نتیجہ تحقیقاتدن حاصل اولسی لازمکلان احوالک مجرمیت قرارندہ توضیحی لازمہ دن ایکن بوندن ذہول ایدلسی مخالف قانون و مستلزم نقض اولدیغندن اصول محاکمات جزائیہ قانونک اوچيوز اون دردنجی ماده سنه توفیقاً و سبب مسروده یه بناء اعلام مذکورک نقضنه و احکام قانونیه دائره سنده ایفای معامله اولنق اوزره اوراقک محله اعاده سنه وایکی یوزغروش اعلام خرجنک ایلروده حقسز حقیقه جق طرفندن تحصیلنه ۴ حزیران سنه ۳۲۷ تاریخده متفقاً قرار ویرلدی .

## قانون جزائیہ

### ملاحظات جزائیہ

مصادمه بحریه سببیلہ وقوعبولان تلف نفس ویا مجروحیت دعاویسندن طولایي مصادمه واقعہ کیفیتی جهت جزائیہ ده بر مسئله مستأخرہ تشکیل ایدرمی یعنی اول امرده دعوا یه تجارت بحریه محکمه سنجہ قرار ویرلکدن صکره می جهت جزائیہ جه معامله ایفای لازم کاور یوقسه دعوانک هرجهتی جزا محکمه سنجہ حل اولنقمی اقتضا ایدر .

مصادمه بحریه ایلہ وفاته سببیت جرمندن طولایي اول امرده تجارت بحریه محکمه سنجہ اقامه دعوی اولنهرق حکمه ربط ایتدیرلسی و حقوق عمومیه یه تعلق ایدن جہتدن طولایي ده محاکم جزائیہ جه فاعل جرم حقندہ معامله قانونیه ایفا قلمسی لازم کله جکی حقوق شخصیہ نقطه سندن واقع اولان نقض طلبنه قارشو ویریلان بر اعلامده مصادف نظرمن اولدیغندن اعلام مذکورک محتوی اولدینی اسباب موجبہ دن مسئلہ یه تعلق ایدنلرینک بسط واتیایله اولابده کی مطالعاتی بروجہ زیر درمیان ایدرز .

مذکور اعلامده ( دقتسزلکدن ویا خود نظامات بحریه یه رعایتسزلکدن متولد مصادمه ایلہ وفاته سببیت ویرلمک مثلاً موجب مجازات بر فمکک وقوعی حالندہ هم حقوق عمومیه و همده حقوق شخصیہ جہتلرندن تعقیبات و تدقیقات اجرایی ایجاب ایدہ جکی واکرچه اصول محاکمات جزائیہ قانونک اوچنجی ماده سی منظوقجه حقوق شخصییه متعلق مطالبک حقوق عمومیه دعاویسبیلہ برلکده محاکم جزائیہ جه رؤیتی لازمہ دن ایسده دن قانون مخصوص ایجابجه کیفیت اجتماعی برطاقم اصول وقواعد تابع اولان مصادمات بحریه دن متحدث تضمینات ادعالرینک دخی جهت جزائیہ جه فنه آشنا اولمیان و صرف مشهودات و معلوماتی بیان ایدن مخبرلرک افادتنه بناء شرائط سائرہ خصوصیه سی نظره آلمقسزین قبولی نقطه سنده تجارت بحریه قانونک عدم مرعیتی مسئله مهمه سی درپیش اولنق و علی الخصوص سالف الذکر تضمینات دعوالرینک حقوق عمومیه دعواسیلہ برلکده محاکم جزائیہ ده اقامه سی حالندہ اصول عمومیه دائره سنده یا لکنز اخبارات واقعیه بناء و آروجه مرجعندہ اقامه سی تقدیرندہ یسه قانون تجارت بحریه نک تبیین ایلدیکی قواعد تطبیقاً حکم وقراره ربطی مثلاً ویکدیگریله قابل تألیف و توفیق اولیه جق ایکی طریقہ سوقی امرندہ کی نتایج متضاده یه دخی حاله نظر دقت ایدلمک



مقتضى اولسى حسيله احوال مائله ده مصادمات بحريه تضميناتك اول امرده مرجعته و حقوق عموميه عائد جهتك بالاخره محاكم جزائيه جه رؤيتي و ياخود تجارت بحريه قانونه توفيق حكم اولمق اوزره حقوق عموميه دعوا سيله معاً اقامه اولنان حقوق شخصيه دعواسنك دخي طوغريدن طوغريه محكمه جزائيه ده قراره ربط و توثيق صورتلرندن هانكيسنك قوانين موضوعه احكامنه مقارن و ملايم اوله جنى تعيين و تقدير اولمق لازم كلوب موضوع بحث اولان تضمينات دعوالرندن طولايي تجارت بحريه قانونى احكامنه توفيقاً و مصادمه واقعه نك خلاف فن و مغاير اصول وقاعده و قوعبولان حركادن نشأت ايلديكى يولنده فنون بحريه واقف ذوانك تدقيقات فنيه اوزرينه اعطا ايدى جكلرى راپوره استناداً حكمه ربط ايتديلمسى و حقوق عموميه به تعلق ايدن جهندن طولايي ده محاكم جزائيه جه فاعل جرم حقده تدقيقات فنيه نتايجنه كوره معامله لازمه ايضا قلمسى مقصد قانونه ده زياده موافق و مقارن كورشمش و طوغريدن طوغريه جزا محكمه سنه مراجعت صورتنده دخي مصادمات بحريه نك بر وجه محرر تقدير ماهيتي و مسئوليت ماليه سى درجه سنك تعيينى قانون مخصوصه تابع اولسندن و قانون مزبورك محاكم جزائيه جه عدم مرعيتي نقطه سندن مواد سائر جرميه ده مسئله مستأخره تشكيل ايدن احوال حقنده جاري اصوله قياساً حقوق شخصيه مدعيسنك محكمه سنه سوقيه معاملات متعاقبه سنك فقره اولايه توفيق ايدلمسى اصول و امثالى ايجابندن بولشمش اولدينى بيان ايديليور.

تجارت بحريه قانوننك ايكي كمينك بربرينه چاندقلى حالده چاتم كيفيتك صرف قضادن طولايي واقع اولمش و ايكي كمينك قبودانلرندن برينك و يا هر ايكي سنك تقصير ايله وقوعبولمش و ياخود بوكاهانكيسى سبب اوله جنى مجهول بولشمش ايسه ترتبايدن زيانك جهت عايديته و خساراتك نوعنه متعلق ايكي يوز قرق طقوزنجى ماده سيله مواد متعاقبه سنده كي احكام مخصوصه ايله سائر مراكب بحريه مصادماتندن متحصل خساراتك تضمينه دائر اولان نظامات و تعامل انجق مراكب بحريه نك تلف نفس و مجروحيت سبب كى نتايج وقوعه كلكسز ين خسارديده اوله رق محتاج تعمير بر حاله كلسى مثلاً صرف ضرر ماليه به تعلق ايدرك بونك ايجون تجارت بحريه محكمه سنجه تعيين اولنه جنق اهل وقوف و معلوماتك رايلىنه مراجعت اولمق لزومى خسارك كيفيتي ايله ضرر واقع كمينى تعيين مقصدينه مبتنى و موضوع بحث اولان مسئله دقتسزلك و يا نظامات بحريه به رعيتسزلكدن متولد مصادمه ايله وفات و يا مجروحيت سبب و بونك استلزام ايتديكى ضرر و خسارك تضميني ماده لرينه متعلق و جرائمندن متحصل حقوق شخصيه دعوالرينه عائد مرجع تحقيقات و محاكمه نك تعيينى كيفيتي اولدينى بديهى و اصول محاكمات جزائيه قانوننك اوچنجى ماده سى اولاباده هر كونه ترددى دافع صورتده صراحتى حاوى اولمغه برابر مصادمات بحريه دن متحدث تضمينات ادعالي نك جهت جزائيه جه فنيه آشنا اوليان و صرف معلومات و مشهوداتى بيان ايدن مخبرلر افادانه استناداً و شرائط خصوصيه سى نظره آلميه رق قبولى و حقوق عموميه دعوا سيله برلكده محاكم جزائيه ده اقامه سى حالنده يالكز اخبارات واقعه به بناء آيروجه مرجعده اقامه سى تقديرنده نتايج متضاده حصولى كى مطالعاتدن دوائر و محاكم

جزائيه نك صرف اخبار اوزرينه بنای رأى و مطالعه و اعطای قرار ايلك كى بر دائره محدوده دائره سنده ايفاي وظيفه ايدى جكلرينك ظن ايدلديكى آكلاشله قده اولوب حالبوكه اصول محاكمات جزائيه قانوننك قرقنجى و قرق رنجى ماده لرى ايله احكام عموميه سائر سنك صراحت و دلالات قطعيه قانونيه سى مواد جرميه نك ماهيتيله صور ايقاعيه و مسئوليت معينه جزائيه سنجه محاكم جزائيه نك تقديرانه اساس اتخاذا اولنه جنق تدقيقات و معاملاتك دائره سنى بك واسع بر صورتده تعيين و ارباب فن و صنعتك مطالعه سنه مراجعت اصولى جهت جزائيه جه موضوع قواعد تحقيقات و تدقيقاتك ك مهم اساسلرندن برينى تشكيل ايتمش و بناءً على ذلك بومثلاً مصادماتندن متحصل و حقوق عموميه و شخصيه عائد خساراتدن طولايي حقيقت حالك تبينى امرنده فن بحريه واقف ذوانك اهل خبره تعيينيله بيان ايدى جكلرى مطالعات واجرا قلمه جنق سائر تدقيقات و استماع اولنه جنق شهادات اوزرينه بنای قرار ايديله جنكى و شو مسئله ده اموال غير منقوليه عائد اولان تصرف دعوالرى كى مسئله مستأخره وجود بوله ميه جنى آشكار بولشمش اولديغندن جهت جزائيه ده يالكز اخبارات اوزرينه حصر تدقيقات ايديله جنكى و مصادمات بحريه كيفيتك بر مسئله مستأخره تشكيل ايليه جنكى متضمن مطالعه نك عدم اصابتى ميدنده اولوب حقوق شخصيه دعواسنك تجارت بحريه و حقوق عموميه دعواسنك دخي جزا محكمه سى حضورلرنده اقامه سى حالنده حقوق عموميه جهتى قطعياً فيصلير اولمادجه حقوق شخصيه دعواسنك باقيله ميه جنقه دائر اولان مذكور اوچنجى ماده موجبنه جنق عموميه دعواسنك نتيجه قطعيه سنه انتظاراً حقوق شخصيه دعواسى تأخير ايدلك لازم كله جنكى و حقوق عموميه محكمه سندن اولاباده مسئوليت جزائيه به متعلق صادر اوله جنق قرارلر كى تأثير قطعيسى نظره آله رق اكا كوره حقوق شخصيه به طائد مطالبك تحت حكمه آلمسى ايجاب ايدى جكلندن شو حالده ايكي محكمه قرارلرى بيشنده نتايج متضاده به تصادفه محل قالمى جنكى كى حقوق عموميه دن منبعث تضمينات دعواسنك تجارت بحريه محكمه سنجه حكمه ربط ايتديلمسى و حقوق عموميه به تعلق ايدن جهندن طولاييه تجارت محكمه سنده كي تدقيقات نتايجنه كوره معامله لازمه ايضا قلمسى حقيقت حاله وصول ايجون تدقيقات و تحقيقات ايفا و قناعت وجدانيه سيله قرار اعطايان جهت جزائيه يى تقيد ايدى جنكى جهته بويه حقوق عموميه دعوالرينى جهت حقوقيه ده حاصل اوله جنق نتيجه به تابع قلمق كى بر نظريه احداثه احكام قانونيه غير مساعددر .

والحاصل مصادمات بحريه ايله وقوعبولان تلف نفس و مجروحيت كيفيتلرينك آثار جرميه به اقتراى نقطه سندن اصول محاكمات جزائيه قانوننك تعريفاتى دائره سنده طوغريدن طوغريه حائز صلاحيت اولان مدعى عمومى لر طرفندن تعقيات اجرا و ارباب فن و صنعتك مراجع جزائيه جه معلومات فنيه لريله شهودك شهادتلىنه و تحقيقاتك ايجاب ايتديركى تدقيقات سائر نك ايفاسنه مسارعت ايله نتيجه سنه كوره حقوق عموميه



دعواستك وبوصردده حقوق شخصيه دعواى دخى اقامه اولمش ايسه انك جهت جزائيه جه قراره رابطى  
وجتت جزائيه ده يالكز حقوق عموميه دعواى اقامه اولنوبده محكوميت جزائيه منتهى قراره نتيجه لنش  
وياخود حقوق شخصيه مؤثر اوليان اسباب ستوطيه واقع اولمش ايسه حقوق شخصيه دعواستك عائد  
اولدينى محكمه ده اقامه ي لازم كلور.

باش مدعى عمومى

ممدوح

### تدقيقات فنيه

معايه راپورلرنده فعل جنائيك آثار واحوال وكيفياتندن رحل جرمك اشكال ومناظرندن بحثله وقوعاتك  
عنعنات جريانى ودلائل وامارات موجوده نك ماهيت درجائى وآلت جرم اولان شيلرك قوه تأثيراتى تصوير  
وساحه وقعه اوزرنده حادث اولان افعال جرميه نك هيئت حاضره وحدود فاصله سى تعيين اولنهرق مشاهدات  
فنيه نك دوره جنائيه ي انكشاف اينديرن هرصفحه ومنظره ي تعريف وتوصيف ونتائج حاصله ي آجقيق بينات  
وانى ملاحظات مخصوصه ايله تنقيق وتوثيق ايتك وجيبه دندر .

مواد جرميه حقه ده اجرا قلنان معايه وكشفيات فنيه وسائر عمليات طيبه اوزرينه اطباى حاذقه طر فلرندن  
ويريله جك راپورلك طب قانونى دائره بنده تعيين ايديلان شواصول وقواعد اساسيه توفيقاً تنظيمى لزومنه دائر  
مجلس امور طبيه ملكيه وصحيه عموميه جه برمسئله مهمه حقه ده جريان ايدن مذاكره طبيه نتايجندن حاصل  
اولان مقررات اولابده كى راپورده شوصورتله توضيح وتشریح اولنيوردى .

معايه اولمش اوزره مجلس طبيه ملكيه حواله بيوريلان وسبب وفاته دائر اولان بالجله اوراق عريض  
وعميق مطالعه وتدقيق اولنهرق استحصال اولنان اك برنجى نتيجه شو اولدى كه راپورلك جملسى بر نقطه  
اوزرينه بيان رأى ايله تركيب اولندقلرى مشاهده اولنشدر . مجلس طبيه ملكيه ديكر راپورلره مأخذ اساسى  
اولان دوكتورك الاولكى راپورى اوزرينه ايدى جكي معايه ويوره جكي حكم خصوصنده بونى اساس اتخاذ ايدر .  
بوراپور ؛ لسان رومى قاعده سى اوزره كوزل يازلمش ونقط امضاسى فرانسزجه قولنشدر . راپورك تركيائى  
دوكتورك كندى ايله يازلمدينى اكلا شلمشدر . حالبوكه طب قانونى احكامنجه بروقواتى معايه وتحقيقه  
حكومت جانبندن تعيين ايدلمش اولان هر طبيب قانونى ويوره جكي راپورى [ بر مانع شرعى سى اولمدقجه ] بالذات  
كندى لسانى ويا اى بيلديكى بر لسان اوزره تنظيم وتركيب ايتكه وكندى ايله يازوب وضع امضا ايتكه مجبوردر .  
دوكتور راپورينى بوصورتله ترتيب وتركيب ايتلى ايدى . محكمه صكره ايتديكى لسانه ترجمه ايتديره بيليردى .  
مجلس طبيه اشبو ملاحظاتى بيان ايلدكن صكره راپورك مندرجائى معايه ي كپر . اشبو راپورك

نهرجه لرده قيمت ودكرى اولدينى محكمه جنائيه كوسترمك ايچون اول امرده برطبيك معايه ي تعيين  
قلندينى زمان طب قانونى قاعده سى اوزره نه صورتله تدقيقاتى اجرا ايتكه مجبور اولدينى مختصرجه سرد  
وبيان ايتكى مناسب كورمشدر .

برطبيب بر نعلشك معايه سنه مأمور تعيين قلندقدده متوفانك نهدن وفات ايتش اولدينى تحرى ايچون اول  
امرده اجل موعرديله مى ؟ يوقسه بر جنائيه هدف اولهرقى وفات ايتش اولدينى آرايلى ؟ اكر اجل موعود  
سبب اولدينى تحققي ايدرسه اولوقت قتل الانسان فعلى مى اجرا اولمش ؟ يوقسه اتخارمى وقوعبولمش ؟ جرح  
مشحن ميدر ؟ سقوط نتيجه سيميدر ؟ قتله خطا وارميدر ؟ ماهيت جرم نهدن عبارتدر ؟ بورالينى تحرى  
ايتك ايجاب ايدر .

شو نقاط مهمه ي ظاهره اخراج ايچون طبيب معايه سنده كمال احتياط وتأنى ايله غايت متبصرانه حركت  
واولجه ذهنده تقرر ايتش هيچ بر فكر بولنمهرق بلا غرض بيطرفانه وبلا تعجيل دقت تامه ايله كيفيتى  
تفرعاتيله برابر معايه ي بدأ ومباشرت ايتلير . اك اوافق برشيئى نظردن دور ايتمهرك صره سيله معايه سنه  
دوام ايدوب مشاهده ايلديكى كافه حالاتى ميزان عقل ومنطق فى ايله موازنه ويكديكريله مقايسه ايتك  
وصور محتمله حقه ده حاصل اولان حسن وقبحك دلائلى ميدانه چيقارمق لازم كلور .

مثلا قتل الانسان فعلى وقوعبولدينى ديمك ايچون فلان فلان تفصيلات ياخود فلان فلان خصوصيات  
ياخود فلان علامات مشاهده اولديغندن قتل وقوعنه ذاهب اولدى وغيرهم ديهرك راپورينه درج وتزيير  
وبر طاقم خصوصات مختلفه ي بربرينه تطبيق ايلدكن صكره رأى وقرارينى تحري ايتكه وبويله جه راپورينه  
ختم ويرمكه مجبوردر .

ايمدى شوراپور قواعد وشرايط مبسوطه اوزره تنظيم قلنامش وك اهم وواجب اولان تفصيلاتك درجى  
اهمال ايدلمش اولديغندن شو نقصانلره بيان رأى ايتك ومتوفانك سبب وفاتى حقه ده بر حكم قطعى اعطا  
ايتك مجلسجه ممكن اوله مدينى كوستلشيدى .

معلومدركه مدعى عموميلر جرائم واقعه نك ماهيت واحوانك تميزى بعض فن وصنعتنه توقف ايتديكى  
حاله اربابندن بر ايكى كشى استصحاب ايدرله محل جرمه كيدرله برينك قتل واعدامى وياخود اسبابى  
مجهول وشبهه لى اولهرق وفاتى حالنده مدعى عمومى ومستطق بر وياخود ايكى طبيب وجراح آلور . بونلر  
جنازهنك بولندينى حال ايله اسباب موتى حقه ده بر تقرير يابه جقلردر . ارباب فن تقريرلرني بيغرضانه  
يابه جقلرينه ومطالعهلرني وجدان صحيح اوزره بيلديره جكلرينه دائر مدعى عمومينك حضورنده يمين ايله  
راپورلرني تنظيم ايدى جكلردر .

بو صورتده ضبط ورقهلرله تقرير وكشفنامه وراپورلك اصولى دائره سنده صور تنظيميه سنه عدم رعايت  
موجب نقض اسبابنددر .



جرائم مشهوده نك اجرای معاینه و تحقیقاتی ضمننده محل جرمه اعزام ایدیه جك اطباءى بلديه و مأمورین سائر خر جراهلرینك كال سرعت و وقت وزمانیه بالا عطا تحقیقات عدلیه نك تأخیرینه میدان ویرمیه رك بونلرك تأمین تسویه سی ضمننده مأمورین مالیه نزدنده تشبثات و تعقیبات لازمه ده بولنیه رق محكمه قرارینی متعاقب مجلس اداره جه تصدیق معامله سنك اجراسی ۱۶ شباط سنه ۳۲۵ و ۴ مایس سنه ۳۲۶ تاریخلی محررات عمومیه احکامنددر . جنایت و جنحه ایله تحت استنطاقه النان مظنونلرك ایقاع جرمده استعمال ایدیه رك محل حادثه ده بولنان و در دست ایدلرلركی زمان اوزرلرنده و خانه لرنده ظهور ایدن هر نوع اسلحه و اشیاك ثبوت جرمه مداری اوله جنی جهتله بونلر ضابطه جه تحت امانتده بولندیریلهرق محافظه و عندالافتضا وقوع بولهرق طلب اوزرینه مستنطق و محكمه لر معرفتیه مظنون و متهملر ایله شهوده ابراز و ارائه اولنلق جهتلری بوبابده اتخاذه لازم کلان معاملاتك صوراجرائیه و معاملات متفرعه سی تأمین ایدن ۲۹۶ تاریخلی تعالیماتنه مخصوصه ایله ۲۴ تشرین ثانی سنه ۳۲۶ تاریخلی تذکره سامیه ایجابنددر . جرمده استعمال اولنان و یا خود محل جرمده تهیه قلنان و یا وقوع جرمده حصوله کلان اشیانك ضبط و مصادره سی لازمه دندر .

مسائل طبیه عدلیه حقنده راپورلرینی ویرمش اولان اطباءن عندالحا که ایضاحات فیه طلبی تدقیقات عدلیه ایجابانه مستند و صورت استدحاک هیئت حاکمه نك تقدیراته عائد بولنمش اولدینی بدیهیدر .

فتح میت عملیاتی نتیجه سنده لاجل التحلیل کوندریلهرجك احشانك اجزای متركبه لازمه سیله مطلقا جام قوانوزلر ایچنده اغزلری مهرلی اولمسنه اعتنا ایله مواد مذکورنك صورت محافظه و تسیاری حقنده اولنهرق معامله یه دائر ۴ مایس سنه ۳۲۶ تاریخلی تحریرات عمومیه ایله اجرای تبلیغات اولنمشدر .

اصول محاکمات جزائیه نك مقتضیات قانونیه سنندن اولدینی اوزره جرمك ماهیتی اقتضاسنجه محاکم متعلقه سنجه ده ارباب فن و صنعت طرفندن اجرای تدقیقات اولنلق لازم کلدکه مدعی عمومی و یا متهم و یا خود مدعی شخصی طرفلرندن واقع اولهرق طلب و یا طوغریدن طوغری به محكمه جه کوریلهرجك لزوم اوزرینه ایجاب حال و مصلحته کوره اعضادن برینك نظارتی تحتنده اجرای تدقیقات ایدلرك و اوبابده لازم کلان تقریرینی ویرمك اوزره صورت مناسبه ده اهل خبره انتخاب و تعیین اولنلق و بونلرکده تدقیق و مطالعه لرینی وجدان صحیح اوزره بیان ایدیه جکارینه دائر علی الاصول تحلیفلری اجرا قلنلق قواعد عمومیه دندر .

مجر و حك آلدینی جریجه نك تأثیریه وفات ایدوب ایتمدیكنك تدقیق اولننامسی و برمحاکم کشفی ایچون تعیین اولنان ارباب وقوفك محكمه جانبندن انتخابی اقتضا ایدرکن بومعامله نك اجرا قلننامسی و جرمك تاریخ وقوعنك تحدید جزایه مؤثر احوال دن اولدینی حالده بوجهتك تحقیق ایدلنامسی و معاینه راپورینك هر حالده ضبطنامه و اعلامه درجی مقتضی ایکن درج اولننامسی و مقتولك وجودنده کوریلان جرحه لردن هانکیسنك وفاته سببیت ویرمش اولدیغنك تحقیقاتنه کیریشلنامسی و آلت ضرب و جرحك درجه ثقلت و جسامتی حقنده اجرای تدقیقندن ذهول ایله مسکوت عنه بر اقلیمسی وائناى وقعه ده خا ایچنده بولندینی اکلاشیلان برشاهدك

جلیله و قعه نك صورت جریاننه دائر ایضاحات و اهل وقوفك جللیله جرح حقنده فنا استحصالی اقتضا ایدن معلومات النامسی ووقعی رأی لعین مشاهده ایدنلر یوغیکن مجروحك افاده سی خبر ویرنلرك جلب ایدلنامسی کی نواقض اصولیه و اساسیه موجب نقض اولان اسباب قانونیه دن بولندینی محكمه تمیزك جمله مقررانددر . بعض مؤلفلرك افکار حکیمانه سنه کوره حقوق عمومیه نك ابتدای نظرده اساسی تمثیل ایدن بارقه حقیقت قوه عدلیه یی ترکیب ایدن مستنطق و طیب قانونینك تدقیق و معاینه سنندن چیه رق صورت پذیر اولور . فقط محكمه ده بینات ایله انجلا بولور .

مستنطق عدلی نصل تحقیقات حاکمی ایسه دارالعلوم حکمیه دن مأذون طیب قانونی ده تدقیقاتك عامل و ناظمیدر .

بری تحقیقات استنطاقیه دلایلله ماهیت جرمی تبیین ایدر . دیکری تطبیقات فیه قوتیه حقیقتی کشف و تعیین ایلر .

دارالفنون طبی دو قورلری ؛ مواد جرمیه حقنده حکامك فکر و وجدانلرینی تنویر ایدیه جك تشریحات انتباهیه یی نظر تقدیرلرینه بسط و ایضاح ایله انکشاف حقیقه پك بیوک خدمت ایدرلر .

محكمه تمیز اعضاسندن

طلعت

## اجانبك ممالك عثمانیه ده حائز بولندقلری امتیازات عدلیه

( مابعد )

معاموت انوسیرره رولای قونسولتورده جاری اصول . — اولجه ده سولدیکنر وجهله ممالك عثمانیه ده اظهار افلاس ایدن بر اجنبینك معاملات افلاسیه سی ، داینلری کرک عثمانلی و کرک اجنبی اولسون ، هر حالده قونسولاتو محكمه سننده رؤیت و تسویه ایدلکده در . کرچه مملکت زده کی اجنبی تاجرلرك عددینه نسبة افلاس و قوعی نادر ایسه ده ینه بوبابده بعض وقایع و امثال موجوددر .

افلاس حقنده فرانسه قونسولاتو سننده مرعی الاجرا اولان قانون ۱۸۰۷ سنه سننده نشر اولنان قانون تجارتله بونك افلاسه متدائر احکامنی کاملاً تعدیل ایلش بولسان ۱۸۳۸ تاریخلی قانوندر . مع ذلك ۱۸۸۹ تاریخنده یکی بر قانون ایله ده بعض تعدیلات قبول ایدلش و از جمله liquidation judiciaire اصولی تطبیق ایدلکده باشلانمشدر . فرانسه قانونلری موجبنجه معاملات افلاسیه تاجرلره منحصردر . تعطیل تأدیات suspension de paiements حالنده بولنان هر بر تاجرک افلاسی ، کرک کندوسنك مراجعتی و کرک داینلرك



طبی اوزرینه ویا رأساً d'office محکمه معرفتیه تحت حکمه اله بیلور [۱] déclaration de faillite مفلس، زدهده اولدینی کبی اموالی ادارهیه صالح و لئامادیندن اصحاب مطلوب بر ماسه masse تشکیل ایدرو محکمه طرفدن تعیین قلنان ژورژ قومیسرک نظارتی تحتیده ایفای معامله ایتک اوزره لزومی قدر سندیک انتخاب و نصب اولنور. [۲] ۱۸۸۹ تاریخی قانون موجبجه ژورژ قومیسرک نظارتندن ماعدا برده مراقبه مأمورلری Controleurs تعیین ایدلمسی تقرر ایتشدیر؛ مع ذلك بونارک انتخابی مجبوری دکل، اختیاریدر؛ اصحاب مطلوب میانندن انتخاب قلنان اشبو مأمورلر سندیکلرک معاملاتنی تحت مراقبه و تفتیشده بولندیرمقدن عبارت اولان وظیفه لری بلا اجرت ایفا ایدرلر. زده قبول اولنانه مائلدر. تعطیل تأدیاته مبدأ اوله رق تعیین ایدن کونی سبق ایدن ایام عشرة شبهه لی مدت période suspecte عد اولنور.

افلاس قراری اعطا ایدلکدن سوکره مفلسک ماللری تمهیر ایدیلور؛ سندیکلر اموال و اشیا سنی بردفتره inventaire ثبت و تحریر ایدرلر. بوصورتله موجودک مقداری بعدالتعین مقدار دیون اکلشلمق اوزره تحقیق دیون verification des créances معامله سی اجرا قانور؛ بالاخرده اصحاب مطلوب ژورژ قومیسر حضورنده الاجبلی اولدق لری رسمیاً بیان ایدرلر affirmation des créances.

نهایت اصحاب مطلوب دعوت و سندیکلر جانبندن برتقریرله احوال افلاس حقدنه معلومات اعطا و مفاس طرفدن قونقورداتو تکلیف اولنور.

معاملات افلاسیه اوج صورتله ختام بولور: عادی قونقورداتو concordat simple موجودی ترک

طریقیه قونقورداتو concordat par abandon d'actif و اونون union.

[۱] فرانسه تجارت محکمه لرنده، دیگر مواد تجاریه ده اولدینی کبی مسائل افلاسیه ده دخی مدعی عمومی حاضر بولماز یا لکن آنک برحق مراقبه سی واردر. بنا برین افلاس قراری اعطا ایدلمسی متعاب تجارت محکمه سی باش کابی طرفدن او قرارک بر صورتی مدعی عمومی به تودیع واکر مفلسک حبسنه قرار ویرلش ایه شو صورتله او قرار اجرا اولنور. مدعی عمومی مفلسک ثبت دفتر معامله سنده حاضر بولنه بیلورلر. ژورژ قومیسر موقت سندیکلر طرفندن اون بش کون طرفنده افلاس معاملاتنی ناطق اوله رق تنظیم قلنان راپوری مدعی عمومی به کوندرمکه مجبوردر.

۱۸۸۰ تاریخی بر امرنامه موجبجه، افلاسه متعلق کانه معاملاتنی کونی کونته قیدر حفظه مخصوص اولقی اوزره کافه عاکده هر افلاس ایچون آیری بردفتره طرفیلورکه سلامت معامله نقطه نظرندن شو اصولک بزجه ده قبول و تطبیق شایان تمیدر. [۲] فرانسه ده وقوع بولان بر افلاسه اجنبیلرکده سندیک تعیین قبول ایدلش بر اصولدر؛ اما ممالک شرقیه ده کی فرانسه قونسلولری سندیکلری هر حالده فرانسه تبعه سندن تعیین ایدرلر.

فرانسه ده ۱۸۰۷ قانونی موجبجه، بر ذات سنده بر دفعه دن زیاده سندیک نصب ایدیله من و سندیکلر اصحاب مطلوبدن ایه تعیین قلنم ایدی؛ فقط اکثریتی تجارت اولان اصحاب مطلوب میانندن انتخاب و تعیین ایدیلان سندیکلر بحق ایفای وظیفه ایتاملری دولایسیله ۱۸۳۸ سنه سنده نشر اولان بر قانون بواسولی تعدیل ایتش و بنا برین الیوم کرک اصحاب مطلوبدن ودها زیاده خارجدن سندیک انتخاب و بولنره اجرت اعطایی و بر ذلک سنده بر دفعه دن زیاده سندیک تعیین اوله یلمسی اصول اتخاذ ایدلشدیر. ذاتاً فرانسه نیک بیوک شهرلرنده سندیکلک وظیفه سی درعه ده و اجرا ایدن متخصصلر واردر؛ بونلرک لیسته سی تجارت محکمه سی معرفتیه تهیه و تنظیم و عندالایجاب سندیکلر اولیسته نیک اسمایستی شامل اولدینی ذوات

۱۸۸۹ تاریخنه قدر عادی قونقورداتولرده، زده اولدینی کبی بری مطلق و دیگر بری مجموع دیونک اوج رباعیه مقید اولقی اوزره، اکثریت شخصییه و مبلغیه ارا نیردی؛ لکن تاریخ من بورده نشر اولان بر قانون موجبجه اوج ربع اکثریت ثلثانه تنزیل ایدلدی.

۱۸۵۶ تاریخلو قانون موجبجه موجودی ترک ایله اولان قونقورداتو عادی قونقورداتو کبی عقد اولنور، شوفرک ایله که موجودی ترک صورتنده مفلس معاملات تجاریه سنه یکیدن شروع و دوام ایده من؛ بلکه اونیونده اولدینی کبی اموال موجوده سندیکلر معرفتیه فروخت و حاصل اولان مبالغ اصحاب مطلوب بیتنده توزیع ایدیلور. بو اوج صورت تسویه دن ماعدا، برده موجودک عدم کفایتی تقدیرنده افلاس معاملاتنیک قیادلمسی clôtüre pour insuffisance d'actif طریق واردر؛ بویله بر حالده مفلس محجور و حق انتخاب مثللو بر طاقم حقوق سیاسییه دن محروم قالیر en état de dessaisissement؛ سندیکلرک وظیفه سی ختام بولمایوب ماسه دوام ایدر. فرانسه قانونی احکامجه حیللی banqueroute frauduleuse و یا تقصیراتی افلاس banqueroute simple وقوعنده محکمه تجارت ایشی جزا محکمه سنه حواله ایدر.

دولت من بوره احکام قانونیه سنه نظراً، زده کی شرائط دائره سنده، اعاده اعتبار rehabilitation اصولی دخی جاریدر.

فرانسه ده افلاسه شبیه اوله رق تسویه عدلی liquidation judiciaire دینیلان دیگر بر اصول مرعی و بوده تسویه معاملاتنی انساننده مفلسی ایشنک باشنده بولندیرمقی مقصدینه مستنددر. فی الواقع افلاسی تحت حکم و قراره النان مفاس هیچ بر عقد اجراسنه صالح اولمادینی حالده تسویه عدلیده مفاس ایشنک باشنده قالیر و فقط بر طاقم عقود و معاملاتنی حقدنه جانب محکمه دن تعیین اولنان تسویه اموری کندوسنه نظارت ایدر؛ بومأمورک اذن و موافقتی انضمام ایتدکجه مفلسک اجرا ایتدیکی عقودک قسم کلیسی کآن لم یکن حکمنده طوتیلور. تسویه عدلی کرک عادی قونقورداتو، کرک موجودی ترک ایله قونقورداتو و کرک اونون طریقیه ختام بوله بیلور؛ موجودک عدم کفایتی حالنده تسویه عدلی معاملاتنی دخی قیادیله بیلور؛ دیگر طرفدن تسویه عدلی افلاسه انقلاب ایده بیلورکه بو طریقیه مراجعت محکمه ایچون بعضاً اختیاری و بعضاً مجبوریدر.

تسویه عدلی نه تابع اولان تجارت حق انتخابدن محروم اولماز.

میانندن انتخاب اولنور. فضله اوله رق یارسنده بر هیئات سندیکیه Compagnie des syndics و بونلرک خصوصی نظامنامه لری statut واردر؛ بو هیأت داخل اولان هر بر سندیکلرک صندوقنه ایکی یوز فرائق کفالت اقیچه سی تودیع و حضور محکمه ده دخی عفت و اسقامتله اجرای وظیفه ایده جکنه دائر؛ این اجرا ایتک لازم کلیر.

۱۹۰۲ تاریخنده اشبو هیأت سندیکیه یکرکی کشیدن متشکل ایدی.

ایتالیا تجارت قانونک ۷۱۵ نجی ماده سی موجبجه سندیک لیسته لری تجارت اوطله لری معرفتیه تنظیم قانور.

رومانیا تجارت قانونی احکامجه ده هر محکمه ده اجرای وظیفه ایده جک سندیکلرک لردن عبارت اوله جنی قرال طرفندن با امرنامه تعیین ایدیلیر؛ محکمه دخی آنلردن برنی انتخاب ایدر.

آرژانتین تجارت قانوننه کوره سندیکلر تجارت اوطله لری معرفتیه تاجرلر میانندن انتخاب و قرعه ایله اسملری لیسته یه درج ایدیلور؛ ایشته سندیکلر صره ایله بولردن آنور.



تاجر اوليان و موجودی دیننه کفایت ایتیان مدیونلره کانجه : بونلر حقنده معاملات افلاسیه جاری و فرانسه قوانیننده déconfiture دینلان بو حاله متعلق تفصیلات کافیّه موجود دکدر . بو کیفیت افلاس کی معاملات خصوصیه غیر تابع اولمغه ، بونک تحقیق امرنده افلاس قراری کی برقراره احتیاج یوقدر ؛ مدیون حجر ایدلدیکندن ، اصحاب مطلوب هر بری شخصاً علیه دعوی اقامه ایده بیلور ؛ داینلر ایچون سندیکلره نمائل وکیللر تعیین ایدلز ؛ مدیون ، حق انتخابدن محروم حیللی ویا تقصیراتلی مفلسلر حقنده اجرا ایدیلان تعقیبات قانونیه دوچار اولماز . فقط بوکا مقابلده تاجر اولیان مدیونلر رسمی قونقورداتویه نائل اوله مازلر - یعنی اقلیتده قالان داینلری صلح جبری ایله صلح اولمغه مجبور طوتیله من . بونلره قارشو اقامه ایدیلان دعاوی حقوق محکمه لرنده رؤیت ایدیلور .

ممالك عثمانیه ده اقامت ویا اجرای تجارت ایدن - either resident in the ottoman dominions or carrying on business there - انکلیز تبعه سنک معاملات افلاسیه سی دخی ، ۷ تشرین ثانی سنه ۱۹۱۰ تاریخی اوردر ابن قانونسلیک ۱۰۲ نجی ماده سی موجبجه ، صلاحیتدار بولنان قونسولاتولر معرفتیه رؤیت و تسویه و بو باده ۱۸۸۳ تاریخی انکلیز افلاس قانونی تطبیق اولنور . بو قانون موجبجه bankruptcy افلاس ، کرک تاجر و کرک غیر تاجر بالجه مدیونلره سیاناً شامل اولان بر معامله در . مع مافیه ۱۸۹۰ سنه سنده نشر اولنان بر قانون ۱۸۸۳ قانونی قسماً تعدیل ایتشدور .

انکلیز قونسولاتولی قانوناً تعداد ایدیلان معین احواله افلاس قراری اعطا ایده بیلور . حال افلاسه اوله رق وفات ایدن مدیونلرک افلاسنه قرار ویریه من ؛ فقط اموالک فروختی و حصه غرامه نک تقسیمی افلاس قانونی موجبجه اجرا قنور administration of the estate of the deceased debtor according the law of bankruptcy افلاس نتیجه سی ، بزده اولدینی کی ، مفلسک محجوریتیدر ؛ وفضله اوله رق ۱۸۸۳ قانونی احکامجه مفلسه عائد اموالک ملکیتی سندیکلره انتقال ایدر the proper ty of the bankrupt shali vest in a trustee واول صورته اصحاب مطلوب بیننده تقسیم اولنور .

سندیک انتخابی حتی دوغریدن دوغری به اصحاب مطلوبه ویرمشدور ؛ برویا متعدد سندیکله تعیین اولنه بیلور ایکنجی تقدیرده بونلردن هر بری اصحاب مطلوب طرفندن کندیلمینه ویریلان مأذونیت دائره سنده منفرداً ویا مجتمعاً ایفای وظیفه ایده بیلورلر . سندیکلرک معاملاتنه نظارت ایتک اوزره اصحاب مطلوب طرفندن بر هیأت مراقبه committee of inspection انتخابی اختیاریدر .

انکلیز قانون افلاسی موجبجه قونقورداتو composition after bankruptcy adjudication ایچون اصحاب مطلوب کی دفعه اجتماع ورائی اعطا ایتسی وایلك اجتماعده حاضر بولنان اصحاب مطلوبه نظراً اکثریت شخصیه و یوزده یتش بش نسبتنده اکثریت مبلغیه و اجتماع ثانیده اعطای رایه صلاحیتدار اولان بالجه اصحاب مطلوب اعتباریه اکثریت شخصیه و عین نسبتده اکثریت مبلغیه حصوله کلسی ایجاب ایلر .

۱۸۸۳ قانونی موجبجه قونقورداتو افلاس معالاتنک هر درجه سنده عقد ایدیه بیلور . قونقورداتونک تصدیق ویا عدم تصدیقی حقنده محکمه لک حق تقدیری مطلقدر .

مذکور قانون موجبجه ، مفلس قونقورداتویه نائل اوله مدینی حاله بیله محکمه رأساً مفلس لهنده order of discharge دینلان برابر اقراری اعطا ایده بیلور که شواصول آمریقا و بره زیلیاده دخی جاریدر . بوا بر اقراری بعضاً مطلق و بعضاً موقت اولور ؛ برنجی صورتده داینلر آرتق اصلا تعقیباتده بولنه مازلر ؛ ایکنجی تقدیرده ایسه اصحاب مطلوب مدیونلرینه قارشو آنجق موقت بر زمان ایچون تعقیبات اجرا ایده من .

ممالك عثمانیه ده کی آلمانیا قونسولاتولرنده معاملات افلاسیه حقنده تطبیق اولنان قانون ۱۸۷۹ تاریخندن برو آلمانیا ده مرعی الاجرا اولان افلاس Kenkursordnung قانونیدر . بو قانون موجبجه معاملات افلاسیه کرک تاجر و کرک غیر تاجر بالجه مدیونلره شاملدر . مع مافیه ۱۹۰۰ تاریخنده موقع اجرایه وضع ایدیلان یکی قانون مدنی و تجارت قانونی دولایسیله افلاس قانوننده ۱۸۹۸ تاریخلو بر قانون موجبجه بعض تعدیلات اجرا ایدلمشدور ؛ شویله که : بر مدیونک افلاسنه قرار ویرمک ایچون دینک تسویه سی قابل اولماق مشروط و بوعدم قابلیت ده بالخاصه تعطیل تأدیات Zahlungseinstellung حالنده واردر ؛ مع مافیه قانون بو باده حکامه بیوک برحق تقدیر بخش ایتکده در .

آلمانیا قانونلری احکامجه برترکه دخی افلاس حالنده بولنه بیلور ؛ بوکا Ueberschuldung تعیر اولنور که صوک سنه لرده در سعادت المانیا قونسولاتوسنده بویه بروقه محدث ایتشدور .

افلاس رأساً تحت حکمه آله ماز . سندیکلر ، بزده اولدینی کی ، اصحاب مطلوبک رأی آلدقندن صوکره محکمه طرفندن تعیین اولنور ؛ فقط موقت سندیک ، دائمی سندیک و اونیون سندیک دیه آیری تعیین ایدلیوب اولجه تعیین قلمش اولان سندیک معامله ده الی نه یاه دوام ایدر . افلاس قانوننک ۷۹ نجی ماده سی موجبجه سندیک بر نقردن عبارت اولور سهده ایشک بر قاچ شعبه سی بولندینی حالده متعدد سندیکلر تعیین ایدیه بیلور . سندیکک معاملاتنه نظارت ایتک اوزره اصحاب مطلوب ، طرفلرندن منتخب بر هیأت مراقبه gläubigerausschuss تشکیل ایده بیلور . قونقورداتو Zwangsvergleich ایچون اکثریت شخصیه ایله اوج ربغه معادل اکثریت مبلغیه آرانیر . افلاس معاملاتنی اونیون صورتیه تسویه ایدلدیکی ائنده دخی صوک توزیعاته قدر قونقورداتو عقد ایدیه بیلور . قانون قونقورداتونک تصدیق ویا عدم تصدیق امرنده محکمه لره بیوک برحق تقدیر بخش ایتشدور . یوزده یکر میدن دون حصه غرامه ویریلور و بوده مفلسک نابجا حرکاتندن نشأت ایتش اولور سه محکمه قونقورداتویی تصدیق ایتماکله مکلفدر [۱] .

مفلس بالجه اصحاب مطلوبیه اتفاق ایتدیکی حالده افلاس ختام بولور و بو باده کی قرار اعلان اولنور ؛ بو قراره قارشو سکر کون ظرفنده اعتراض ایدمک جائزدر .

[۱] بورتکیز قانونی احکامجه یوزده الیدن اکسپک غرامه تکلیف ایدن مفلسک قونقورداتوسی تصدیق ایدلر ؛ و بوده ایسه بش سنه بی تجاوز ایتماکدر .



موجودك عدم كفايتندن دولاي افلاس معامله سی قیادلقده مفلسك محجوری مرافع اولور ؛ حكمه نك بوكا دائر اعطا ایلدیکی قرار نشر ایدیلور .

اوستریا و مجارستان قونسولاتورلنده تطبیق اولنان قانون ۱۸۶۸ تاریخی اوستریا افلاس قانونیدر بوقانون موجبجه تاجر اولان و اولمیان مدیونلر افلاس ایده بیلورلر ؛ فقط ، اولکیلر قونقورداتویه نائل اولدقلری حالده ایکنجیلر بوكا نائل اوله مامق کی ، هریکی قسم صنفه متعلق افلاس آره سندده بعض فرقلر تظاهیر ایتکده در . افلاس مدیونك مراجعتیه ویا داینك طلیله ویا خود محکمه طرفندن رأساً حکم اولنه بیلور . مفلسك دیونانك فاضی بعدالافلاس ده بلاانقطاع دوام ایدر . سندیکلر ، بزده اولدینی کی ، اصحاب مطلوبك رأی آلدقدن صوکره محکمه معرفتیه تعیین اولنور ؛ سندیک برنفرندن عبارت اولور سه ده حین حاجتده بروکیل بولندیره بیلور سندیکك معاملاتنه نظارت ایتک اوزره هر حالده اصحاب مطلوب طرفندن وکیلار تعیین ایدیلور ؛ بولر سندیکك عقود و معاملاتندن حائر اهمیت اولانلرینه مأذونیت ویرمکله مکلفدر .

قونقورداتو ایچون هم شخص وهم مبالغ نقطه نظرندن ثلثان درجه سندده اکثریت مقیده ارنیلیر .

اصحاب مطلوب بالاتفاق افلاسه ختام ویره بیلورلر و محکمه بر قرار ایله بواتفاق تصدیق ایدر . افلاس قیادلدینی حالده مفلس محجور قالماز ، ذاتاً افلاس قانوننك بر ماده سی موجبجه موجودك عدم کفایتی اولجه محسوس اولور سه محکمه افلاس قراری و بر مامك ایجاب ایدر .

۱۸۸۳ تاریخنده نشر اولنان ایتالیا تجارت قانونی احکامنجه افلاس یالکیز تاجرلره و تعطیل تأدیات دین تجاریه مختصدر ؛ فقط بر تاجرك بعض دیونانی بر سبب مشروع تحتنده ایضا ایتاماسی قرار افلاسلک اتخاذی امرنده دلیل کافی دکدر . تعطیل تأدیاته مبدأ اولان کونی محکمه افلاس تاریخندن اوچ سنه اقدمنه ارجاع ایده بیلور . [۱] اصحاب مطلوب ، طرفلرندن تعیین ایده جکلری وکیلار معرفتیه هر حالده سندیکلرک معاملاتنه نظارت ایدرلر . قونقورداتو Concordato ایچون ارنیلان اکثریت مبلغیه یوزده یتیش بش و اکثریت شخصیه نصفندن برزیده در .

تجارت قانوننك ۸۳۰ نجی ماده سی موجبجه مفلس ایله اصحاب مطلوبك مجموعی بیننده اتفاق حاصل اولور سه افلاس ختام بولور . موجودك عدم کفایتندن دولای افلاس قیادلقده مفلس محجور قالماز . روس قانونلری موجبجه دخی افلاس کرک تاجرلره و کرک تاجر اولمیانلره تطبیق ایدیلور ؛ شو قدرکه هریکی صنف اشخاصک تابع اولدینی معاملات افلاسیه قسماً یکدیگرندن فرقلیدر .

۱۸۳۵ سنه سندده یونان حکومتنك نشر ایتدیکی تجارت قانونی افلاس حقنده فرانسه احکام قانونیه سی تماماً قبول ایتیش و انجق ۱۸۷۸ تاریخنده بوقانون تعدیل اولنشدر . ۱۸۹۳ تاریخی بر قانون ایسه تسویه عدلی اصولی قبول ایتکده در .

دولت عثمانیه ایله یونان حکومتی بیننده منعقد ۲۰ مارت ۱۹۰۱ تاریخی قونسولوسلق مقاوله سنك sentence arbitrale یکریمی برنجی ماده سی موجبجه ( تبعه عثمانیه ویا اجنبیه نك ممالك شاهانه ده تبعه [۱] بزده بونك ایچون برمدت بوقدر ؛ بونك تعیینی قانون تقدیر حکامه برافشددر .

یونانیه نك افلاسنده کی منافعه صورت موقته ویا قطعیه ده براییکی سندیک طرفندن وکالت اولنه جقدر . مارالذکر افلاسلی تسویه به صلاحیتدار اولان یونان قونسولوسلری سالف الیاب عثمانلی ویا اجنبی داینلر طرفندن کندولرینه ارا نه اولنه جق سندیکلری تعیین ایده جکلدر .

۱۸۹۶<sup>۲۶ شباط ۹ مارت</sup> تاریخنده دولت عثمانیه ایله صربستان آره سندده عقد ایدیلان قونسولوسلق مقاوله نامه سنك یکریمی یدنجی ماده سی دخی افلاس وقوعنده طرفین محاکمك ایضا ایده جکی وظائف و معاملاتی تبیین ایتکده در شوبه که : « طرفین عاقبتندن برینك ممالکنده افلاس وقوع بولور و مفلس دخی مملکت مذ کوره ده بولنور ایسه افلاس ایشی تسویه به مأمور اولان محکمه نك طلی اوزرینه دیگر طرف محاکمی مفلسه عائد اولان وحق قضالری دائره سی داخلنده بولنه بیله جک اولان کافه اموال منقولیه کنندولرنجه مرعی اولان قوانینه توفیقاً تحت تأمین المغه ودفترنی بالتنظیم ایشی رؤیت ایدن محکمه به تسلیم ایتکده محجور اوله جکلدر . فقط تسلیم اولنه جق اموالک بولندقلری محال قوانینی موجبجه استرداد ویا عاده ویا حق حبس ویا امتیازات ورهن ویا حقوق عینیه طلب واستدعا اولنور ویا خود اموال مذ کوره نك وخصوصاً برترک نك تفریقی طلب ایدیلور ایسه اموال مذ کوره افلاس ایشی رؤیت ایدن محکمه به تسلیم ایدیه مر ؛ بونقدیده انجق حقوق مبعوثیه در میان ایند کسانك مطالبی کاملاً تسویه اولندقدن صوکره اموال مذ کوردن باقی قاله جق مقدار افلاس ایشی تسویه به مأمور اولان محکمه به تسلیم اولنه بیله جکلدر .

« بر مفلسك اموال غیر منقوله سنه قارشواتخاذ اولنه جق تدابیر کلنجه : بولر هر حالده اموال مذ کوره نك کائن اولدقلری دولت محاکمك صلاحیتی داخلنده بولنه جقدر . اموال غیر منقوله نك فروختندن حاصل اولان مبلغدن اشبو املاکده حققلری بولنان داینلر بیننده توزیع ایدیلان مقدار حقّه بعدالافراز باقی قالدن فضله افلاس ایشی تسویه به مأمور اولان محکمه به تسلیم اولنه جقدر .

اعلان افلاس اثناسنده دیگر طرف ممالکنده داینلر بولندینی ظن و تخمین اولنور ایسه افلاسلک امر کشادی مملکت مذ کوره ده طبع و بونك ایچون تعیین اولنان اوراق حوادثله دخی اوراده مرعی اولان احکام و نظاماته توفیقاً نشر و اعلان ایدیه جکلدر . »

خارجیه نظارت مزله سفارت ایرانیه بیننده ۸ کانون ارل سنه ۱۲۹۱ تاریخنده قرارلشدیریلان مقاوله نامه نك اون اوچنجی ماده سندده ایسه « تبعه ایرانیه نك افلاس ماده سنك منحصراً سفارت و شهیندرخانه لره بر اقله سی و فقط بونده تبعه دولت علیه دن بولنان داینلردن برینك ایستندیکی حالده ایکنجی سندیک تعیین اولنمی مقرر در » دنلمکده در . تجارت بحریه محکمه سی اعضاسندن جمال الدین وهرانم آصارور

اجانب طرفندن فرانسه تبعه سی علیه نه اقامه ایدیلان دعاوی

حقوقیه نك تابع بولندینی شرائط تأمینیه :

بر مملکتده مقیم اولان اجانبک یرلیر علیه نه اقامه دعوی امرنده قاعده حائز صلاحیت اولمالرله برابر طبیعت دعوانك ایجاب ایلدیکی شرائطه تابع اولقسزین اجانبک یرلیرله مختصاته کیریشمکده مطلق العنان



اولملى عدالت قانونيهك تأمين حسن توزيعى نقطه نظرندن بريلر حقنده محذوردن غير سالم كورولمشدر. از جمله نتيجه مخاصمانده حقل چيقان بر اجنيبنك فرانسه تبعه سندن اولان خصمى عليهنده كي اعلام احكامنى بالمله وسائل اجرائيه متوسلاً انفاذ ايتديرمكه قدرتياب اولماسنه مقابل بالعكس حقسنز چيقمش اولملىزندن ناشى رسوم محاكمه ومصارف سفرى و ضرروزيان واجرت وكالتك تأديه سنه محكوم ايديلان تبعه اجنيبنك فرانسهده قابل حيز وفروخت اموالى اولماديني تقديرده حدود مملكسدن چيقوب كيتمسيه الزام ايدلدكاري مبالغ مبحونه كلياً متعذر التحصيل اولاجفندن مدعى عليهك تضمين ضرر حقنده بر منوال محرر استحصا ايلديكي حكيمك بالتهجه استخفافاً كاغد اوزرنده قالغه محكوم بر موقيت لفظيه دن عبارت قاله جنى بديهى دركه مقتضيات عدالتك نتايج فعليه سنه تقابل ايدمىان شوحال مدعى عليهك مبادى دعواده زمين مساوانده اخذ موقعه وفق اولاماسندن متبعث در . واقعا عنى صورته مدعى صفتنده محكمه ميه مراجعت ايدن و نتيجه مخاصمهده حقسنز چيقمازلندن طولاني مدعى عليهك بويوزدن متولد ضرر وزيانى تأديه محكوم ايديلان فرانسزلك دخی عقيب حكيمده قيب وتواری ايدمىيله چيكارى بومبشده متقابلاً درميان اولوبايلى سده تعليل تعهد املنك ، كنديلرني وطنه ربط ايدن بونجه علائق مغويه ايله روابط حسيه ي بويه طرفه العينده قطع ايچون حقلرنده نفى وتغريب ديمك اولان وادى فراره قدر سوق ايدمىه چكي دركاردر . حالبوكه آن محكوميتنده فرانسه دن چيقوب كيتمكي تصور ايدن اجانب ايچون ملاحظات مائله اصلاً مانعة عزيمت تشكيل ايدمى . ايشته حقوق محكوم بهانك محو وابطالنه محل قالمق اوزره فرانسه اصول محاكمه قانوننك يوز آلتش آلتنجى وبوز آلتش يدنجى ماده لر نجه اصلاً مدعى صفتيله محكمه ميه مراجعت ايدن [۱] وياخود دخول فى الدعوى طريقته توسل ايلين [۲] اجانبك تعهدات قانونيه سنه تقابل ايدمىه چك قيمتهده فرانسهده املاك وعقاراتى اولمدينى وبوبانده محكمه جه تقدير قلنه جق مبالغى نقداً توديع ايتدكاري صورتده حسب القانون نتيجه حاكمه ده رد استدعاليه منع معارضه لرينه دائر اتخاذ قرار اولوندقه مدعى عليهمه قارشو محكوم تأديه سى اولملى ايجاب ايدن مصارف محاكمه و ضرر وزيانى تأميناً مبادى دعواده ارائه كفالت ايله مكلف طوتمشدر . اجانبك فرانسه تبعه سى عليهنه اقامه دعوى ايدوب ايمه مك خصوصه مختار اولملىنه قارشو فرانسه تبعه سى طرفندن فرانسهده مقيم اجانب عليهنه دعوايه تصدى ايدلوب ايدلمه سى قضيه سنه اجانبك قدرت شخصيه لى تعلق ايدمىه سنه وحقل حقسنز مدعى عليه صفتيله محكمه ميه جلب ودعوت ايديلان اجانبك محافظه حقوقه موقى اولملى مدافعات قانونيه لر ينك بلا قيد بسط وتمهيدى خصوصه سريست بر اقلملرينه توقف ايلسنه نظراً كفالت معروضه نك مدعى عليه صفتيله محكمه ميه مدعو اولان تبعه اجنيبنك آرانماسنه محل كوريله مديكى كى حائر اولدقلى حق رجوعى استعمال ايلين مدعى عليهك طلبنه بناء باقرار محكمه داخل دعوى ايتديرين [۳] اجانبك وضعت قانونيه سى مدعى عليه صفتنه مقيس اولديغندن بصورتده دخی ارائه كفالت ايلملىنه لزوم كوريله مدي .

Demandeurs principaux [۱]

Intervenants [۲]

Intervention passive ou forcée [۳]

In limine litis [۱]

Compétence ratione persone [۲]

D'office [۳]

Demande reconventionnelle [۴]

آنجق مدعى عليه صفتنده بولونمش اولمقدن ناشى حد ذاتنده ارائه كفالت مكلفيتنده اولميان بر اجنبى رجوعاً بر شخص ثالثه قارشو حائر اولدينى حق مطالبه سندن بالبحث اثنائى رؤيت دعواده بر فرانسزلك دخی داخل دعوى ايدلمسى درميان ايلدكده طلب مبحونك صورت حدوتى ايله شكل درميانته كوره رأساً اقامه ايدلمش دعاوى اصليه دن اولماسيله برابر بويولده داخل دعوى ايتديرمىلى طلب ايديلان اشخاص ثالثيه نسبتله من حيث الماهيه مدعيات اصليه ي تضمن ايدليكدن عيني اسباب صائبه مبنى مطالبات مائله رجوعيهده بولونان اجانب دخی كذلك ارائه تأمينات ايله مكلف بولونمشدر . مارالذ كر يوز التمش التنجى ماده نك حكيمه نظراً خصوص مبحوت اعتراضات ابتدائيه دن [۱] معدود اولغله بويولده كي كفالتك مدعى عليه طرفه مضافات سائر درميانندن اول طلب ايدلمسى لازمدر . مدعى عليهك محل اقامتى اعتباريله محكمه نك عدم صلاحيتى [۲] حقنده مسرود اولان مدافعه ايله نواقص تنظيميه وخطيئات تبليغه دن ناشى ورقه دعوتيه نك لزوم ابطالى حقنده درميان ايديلان مدافعات دخی اصول مذ كورك يوز التمش طقوزنجى ويوز يتش اوچبجى ماده لر نجه كذلك اعتراضات ابتدائيه دن معدود اولديغندن ارائه كفالت اولونمى حقنده كي طلبك مارالذ كر اعتراضاتك درميانندن صوكره سرد ايدلمش اولمسنده باس قانونى يوقدر . شسو قدركه بو تقديرده ارائه اولونا جق كفالتك اولجه مسرود اولان اعتراضاتك استلزام ايلديكى مصارف قانونيه يه بالطبع شامل اولاماز . كفالت مبحونه نك حقوق عموميه يه جهت تعلق ومناسبتى اوليوب مجرد تأمينه مصروف اولدينى مدعى عليهك منافع شخصيه سنه مخصر اولماسنه نظراً جانب محكمه دن رأساً [۳] موضوع بحث اولمى جائز دكدر . مدعى عليه طرفه نجه ارائه كفالت اولونمى حقنده درميان اولونا جق اعتراض اوزرينه تأمينات مائله ارائه سنه محل قانونى اولوب اولمدينى واولدينى تقديرده كفالتك مقداريله معاد ارائه سى محكمه جه بالتذكر تحت قراره آلينير . مقدار كفالت دعوانك درجه اهميتى واستلزام ايدمىه چكي مصارف ايله بالتسيجه رد اولونمى حالنده مدعى عليهك بويوزدن دوچار اولمى محتمل اولان ضرر وزيان نظر اعتباره آلنه رق محكمه جه تقدير اولونور . دعواى اصليه يه مستنداً مدعى عليه طرفندن درميان ايديلان دعواى متقابله نك [۴] مستلزم اولدينى مصارف ايله بوندن متحدث بولونان ضرر وزيانك دخی دعواى اصليه نك تمت طبيعيه سندن معدودى حسيه لى الطلب كفيل دعوايه تحميلي لازمه دن ايسه ده دعواى اصليه يه مبتنى اولمىه رق مدعى عليه طرفه ميه مسرود اولان ضرر وزيان ومصارف محاكمه كفيلك شمول تعهدندن خارجدر . بوبانده كي قرار محكمه ده مقدار كفالتك تعيين قلمامش اولمى تقديرده مطلقك كانه مصروفيتى قاعده سنجه كفيل دعواى واقعه دن متولد جميع مصارف قانونيه ايله ضرر وزيانندن مطالبه اولنور .



تعريف قانوني به موافق صورتده ارائه كفالت اولمسی اوزرینه دعوی علی العاده بالرؤیه فصل اولونور بالعکس مهل معین ظرفنده قرار محکمه به توفیق مراجعت اولونامادینی تقدیرده دعوانك عدم مسموعیتته قرار ویریلیر. مراسم مقتضیه رعایت شرطیه فراسده تأسیس اقامتگاه ایچون صوت رسمیه ده استحصال مأذونیت ایدنلر ومقاولات خصوصیه منعقدہ موجبنجه فرانسہ تبعه سنك بویولده ارائه تأمینات ایللرینه مجبوریت کوسترمیان دولمره منسوب بولونان اجانب سالف العرض قواعد تأمینیه تبعیتدن آزاده در .

۱۴ تشرین ثانی ۱۸۹۶ تاریخنده لاهیده انعقادای حقوق خصوصیه دول قونفره سی اوزرینه فرانسده نشر واعلان اولنان امرنامه موجبنجه فرانسہ، باعقدا، اسپانیا، ایتالیا، فلمنك، پورتوگیز، اسوجره، المانیا، اوستریا، دانیمارقه، روسیه واسوج ونوروج دولتری تبعه سی معامله متقابله مستند اولارق تأمینات ماثله ارائه سندن معاف طو تلسدر. ممالك عثمانیه دن حقیقون کیمیان اجانب علیهنده کی اعلاماتك دخی انشای انفاذنده تصادف ایدیلان مشكلاكاتك معلوم اولسنه نظراً «judicatum solvi» ناميله فرانسہ وممالك سائرۀ اجنبیه ده جاری اولوب خطوط عمومیه سی عرض اولونان كفالتك تبعۀ عثمانیه علیهنه اقامۀ دعوی ایدن مملکتتمزده کی اجانب حقنده لزوم تطبیق شدتله محسوس اولدینی ومعاملۀ متقابله مستنداً حکومت عثمانیه نك دول اجنبیه به قارشو بوباده برکونا مکلفیت عقدیه وعهده سی بولونمیدینی حالده تبعۀ اجنبیه طرفدن عثمانیلر علیهنه اقامه ایدیلوب حسب القانون رداستدعالری ویا منع معارضه لریله نتیجه ننان، دعاوی حقوقیه وتجاریه دن طلایی برمنوال محرر تحت حکمه آلنان رسوم محاکمه وضرر وزیان وسائرۀك اجابندن توثیق استحصالی ایچون تبعۀ عثمانیه مع التأسف تأمینات محققۀ ماثله دن کلیاً محرومدر .

حقوق افراد عثمانیه به شدت تعلقی درکار اولان بومثللو احکام حمایه کارانه نك تأمین تطبیق اسبابنه توسل ایدلسی اداره سابقه زماننده عموم صره سنده اهل ایدلمش ایسه ده رقبۀ استبدادك ازاله سیله حریم مبجل مشروطیتده بالاستحقاق اخذموقعه موفق اولان عثمانیلر ك فکر عدالتدن مترشح اولان بومثللو تدابیر تأمینیه دن تمامی محرومیتی دول اجنبیه نك احتسابات حق شناسانه لرینه دخی متوافق اولامیه جعندن اداره سابقه دن موروث نقایص سائرۀك پیدری اکیلی صره سنده سالف العرض قواعد عادلۀك دخی تقنین وتأسیسی شایان تمی در .

واقعا اجانبه شامل رسوم جدیده طرحی قضیه سنك هدف اعتراض اولمسی لایح خاطر اوله بیلیرسه ده قاعدۀ مبجوتۀ كرك طوغریدن طوغری به وكرك طولایسیله واردات دولتی تزئیده مدار اولاجق بر ماهیتده اولیوب ورسوم جدیده احداثی تضمن ایتیموب مجرد طرفین متخاصمین حقنده قانون خصوصی مذهب سنده اولسندن ناشی حرفیاً لازم الاجرا حالی اکتساب ایدن اعلامات قطعیه نك تأمین انفاذ احکامنی کافل اولاجقنه وحکومت مشروطۀ عثمانیه جه عمومه سیاناً حسن توزیعی تعهد ایدیلان فیوضات حقانیتك قوه تأییدیه سی جمله سندن بولندیغنه مبنی قاعدۀ معروضه نك - بحق اولارق - هیچ براعتراضه متحمل اولمیدینی درکاردر .

محکمه تمیز حقوق دائره سی میزی

تمسوقی انقباضی

## [ ۴۱ ] نومرولی جريدة عدليه محتویاتی

### قسم رسمی

| صفحه | نومرولی                                                                                                 | توجیهات عدلیه                     |
|------|---------------------------------------------------------------------------------------------------------|-----------------------------------|
| ۲۱۱۳ | —                                                                                                       | فوائین ونظامات                    |
| ۲۱۱۷ | (۱) قانون جزانك [ ۲۳۰ ] نجی ماده سی ذیلنه مذیل قانون موقت                                               | —                                 |
| ۲۱۱۸ | (۲) درسمادت بلدیۀ قانونك آلتمش دردننجی و ولایت بلدیۀ قانونك قرقنجی                                      | —                                 |
| ۲۱۱۹ | ماده سی مقامنه قائم رلاق اوزره اخیراً تصدیق عالی به اقترا ایدن ماده معدله قانونیه                       | —                                 |
| ۲۱۲۰ | (۱) پوسته وتمغا ومحاكم خرج پولری وسائرۀ کبی قیمتلی اوراقك بالجله مال                                    | نبلیقات عمومیه                    |
| ۲۱۲۱ | صندوققلرنده موجود اولدیغندن بعدما اورالردن طلب ایدلسی لزومنه دائر                                       | —                                 |
| ۲۱۲۲ | (۲) طشره لرده اجنیلره ارسال اولنه جق اوراق عدلیه نك درسمادنده اولدینی                                   | —                                 |
| ۲۱۲۳ | وجهله دوغریدن دوغری به قونسلوسخانه لره کوندرلسی لزومنه دائر                                             | —                                 |
| ۲۱۲۴ | (۳) حیوان سرققی وقوعنده فاعلی مجهول ولور ایسه مدعی عمومیلرک ضابطۀ                                       | —                                 |
| ۲۱۲۵ | عدلیه مأمورلری واسطه سیله تحقیقات اجرا ایتدیررک فاعلی ظهروه اخراج                                       | —                                 |
| ۲۱۲۶ | ایتدیرملری لزومنه دائر                                                                                  | —                                 |
| ۲۱۲۷ | (۴) توتون جزای نقدیلری حقنده محاکم جزایه دن صادر اولان اعلاماتك رسم                                     | —                                 |
| ۲۱۲۸ | تمغادن استثناسنه دائر                                                                                   | —                                 |
| ۲۱۲۹ | محکمه تمیز هیئت عمومیه سی مقرراتی — (۱) فعل قتلک نه کی برآلت جارحه ایله ایقاع ایدلیکنك فك قبول ایده کی  | محکمه تمیز هیئت عمومیه سی مقرراتی |
| ۲۱۳۰ | برصورتده حلی ونحوه قاتك آکا کوره توییعی لازم کلدیکنه دائر                                               | —                                 |
| ۲۱۳۱ | (۱) هیئت اتهامیه جه نقصان تحقیقات اوزرینه اعطی قرار ایدلسی نقض حکمی                                     | —                                 |
| ۲۱۳۲ | مستلزم اولدیغنه دائر                                                                                    | —                                 |
| ۲۱۳۳ | (۲) ضبط ورقه سنده مهری بولنان برکیه سنك جلب واستماعندن ذهول ایدلسی                                      | —                                 |
| ۲۱۳۴ | موجب نقض اولدیغنه دائر                                                                                  | —                                 |
| ۲۱۳۵ | (۳) محاکماتک برنجی قسمنده مدعی عمومی مماندنکی وکالتده بولندیرلمش اولان                                  | —                                 |
| ۲۱۳۶ | اعضا ملازمك بالاخره هیئت حاکمه میانسه آلتمش مستلزم نقض اولدیغنه دائر                                    | —                                 |
| ۲۱۳۷ | (۴) مبدأ قطعیه نك تعیین ایدیله مامسندن ناشی بولسز اولدوق ویرلدیکی ادعا اولنان                           | —                                 |
| ۲۱۳۸ | نقلیه پوصله سی تاریخنك مبدأ عدی ایله بوتاریخنن اعتباراً اولجه محکمه به                                  | —                                 |
| ۲۱۳۹ | ویریلن دعوی عرضحالی تاریخنه قدر مرور ایدن مدتك بالحساب مرور                                             | —                                 |
| ۲۱۴۰ | زمان حدینه بالغ اولسندن ناشی دعوی واقعه نك سقوطی لازم کلدیکنه دائر                                      | —                                 |
| ۲۱۴۱ | (۵) اصول محاکمات جزایه قانونك ۱۸۷ نجی ماده سنك تفسیرنه دائر                                             | —                                 |
| ۲۱۴۲ | (۶) مظنونك اهلیت جزایه سی حائز اولوب اولمیدینك تدقیق لزومنه دائر                                        | —                                 |
| ۲۱۴۳ | محکمه تمیز حقوق دائره سی مقرراتی — (۱) قیمتی بیان اولمیان دعاوینك استینافده مستأنفلر مرکز ولایت استیناف | محکمه تمیز حقوق دائره سی مقرراتی  |
| ۲۱۴۴ | محکمه سنه مراجعت حققه مالک اولدقلرینه دائر                                                              | —                                 |



- (۲) اراضينك تفرغى اذن صاحب ارضه اواسى لابد وبلا اذن صاحب الارض واقع اولان فراغله مفروغ له ايچون حق تصرف غير ثابت اولديغنه دائر ۲۱۳۴
- (۳) مدعينك حين دعوايه اصيل عليهنده كي دعواين فراغت ابتدكي عند الحماكه بيان ايلمى ابرا اولديغنه دائر. ۲۱۳۶
- (۴) محاكمه غيابيهده سندن شرائط قانونيه يي جامع اريلاق اعتباريله عقدسلم صحيح اولمايغنه دائر. ۲۱۳۷
- (۵) مختلف قطعانده واقع اولان اراضى مختلف الجنس اولق ملاسه سيله بولورده متقاسمين راضى اولدقلى حالده قسمت جمع ايله تقسيم اريلق غير جائز اولديغنه دائر. ۲۱۳۹
- (۶) اراضى اميريه دعواييزنده صاحب ارض صفييله اراضى مأمورينك بولنديراممى نقض حكيمى مستلزمدر. ۲۱۴۰
- محكمه تميز جزا دارهسى مقرراتى (۱) محكوميت سابقه نك تكرره اساس اتخاذ اولميه جنى حقنده محكمهجه اتخاذ ازلان قرار نقض حكيمى مستلزم اولديغنه دائر. ۲۱۴۲
- (۲) متولاك اولدينى منهم طرفندن بارقه سيله ادعا اولان دكتكك جيم وثقلته دائر نتيجه تحقيقاتدن حاصل اولدى لازم كلان احوالك مجرميت قرارنده توضيحي لزومنه دائر. ۲۱۴۳

### قسم غير رسمى

- مصادمات بحريه سبيله وقوع اولان تلف نفس ومجروحيت حقنده باش مدعى عمومى مدوح بك افنديك ۲۱۴۵
- تدقيقات فنيه محكمه تميز جزا دائرهسى اعضاسندن طاعت بك افنديك ۲۱۴۸
- اجانبك ممالك عثمانيهده جائز اولدقلى امتيازات عدليه تجارت بحريه محكمهسى اعضاسندن جمال الدين وهران آصادور بكلك ۲۱۵۱
- فرانسه ده اجانب طرفندن فرانسه تبعهسى عليهنده اقامه ايدان دعاوى محكمه تميز حقوق دائرهسى ميمزلرندن حقوقه نك تابع بولندينى شرائط تأمينيه حقنده ديستوفلى افنديك ۲۱۵۷

## اعلان

بك اوغلنده حسين اغا محله سنده طوغرامه جى سوقاغلنده درت نومرولى دكانده مقیم ديمتري ديمتري كيدى وكيلي پول هارون افندى جانيندن بك اوغلى بدايت محكمهسى برنجى حقوق دائره سنده اعطا قانان عرضخالده بك اوغلنده كرچخانه سوقاغلنده نومروسز خانهده ساكن ايكن وفاتى وقوعبولان قوميك يانديان افندى ذمتنده الهجنى اولوب اخذينه موفق اوله مدينى قرق التى ليراي عثمانينك ساكنه مديون متوقايه وضع بدى حسبييله ورثه سندن كريمهسى مادموازل يانديانندن مع فائض و اجرت وكالت تحصيلي طلب ودعوى اولمقدن ناشى لاجل الحماكه تنظيم واملا قلان ورقة دعوتيه ظهيرنه خدمهسى طرفندن ويريلان شرحده مزبورده نك اراه قلناسن محله بولنه مدينى كبي زرده اولدينى ده مجهول ايدوكى بيان اولميسنه مبنى مدعى وكيليك طلييله معامله تبليغيه نك اصول محاكمه حقوقيه قانوننك يكرمى التجي ماده سندن فقره اخيرهسى حكمنه توفيقاً اعلاناً اجراسى بالتسليم اولبايده تسطير واملا قلان دعوتنامه دخى محكمه ديوانخانه سنده تعليق قلنه ق امر محاكمه نك اغستوسك سكزن نجي بازار ايرتسى كوني الافرانغه ايكي به مصادف الاتورقه ساعت بدى درت دقيقه به مقرر بولنديغندن مزبورده نك يوم ووقت مذ كورده محكمهده حاضر بولمى وياخود مصدق سنده بر وكيل كوندرمى لازم كلوب عكس تقديرده دعواي حاضره سندن غياباً رؤيت وفصل اوله جنى بيانيله اعلان كيفيته ابتدار قلندى .

\*

صرافاندىن كيغورق بوغچيليان ايله جوان ويوردان برادرلرك متوفى ابراهيم ادهم افندى ذمتنده اسكدار بدايت محكمه سك ايكي قطعه اعلاميله محكوم به آلاجلقلى اولان مبالغك تأمين استيفاسى ضمننده مديون متوفانك قاضى قريه سنده عثمان اغا محله سنده جوبزلكده ايكنجى باغچىلر زقاغده واقع مكرر بر نومرولو طقوز اوطة وايكى صوفه ودرت ابدستخانه وبرطبخ ايله درون باغچهدر بر قيو وبر صغير حوض وبر اوشاق اوطة سيله اشجار مثمره وغير مثمره مشتمل محجوز وفروختى مقرر بولنان ملك بر باب خانه مع باغچيك بتونى لى المزايدة ليرا يوز غروش حسبييله قرق بيك غروشده طابى عهده سنده تقرر ايتمش اولمقله تاريخ اعلاندى اعتباراً اوتوز بركون طرفنده لاقل يوزده بش ضميله طالب اولانلرك يوزده اون نسبتنده كي بي اچقلىرني متصحباً اسكدار اجرا دائره سنده مراجعت ايتلملى ومدت مذ كوره ختامنده سنه حاليله اغستوسنك يكرمى دردنجي چهارنجه كوني الاتورقه ساعت سكزن راده لرنده صوك مزايده عليهسى اجرا قلتمق اوزره مارالذكر املاك مذ كوره پيشكاهنده مأمورى مواجهه سنده حاضر بولملى اسكدار اجرا دائره سندن اعلان اولتور .



متوفی احمد رشدی افندینک قوردون اوقاف محاسبه جیلکندمه مستخدم اولدینی زمان مال وقفدن ذمته  
چورمش اولدینی مبالغ معلومه یی کفالتی حسبیله خزینة اوقاف هایونه اعطاسنه محکوم اولان مخدوملرندن  
محمد علی افندینک پدی متوفای مومی الیه احمد رشدی افندیدن ارثاً وانتقالاً متصرف اولوب حجز ایدیلان  
قرنال قضاسنده چاوش دره سنده اراضی امیر یزدن ۳۵ و ۳۶ نومرولرله مرقم اون سکرز دوم مقدار  
کرومی ملک باغ الیه سلطان اورخان وقفندن بر نومرولی ایکی دوم برقطعه ترلا مع زیتونلکده کی ربع  
حصه شایعه سی تحت حجزه الدیرلمش اولمقله تاریخ اعلاندن اعتباراً اون بش کون صکره بالمزایده فروخت  
اولنه جغندن طالب اولوب دها زیاده معلومات المی استیانلرک اوغلی اجرا دائره سینه مراجعت ایلمری  
اعلان اولنور .

صراف یانقو وطودی افندیلرک قرتال قضاسی داخلنده شیخی قریه سنده حاجی صالح اوغلی مصطفی  
ومخدومی قانون محمد افندی ذمترنده بااعلام مطلوبی بولان مبالغ تأمین تسویه سی ضمانتده مدیون مرقومانک  
متصرف اولدینی قریه مرقومه ده چقال دره موقعنده معلوم الحدود یکر می دوم ترلا سیله قورت قریه سنده  
چارشو اورته سنده بر باب قهوه خانه نک حجز فروختی تحت قراره آلمش اولدیغندن تاریخ اعلاندن بالاعتبار  
اون بش کون صکره بالمزایده فروخت اولنه جغندن اشترا سینه طالب اولانلرک ودها زیاده معلومات المی  
ایستیلرک قرتال اجرا دائره سینه مراجعت ایلمری اعلان اولنور .

بایزید ناهی متوفا حاجی حافظ افندینک بایزید دره سماملرندن حافظ حلمی افندی یه بااعلام محکوم یه  
بورجنگ تأمین استیفاسی چون ورته سنک واضع الیداوله قلمری بولینک قره بر محله سنده کائن بر باب خانه و صوفی  
قریه سنده واقع ایکی اوجاقلی بر باب دکر من حصه شایعه سی تاریخ اعلاندن اون بش کون صکره بالمزایده فروخت  
اولنه جغندن طالب اولان و زیاده معلومات استیانلرک بولی اجرا دائره سینه مراجعتلری لزومی اعلان اولنور .

باندرمه نک سروی محله سندن صوتیر اوغلی اندون قالقنک ۱۴ حزیران ۳۲۷ تاریخ واللی درت نومرولی  
برقطعه اعلام موجبجه حضر الیاس محله سندن چامورلی یورکی اوغلی قسطنطی ذمته معلوم المقدار آله جغنگ  
تأمین استیفاسی ضمانتده تحت حجزه النان ایدنجک یوله طرفلری قره کورک اوغلی باغی وقدر اوغلی حسن  
وعثمان اوغلی حسن باغلیله ومدیون قسطنطینک دیکر باغی الیه وترلا سیله محدود تخمیناً اوج دوم باغی بالمزایده  
اللی یوز غرونده طالبی عهده سنده تقرر ایدوب موقت قراردادده سی کشیده اولنمش اولدیغندن یوزده بش  
ضملمه پی وضع اولنق اوزره طالب اولانلرک باندرمه اجرا دائره سینه مراجعت ایلمری ایکنجی دفعه اعلان  
اولنور .

دفتردارده فسخانه قارشوسنده قهوه ده ساکن قهوه جی محمد اغانک مذکور قهوه خانه نک فوقنده کی اوطه ده  
ساکن ایکن جیقوب زرمیه کیندیکی مجهول بولان دوققور احمد اندی ذمته مذکور اوطه نک بدل ایجارندن  
آله جی اولان اوجیوز اون بش غروشک تحصیل و مأجورک تخلیه سی و حین تخلیه نه دکن تراکم ایده جک  
اجارنک تحت حکمه آلمش حقنده در سعادت بدایت محکمه سی ایکنجی حقوق دائره سندن استحصال ایلدیکی  
۲۹ حزیران سنه ۳۲۷ تاریخ ویدی یوزدرت عددلی اعلام غیاینک برقطعه صورت مصدقه سی مومی الیه احمد  
افندینک اقامتگاهنک مجهول اولمی حسبیله محکمه دیوان خانه سینه تملیق ایدلمش اولدیغندن اصول محاکمه حقوقیه  
قانوننک یوز قرق طقوزنجی ماده سی منطوقنجه تبلیغ مقامه قائم اولق اوزره اعلان کیفیته ابتدار قلندی .

صراف دکر منجی اوغلی نیکفور افندی یه ایکنجی محکمه تجارت اعلامیه اولان دین محکومینک تأمین  
تسویه سی چون خلیل بکک اسکدارده روم محمد پاشا محله سنده شمس پاشا جاده سنده یکر می نومرو الیه مرقم  
زمینی اوقافه ملحق مرحوم احمد چلبی وقفنه مقاطعه لو وابینه سی ملک علی التخمین اوجیوز زراع محله ده  
طرفینی دیوار الیه انشا اولنمش فوقنده اوج اوطه در صفه یی حاوی بر باب کراسته جی مغازده سی وارقه جهته ده  
علی التخمین یوزاللی زراع قایقخانه عرصه سی زمین وابینه سنده متصرف اولدینی نصف حصه نک فروختی  
تحت قراره آلمش اولمقله حصه مذکوره تاریخ اعلاندن اعتباراً اون بش کون صکره موقع مزایده یه وضع  
ایدیله جکندن اشترا سینه طالب اولنلرک ودها زیاده معلومات المی استیانلرک محکمه تجارت اجرا دائره سینه  
مراجعت ایلمری محکمه تجارت اجرا دائره سندن اعلان اولنور .

بالق بازارنده طاشجیلرده بلا نومرو دکانده تجارتله مشغول ایکن تجارت بحریه محکمه سنجه افلا سینه  
حکم اولنمش اولان یورطه جی یوان قلندر اوغلنک خصوصات افلا سینه سنک رؤیت و تسویه سی ضمانتده  
دعوی وکیللرندن ولادیمیر میر اوغلی افندی اصالة سندیک تعیین قلمش اولدیغندن مفلس مرقوم ذمته ده  
آله جی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن  
اعتباراً یکر می برکون ظرفنده سنداتی محکمه کاتبه تسلیم ایلمری و مدت مذکوره ختامندن صکره اوج  
کونده یعنی اغستوسک سکرنجی بازار ایرتسی طقوزنجی صالی اوننجی چهارشنبه کونلری قبل الزوال ساعت  
اونبر راده لرنده تجارت بحریه محکمه نک افلاس معاملاتنه مخصوص اوطه سینه کلرک سندیک افندیلر  
مواجهه سنده آله جقلمری اثبات و قید و تصدیق ایدیرملری و مدت مذکوره اثبات وجود ایده میان  
آله جقلولر حقنده قانون مذکورک ۲۱۰ نجی ماده سینه توفیقاً معامله اولنه جی اعلان اولنور .

بک اوغلنده طوغری یوله طوقاتلیان اوتلی قاشوسنده شکری پاشا آپارتماننده ۲ نومروده مقیم  
وبک اوغلنده تپه باشنده فارا آپارتماننده ۲ نومرولی تجارتخانه ده ترزی وقاشجیلقله مشغول ایکن تجارت بحریه



محکمه سندن افلاسه حکم اولمش اولان پولنيکی ني قولايديس افدينک خصوصات افلاسيه سنک رؤيت و تسويه سي ضمانت غلطه ده مادر خانده ۱۰ و ۱۱ نومرلو يازيخانه ده دعوى و کيللرندن آينه جي اوغلي خرملبوس افندي اصالة سنديک تعيين قلمش اولديغندن مفاس مرقوم ذمتده آله جي اولانلرک قانوننامه تجارتک ۱۹۹ و ۲۰۰ نجى ماده لرى موجبجه تحقيق ديون ايچون تاريخ اعلاندن اعتباراً يکرمى برکون ظرفنده سنداتی محکمه کاتبه تسليم ايللری ومدت مذکوره ختامندن صکره اوچ کونده ينى ۳۲۷ سنه سي اغستوسنک التنجي جمع ايرتسي سکزننجي بازار ايرتسي و طقوزنجي صالى کونلرنده بعد الزوال ساعت ايکي بچقده تجارت بحريه محکمه سنک افلاس او طه سنه کله رک سنديک افديلر مواجهه سنده آله جق لرينى اثبات و قيد و تصديق ايتديرملرى ومدت مذکوره ده اثبات وجود ايده ميان آله جق لورلر حقنده قانون مذکورک ۲۱۰ نجى ماده سنه توفيقاً معامله اولنه جي اعلان اولنور .

\*\*\*

خديجه نعمت خانمک چهارشنبه ده صره قهوه دلرده بوشده کزر طاقندن نعيم افندي وسائر عايلرينه در سعادت بدايت محکمه سي ايکنجى حقوق دائره سنده اقامه ايلديکي دعوانک رؤتي ضمانتده مومى اليه نعيم افندي به لاجل التبليغ ارسال قلان دعوتيه ورقه سي زيرينه محلى امام ومعتبرانى طرفندن يازيلان شرحدده محله لرنده اونامده کيمسه بولندينى بيان وتمهير ايلش ومدعيه مومى اليها طرفندن دخى اقامتکاهى مجهول بولندينى جهته غزته ايله اعلاتنى طلب ايلش و طلب واقع مافق قانون کورلش وامر محاکمه نک اوچيوز يکرمى يدى سنه سي اغستوسنک سکزننجي بازار ايرتسي کونى زوالى ساعت برده وتقريباً اذانى ساعت التيده اجراسى قرارلشديرلش اولغله اصول محاکمه حقوقيه قانوننک يکرمى آلتنجي ماده سنک فقره اخيره سي موجبجه اعلاناً تبليغ كيفيته ابتدار ايلش اولديغندن مومى اليه نعيم افدينک وقت معين مذکورده بالذات وبالوکاله اثبات وجود ايلسى وعکس تقديرده خصمنک طلبيه حقنده معامله غيايبه اجرا اولنه جي اعلان اولنور .

\*\*\*

اردکک احمدلى قريه سندن بابا پنا يوطک قريه مرقومه دن طناش غوريل زمينده محکوم به معلوم المقدار آلاچنکک تأمين استيفاسى ضمانتده مديون مرقومک مقدما تحت حجزه النان قريه سنده واقع معلوم الحدود برقطعه عرصه سنک بالمزايده ۱۱۷۰ غرو شده طالبي عهده سنده تقرر ايدرك قرار داده سي چکلمش اولغله تاريخ اعلاندن اعتباراً اوتوز برکون صکره احاله قطعيه سي اجرا قلنه جغندن يوزده بش ضمه زياده طالب اولانلرک اردک اجرا دائره سنه مراجعت ايللرى لزومى اعلان اولنور .

\*\*\*

باشکاتب اسبق تحسين افدينک اق تفک واق طاش ويچيقچيلر معدنلرى رسوم مقررده وتجهيزات بدلندن اورمان ومعادن زراعت نظارتى وزنه سنه بك اوغلي بدايت محکمه سي ايکنجى حقوق دائره سندن صادر

اولوب استيفافاً تصديق قلان ۲۵ مايس سنه ۳۲۵ تاريخلى اعلام موجبجه محکوم به دنى اولان يوز اوتوز درت بيک يدى يوزالتمش برغروش يکرمى بش پاره نک مع قاضى ومصارف محاکمه واجرائيه تأمين وتحصيل تسويه سي ضمانتده بشکطاشده تشويقيه محله سنک کاغذ خاه جاده سنده يکرمى يدى عتيق و قرق بش جديد نومرولى حاجى عثمان اغا وقفندن بشيکک در تيوز قرق بش ذراع محل دروننده تختانى وفوقانى حرم وسلاماق يکرمى يدى او طه ومتعدد سالون ايله ايکي حمام وچيچکلک واطراف اربعه سي طاش ديوارله محاط اخشاب بر باب قوناق ايله باغچه لى المزايدة در تيوز اللى بيک غروش التون اقچه بدل ايله مشتريسي عهده سنده تقرر ايدرك موقتاً قرار داده سي کشيده قلمش اولديغندن اشبوتاريخ اعلاندن اعتباراً اوتوز برکون ظرفنده لاقول يوزده بش ضميمه طالب اولنلرک يوزده اون نسبتنده کى ديپوزيتو اقچه لرينى مستصحباً بك اوغلي اجرا دائره سنه مراجعت ايتلرى ومدت مذکوره نک ختامه مصادف شهر اغستوسک يکرمى در دنجى چهارشنبه کونى ساعت آلا فرانغه بش راده لرنده محله صوک مزايده عليه سي اجرا وبعد قرار داده قطعيه سي کشيده قلنمق اوزره سالف البيان املاک پيشکاهنه عزيمت ايده جک اولان مأمور مخصوصى مواجهه سنده حاضر بولملرى اعلان اولنور .

\*\*\*

شاهين اوغلى نيولا کى افدينک متوفى طنغر زاده آرتين افندي ذمتده کى مطلوب محکوم به نک استيفاسى ضمانتده بك اوغلنده تپه باشنده سقاچيمازده ۱۵ نومرولى خانه ده موجود برعدد جويز بوفه ايله برعدد مرمولى کبير اورته ماصه سي ايکى عدد يالديزلى کبير آينه ايله برعدد آينه لى وقونسوللر آرمونيك برعدد کبير اورته ماصه سي ايله ايکى عدد کبير دولاب بزکبير ماصه ايله بش صنديق کتب متنوعه و برعدد صوما کى طاشلى يالديزلى قرنسول والتى عدد چارچيولى رسم لوحه سيله برعدد جويزدن معمول بزىک ماصه سي وايکى عدد چارچيولى يالديزلى آينه و عدد سکز موملى آوزنه ايله سکز موملى ديوار شمعدانى و برطاقم تول پرده لر ايله ايکى عدد شمعدان و برعدد جويزدن معمول چيچکلکى ساعت ايله برعدد مرمولى لاوومانو و برچفت فانوسلى لامبه و برعدد کبير ساعت ايله برعدد چاي بوفه سي و برعدد صغیر ماصه ايله ايکى عدد پلانين تپسى ويکى عدد صدفلى چارچيوه ايله برعدد کبير طباق و برعدد صغیر دولاب و جويز قابلى يدى عدد صنداليه ايله سکز قوتوق و برعدد تيورقاريوله مع مندر اغستوسک يدنجى بازار ايرتسي کونى ساعت اوچ قرارلرنده خانه مذکوره پيشکاهنده مأمورى حاضر اولدينى حالده بالمزايده فروخت اولنه جي دائره مذکورده دن اعلان اولنور .

\*\*\*

تجار دن ابراهيم درویش افدينک مقدما غلطه ده قرمنه جيلرده ساکن اولوب اليوم اقامتکاهى مجهول قوميسيوننجى بانده لى خريستيديس ذمتده جهت کفالتدن اله جي اولان بش بيک سکسان اوچ بچق غروشک بيک قرق درت غروش مصارف محاکمه سيله برابر تحصيلنه ومدعى عليهک قونيه ولايتى داخلنده نيکده سنجاغنده ارکوب قضاسى مربوطاتندن سينه سون ناحيه سنده نصف حصه سنه متصرف اولدينى کوى يوانده کائن بر



قطعه بقیچه و قایش و ملیدی و اوزتکی جایری موقعنده باغ و زولا و طاشلیق موقعلرنده برر قطعه ترلاسی  
اوزرینه موضوع حیزک تصدیقنه بک اوغلی بدایت محکمه سی برنجی حقوق دائره سندن صادر اولوب تبلیغات  
لازمه سی اعلاناً ایفا قلنان ۲۱ کاون اول سنه ۳۲۶ تاریخلی و ۱۴۴۲ نمرلی اعلام غیابی حکمنک اجرایی  
دائن مومی الیه طرفندن بالاستدعا طلب ایدلمش و محکوم عایهک الیوم اقامه کاهی مجهول بولنش اولمقله اجرا  
قانوننک بیکرمی طقوزنجی ماده سی حکمنه توفیقاً طقسان برکون مدته تنظیم قلنان اشبو اخبارنامه نک محکوم  
علیه تبلیغ ایدلمش عد اولمق و مدت مذکوره ظرفده اثبات وجود ایتدیکی صورت تسویه دیندن امتناع  
ایتمش عد اولمق حکم اعلامک اجرا قلنه جنی معلوم وابق اوزره بر نسخه سی دائره اجرا دیوانخانه سنه  
تعلیق قلندینی کی اوراق حوادلله اعلان کیفیت اولنور .

\* \*

سعید بکک مهندس حلبلی اوغلی قره بت اغا ذمتنده بااعلام محکوم به الاجنی اولان مبالغ معلومه نک تأمین  
استیفاسی ضمننده محجوز و فروختی قرار کیر اولان بک اوغلنده فری قریه سنده باروتخانه جاده سنده یوز بیکرمی  
سکز نومرولو بیک الی زراع و اوزرنده بلا رخصت انشا ایدلمش براقه لری حاوی عرصه و مذکور جاده  
یوز اوتوز نومرولو و بیک یوز بیکرمی زراع کذا براقه لری حاوی عرصه ایله محل مذکورده اورتیه قیر زقاقده  
الی نومرولو و ایکی یوز اون زراع و الی ایکی نومرولو ایکی یوز الی اوچ زراع و ایکنجی دره زقاقنده بر نومرولو  
درتیوز قرق بر زراع و اوچ نومرولو درتیوز یتش الی زراع براقه لری حاوی عرصه ایله بیسوک یکی زقاقده  
ایکی نومرولو الی یوز اون طقوز زراع حالی عرصه ایله درت نومرولو ایکی یوز اون سکز زراع و سکز نومرولو  
درتیوز سکسان اوچ زراع و اون نومرولو سکز یوز سکز زراع و اون ایکی نومرولو بیک درتیوز اوتوز زراع  
بر طاقم براقه لری حاوی متصرف اولدینی عرصه لک تاریخ اعلاندن اعتباراً اون بش کون صکره بالمزاید  
فروخته تشبث اولنه جفتدن طالب اولوب دهها زیاده معلومات المق استیالارک اسکدار اجرا دائره سنه مراجعت  
ایلیری اعلان اولنور .

\* \*

بویوک اطهده بالق بازارنده سکز نومرولی کراسته جی دکاننده ساکن ایکن محکمه جه اعلان افلاسنه حکم  
اولنش اولان مفلس اوره سی دیمبوغلی و طودوری ماندیقاً ذمتلرنده آله جفتی اثبات و یاموقفاً قبول و قید ایتدیرمش  
اولان آله جقلولرک قانوننامه تجارنک ۲۱۱ و آنی ولی ایدن ماده سی موجبجه مفلس طرفندن تمکلیف  
اولنه حق قوتقورداتونک مذاکره سی ایچون اغستوس رومینک دردنجی پنجشنبه کونی زوالی ساعت بر راده لرنده  
محکمه نک افلاس اولمسه کلمری اعلان اولنور .